

قانون نامه آل عثمان

سلطان سلیمان خان قانونی امریه جمع و تلقیق اولنان قانوننامه اولوب ویانه
کتابخانه امپراطورینده موجود نسخہ سندن استنساخ ایدیشدر

Kānūnnāme-i 'Al-i 'Osmān

Sultān Süleymān Hān-ı Kānūnī
emriyle

استانبول

مکتبہ خاندان امپراتوری

طبعیت مشرقی

۱۳۲۹


تاریخ عثمانی انجمنی مجموعه سنک علاوه - یدر .

JN
971
191
A5

ویانه کتبخانه اہمراطور پسندن جاب اولنوب مجموعہ مزالہ اولجہ تفرقہ
صورتندہ نشر ایتش اولدیغمز برنجی قانوننامہ یہ بر مقدمہ یازمش و مذکور
مقدمہ دہ بودفعہ طبعی رسیدہ حد ختام اولان اشبو ایکنجی قانوننامہ
ایچون بروجہ آتی ملاحظاندہ بولمش ایدک :

« ایکنجیسنک تاریخ تحریری کوسترلامشدر . تشکیلات قدیمہ دولتک مالی
و عدلی قسملرینہ عائددر . کتبخانہ فہرستندہ اشبو ایکنجی مجلہنک دخی «سلطان
مشارالیمہ یعنی سلطان محمد خان ثانی یہ عائد و قانون اساسینک جزا و ویرکولر قسمنہ
متعلق ایکی بابی محتوی « اولدینی بیان ایدیلور ایسہ دہ بوجہت یا کلش
قید اولمشدر حتی ذکر اولنان کتبخانہ مدیریتی ویانہ سفارت سفینہ سنک
تحریراتنہ ملفوف تقریرندہ « اقرب احتمالہ کورہ سلطان احمد خان اول
زمانندہ جمع ایدلمشدر « دیور . بوقانونک مالی جہتی کتبخانہ لرمزک
اکثر پسندہ موجود و سلطان سایان خان قانونیہ نسبتلہ معروف (قانون
آل عثمان) ک مالی قسمنہ مشاہددر . لکن عدلی قسملری متفاوتدر .
توشیلشدیلور ایسہ قانون سلیمانیدہ اولان شدید جزالرک بزم مجلہ دہ
اولدنجہ تعدیل ایدلدیکی تظاہر ایدر بناءً علیہ ایکنجی مجلہنک ترتیبی
توخردر . »

بکرمی برپارچہ دن عبارت اولان مذکور ایکنجی قانوننامہنک برنجی
کی مقدمہ سی اولیوب « باب اول » دیہ ابتدا ایتشددر . ہر تقدیر آنک
کی دیہانی قیرمہ سی خط ایلہ محرر ایسہ دہ غایت گرفت یازیلوب و اکثر
محللرینہ نقطہ لر قولیوب و بعض یرلری بیاض بر اقیلوب و مستنسخک
دقتسز لکندن الفاظ و کلماتجہ تقدیم و تأخیر وقوعہ کتیریلوب بو جہتلر
طولایسیلہ چوق یرلری بالخاصہ لغات متروکہ و غیر مأنوسہ و تعیرات
قدیمہ اوقونہ دہ مش و اکثر جملہ لرندن معنای تام استخراج اولنہ مامش
« اولدیغدن مطبعہ یہ ویرنک ایچون استنساخندہ برخیلی صعوبت چکلمشدی .
بناءً علیہ تحریانہ مباشرت و کتبخانہ لرمز دہ بولنان بالجلہ قانوننامہ لرمزک تدقیقہ



مجبوریت حاصل اولمشدی. نتیجه تدقیقاًند اشبو ایکنجی قانوننامهک
بروجه آتی کتبخانه لرده نسخه لری موجود به لندیفی آکلاشلمشدر :

برنجیسی روان کوشکنده کی کتبخانه ده در . بالخاصه پادشاهلرایجون
یازلمشدر . ایجابی تقدیرنده مراجعت ایدلمک اوزره مذکور کتبخانه
پادشاهیده حفظ اولتمشدر . مع مافیہ تحریری سنه سی اشارت ایدلماشدر .
ایکنجیسی عاشر افندی کتبخانه سنده کی ازمیری مصطفی افندی کتابلری
آراسنده بولنان مجموعه لردن برنده [نومرو : ۱۰۰۴] محرر نسخه در . سلطان
مراد رابع زماننده یازیلوب مستسنخی طرفندن غایت طوغری نسخه لره
مقابله ایدلمشدر . فضله اوله رق مواد محتویه سندن دور مذکورده منسوخ
ومعمول به بولنانلرینه اشارت ایتس ومنسوخ مواد یرینه اقامه اولنان
ماده لری کتابک کنارینه تحریر ایشدر . بویکی قانوننامهک برنجی
صحیفه لرنده اسملری « قانون نامه هایون » دیه مقیددر .

اوچنجیسی سلطان بایزید جامع شریفنده کی ولی الدین افندی کتبخانه -
سنده در [نومرو : ۱۹۶۹] . خط نسخ ایله یازلمشدر . فهرستده « قانوننامه
سلطان سلیمان » وبالاسنده « قانون نامه عثمانی که شمعی مقرردر ، دیه مقید
ومحرردر . بعض قرأندن سلطان سلیمان خان اول دورنده یازلدیفی آکلاشیلور .
در دنجیسی صحافلر شیخی زاده اسعد افندی کتبخانه سنده در [نومرو :
۲۳۶۲] . دیوانی خط ایله یازلمشدر . فهرستده « قوانین عرفیه دیوانی »
نامیه مسطوردر . سلطان مراد ثالث دورنده استنساخ ایدلیکی آکلاشیلور .
بشنجیسی نور عثمانی کتبخانه سنده در [نومرو : ۴۰۹۴] . خط
نسخ ایله محرردر . ابتداسنده « هذا قانون سلطان سلیمان خان اعز الله
انصاره من اوله الی اخره » سرلوحه سی واردر .

اشبو نسخه لره اغانه سیله اساس اتخاذ اولنان نسخه ده کی او قونه میان
کلمات وحل ایدیه میان قدیم تعبیرات وتام معنا استخراج اولنه میان واجیق
براقیلان جملات تعیین وتصحیح اولندی وبونلر متن قانوننامه ده معترضه
ایچنده کوسترلدی . فکر عاجزانه مه کوره بویکنجی قانوننامه سلطان سلیمان
خان قانونی دورنده و امریه ترتیب وتالیق اولتمشدر ومتن قانوننامه ده بولنان
بعض قیودات بوجهتی تأیید ایدر از جمله اوچنجی بابک فصل ساد سنده سلطان
جملک قونیه ده کی کوشکنک انشاسندن بحث اولنسی وسمندره ده کی فوجده

رسمتک سلیمان پاشا طرفندن وضعتک بیان ایدلمسی بو قانوننامه نك سلطان محمد ثانی به تعلق خصوصی حکمدن اسقاط ایدر و سلطان بایزید ثانی نك دخی اولدیغنی تبیین ایلر.

کذلک بالاده کوسرتلیدیکی وجهله اشبو قانوننامه ایله سلطان سلیمان قانوننامه سنده کی مالی جهت لک بر برینه مشابه و عدلی جهت لک متفاوت بولندیغندن بحث ایدرک ومع مافیه هر ایکسینک ر اولدیغنی قطعاً کسیدر میوب یالکیز المزدۀ اولان مجله نك تاریخ تحریری سلطان سلیمان خان قانوننامه سندن مؤخر در دیمش ایدک . واقعا بو قانوننامه ایله سلطان سلیمان قانوننامه سی عدلی قسم لری آره سنده کوریلان تفاوتک بزم مجله ده کی قاریشقه لقلره مواد منسوخته و غیر منسوخته دن نشأت ایلدیکی عاشر افندی کتبخانه سنده کی نسخۀ نك مطالعه و مقایسه سندن مستبان اولمقده در.

بو صورته سلطان سلیمان خان اوله عاقد اولدیغنی قطعاً تبیین ایدن بو قانوننامه نك اولاً تنظیم و یاخود جمع و تلفیق تاریخ نك ، ثانیاً محرر و یا جامع و ملفق نك ، ثالثاً مواد محتویه سـنـک من القـدیـم موجود اولوب اولدیغنک تدقیق اقتضا ایدر . شواوچ ماده حقده فیکر من بوجه آیدر :
اولاً مذکور قانوننامه سلطان مشارالیه دور سلطنتک ایلک سنه لرندۀ

تنظیم و یاخود جمع و تلفیق ایدلمشدر . زیرا روم ایلیده سمندره نك اوج یعنی منتهای حدود خاقانی اولدیغنی و اونکروس یعنی ماجارستانک خارجی بر مملکت بولندیغنی مندرجاتندن مستفاد اولمقده در . تعبیر قدیمی وجهله «یاغلیق» دیه بیان ابتدییکی ممالک خارجییه وقوعبولان اخراجات ایله اورالردن وقوعبولان ادخالندن آلتان رسوم ایچون مرکز دائماً سمندره شهریدر . او حالده اشبو قانوننامه نك ترتیب و تلفیق زمانندۀ هنوز بلغرادک فتح اولمدیغنی و ضبط واستیلا اولمش ایسه بیله ماجارستان فتوحاته مباشرت قلندمیغنی آکلشیلور . سمندره نك اوج اولسی بلغرادک فتحه قدردر ، آندن سوکره حدود خاقانی طونه یی کچمش ؛ بعده ماجارستان دخی یاغلیقدن چیقهرق «ایلیک» اولمش یعنی ممالک عثمانیه یه قائلشدر . هجرتک ۹۲۷ سنه سنده بلغراد شهر یی فتح اولمش و ماجارستان ۹۳۲ سنه سنده وقوعبولان «مهاج» مظفریتی اوزرینه دائره اطاعته و ۹۳۶ سنه سنده بودینک دفعه ثانیه ده فتحی اوزرینه زیر تابعیته داخل اولمش ایدوکنندن مذکور قانوننامه نك

زمان ترتیب و تالیف نیک تواریخ مذکور مدد مقدم و یا خود او انزال دمه اولمی محققدر . مع مافیه بوناریخردن هیچ بری قطعی اوله رق کو ستریه مز .
 نایاً ایضاحات سابقه اشبو قانوننامه نیک محرر و یا خود جامی حقدمه بر فکر اعطا ایدم بیلور . بو ذات مشهور ابوالسعود افندی دکلدر ،
 زیرا افندی مشارالیه بوکی قانوننامه لر تنظیمه قاریشه جق مرتبه ده دولته هنوز حائز موقع اولماشدی . بو تقدیرجه افندی مشارالیه مذکور
 قانوننامه نیک تنظیمنده خدمتی یالکیز مواد مندرجه سنک شرع شریفه تطبیقندن عبارت اولمی و حالبو که زمان تنظیم ابن کمال مرحومک ایام اقباله
 مصادف اولغله خدمت تنظیمه ده آنک تأثیر کلیسی بولنسی خاطره کلیور .
 قالدی که عاشر افندی کتبخانه سنده کی نسخه نیک باب اولی اوزرینه مستسخ جانبدن سرخه : « مرحوم جلال زاده یازدوغی در » دیه تحریر
 ایدلش ایسه ده . مذکور قیده طوغری نظریله باقیله ماز . جلال زاده دخی
 اشبو قانوننامه نیک حین جمعنده ابوالسعود افندی کی هنوز تقیض اتمکده اولوب
 طرف پادشاهیدن قانوننامه تحریرینه و یا خود جمع و تالیفینه مأمور اوله جق
 درجه ده مساند عالییه واصل اولماش ایدی . مع مافیه کندی طرفدن قلمه
 آنه رق نامه نسبتله معروف اولان بر قانوننامه سی و اوقانونه متعلق
 محرراتی وار ایسه ده آنلر باشقه در .

دور مذکورده دیوان هایون امور قلمیه سنک ریاستی ایله برابر قوانینک
 تنظیم و تفسیری و محافظه مرعیتی خصوصاته نشانخیلر مأمور ایدی ،
 رئیس الکتایبلر ایکنجی درجه ده ایدی . اشبو قانوننامه نیک تحریر و یا خود
 جمع و تالیفی آنده « سیدی بک » « موقع دیوان عالی » ایدی . میرمومی -
 الیه ایچون جلال زاده مصطفی چلبی قانون شناس ایدی ، امور قلمیه ده
 غایتله ماهر ایدی و بنم مربی و معمل و استادم ایدی دیر ایش . حتی مورخ
 عالی بالذات مصطفی چلییدن بو بولده مسموعاتی اولدیفقی تاریخنده ذکر
 ایدر . سلطان سلیم خان اول تخته جلوسنده طریق ملکیده دن ایکی ذاتی
 فوق العاده تقدیر ایدرک امور ملکیه یی عهده لرینه تفویض و تودیع ایش
 ایدی که بری دفتر دار « پیری چلبی » و دیگرى مشارالیه سیدی بکدر .
 هر ایکسی دخی اقتسدار فوق العاده اصحابندن اولوب خاقان مرحومک
 تمیز رجاله کی نظر دوریدنه بره اندر . سیدی بکک نامی رفیق پیری پاشا
 کی اشتها ایتماشدر . مع مافیه اوزمانه عائد و ثائق و اوراق تدقیق ایدیلور

ایسه میر مشارالیهک دخی اعظم رجال دولتن اولدینی تظاهر ایدر . جلال زاده مصطفی چلبی نك جمله آنارندن اولان « سایمنه مه » ده سیدی بکه دائر قیمته دار معلومات واردر . فکر منجه اشبو قانوننامه نك تحریر و جمع و تلفیق طرف سلیمان خانیدن سیدی بکه احاله اولمشدر . اوده وظیفه نئی حقیله ایفا ایتمشدر .

ثالثاً اصول دولت علیه دن اولدینی وجهله بر کشور فتح اولندقدمه اول بأول معامله تحریریه سی ایفا بعده نظاماتی وضع اولنور وبوصورتله احتیاجات محلیه کوزهدیلرک حسن اداره سنك تأمیننه چایشیلوردی . عدلی و مالی و سایر بالجمله نظامات اداریه ده اساسلر بر اولدینی حاله تفرعات و تطبیقانه موقع و محیط و مزاج و قابلیت اهالی کبی شمیلر نظر اعتباره آلهرق بعض احکام تعدیل اولنور وبر ایالتك نظاماتی بتمامها دیگر ایالته اویماز ایدی . مثلاً قدیم بوسنه وروم ایلی ایالتلری برقطعه ده ویکدیگرینه متصل بولندینی حاله هریکی ایالته مرعی و معمول به نظاماتك اساسلری بر اولمقله برابر تفرعات جهتیله یکدیگرینه مابین ایدی . ایسته هر ولایته مخصوص نظامنامه لر بولمسی بوندن ناشیدر . موضوع بحثمز اولان قانون نامه نك قلمه آئیمسینه اشبو اساسلر و آنلردن یالکیز اعشارك ایالات مختلفه دم صور تطبیقیه سی بر مجله ده طوبیلاشمدر . شو حاله مذکور قانوننامه یکدن و یکیدر تنظیم اولیوب نظامات موجوده نك جمع و تلفیقندن عبارتدر . والحاصل اشبو قانوننامه نك موادی دولت عثمانیه نك عدلی و مالی بالجمله نظامات اداریه سنك اساسلرینی محتوی و احکامی من القدیم جاریدر . سلطان سلیمان خان اولك اوائل حکومتته وامریله توقیعی دیوان هایون سیدی بک طرفندن بالاستبایط جمع و تلفیق ایدلمشدر .

بو قانوننامه نك ویانه دن کتیر یان نسخه سنك صوك یعنی یتمشنجی صحیفه نك سکزنجی سطرندن اعتباراً باشلایان قسمی استانبول کتبخانه لری نسخهلرنده یوقدر ، آنلر اوچنجی بابك یدنجی فصلی یعنی اودون ایچون وضع اولنان قانون ایله نهایت بولیور واقعا قسم مذکورك پك چوق صوکره عائد اولهرق بعده علاوه قلندینی مطالعه سندن آکلاشیلور اشبو قانوننامه نك المزده اولان نسخهنده اولیوب استانبول کتبخانه لرنده کی نسخهلرینك اکثر یسندمه موجود بولنان مقدمه سی دخی بروجه آتیدر :

محمد عارف

الحمد لله الملك الحق الذي يأمر بالعدل والاحسان وينهى عن الفحشاء والمنكر وجعل السلاطين سببا لنظام السلام ونفذ احكامهم على كافة اهل الور والمدر والصلوة والسلام على واضع السنن سيدنا محمد المصطفى خير البشر وعلى آله واصحابه الذين هم متصفون بمكارم الاخلاق وحسن السير اما بعد آيين قواعد جهانبنای وقوانين عرفیه عثمانی که مدار صلاح عالم ومناط فظام امور جمهور کافه ائم در مجموعی مرقوم ومحرور اولوب بر مجلد دفتر اولمسی باینده حکم قدرتوان وفرمان قضا جریان وارد اولماغین امثالاً للامراء العالی جمع اولنوب ابواب ثلاثین مشتمل وهر باب دخی بر نیجه فصله منقسم قیاندی بواسلوب اوزره که شرح و ذکر اولنور

باب اول درت فصل اوزرینه ترتیب اولنوب جنایات مقابله سنده اولان جرم وسیاست باینده وضع اولندی که سپاهی ورعیت وشریف ووضیع ودنی ورفیع ارا سنده مشترکدر شویله که هر یکیم بو جرایمدن برسی ایله محرم اوله مقابله سنده تعیین اولنان عقوبتله معاقب اولور

فصل اول زنایه متعلق جرمی بیان ایلر

فصل ثانی تضاربه وتشاتمہ و قتل نفسه متعلق جرمی بیان ایلر

فصل ثالث شرب خمر وسرقه وغصب وتعمدی به متعلق جرمی

بیان ایدر

فصل رابع مجرد سیاستی بیان ایلر

باب ثانی یدی فصل اوزرینه ترتیب اولنوب سپاهی و بیت المال

وسپاهی به رعایادن عائد اولان رسوم بیاننده وضع اولندی

فصل اول صاحب تیمار احوالن بیان ایلر

فصل ثانی تیمارنده سپاهی تصرفنده اولان خصوصک وبو خصوصاته

تصرف سپاهی نه اسلوبندرنانی بیان ایدر

فصل ثالث	باجی بیت المالی بیان ایلر
فصل رابع	رسوم چفته و بنا که و رسم اغنام و آسیایی بیان ایلر
فصل خامس	اعشاری بیان ایلر
فصل سادس	بادهوائی بیان ایلر
فصل سابع	یایا و مسلمة متعلق احوالی بیان ایلر
باب ثالث	داخی کذلک یدی فصل اوزرینه ترتیب اولنوب رعایایه

مختص احوال بیاننده وضع اولندی

فصل اول	رعیتک رعیتدکنه متعلق قضایای بیان ایلر
فصل ثانی	کفریه مخصوص احوالی بیان ایلر
فصل ثالث	عزب ایچون تعیین اولتان قانونی بیان ایلر
فصل رابع	یوروکه و خیانهیه متعلق خصوصاتی بیان ایلر
فصل خامس	افلاقلر احوالن بیان ایلر
فصل سادس	بدع مرفوعهیی بیان ایلر
فصل سابع	اودون ایچون وضع اولتان قانونی بیان ایلر

باب اول

اول درت فصل اوزرینه ترتیب اولتوب جنایات مقابله‌سنده اولان
جرم و سیاست بیاننده موضوعدر

برای زنا

زنایه متعلق اولان جرمی بیان ایلر

برمسلمان زنا قلسه شرعله ثابت اولسه و زنا قیلان اولو اولسه بیك
اقیچه یادها زیاده‌یه کوچی یتسه اوچ یوز اقیچه جریمه الهه و اوسط
الحال اولوب الی یوز اقیچه‌یه مالک اولسه ایکی یوز اقیچه جریمه الهه
و اندن اشاغه درت یوز اقیچه‌یه کوچی یتسه یوز اقیچه جریمه الهه
و اندن اشاغه حاللو اولورسه الی اقیچه جریمه الهه و غایتله فقیر اولسه
قرق اقیچه جریمه الهه

واکر زنا قیلان ارکن اولوب بای اولسه بیك اقیچه یا زیاده‌یه کوچی
یتسه یوز اقیچه جریمه الهه و اورتیه حاللو اولسه الی اقیچه جریمه الهه
اندن اشاغه درت یوز اقیچه‌یه کوچی یتسه قرق اقیچه جریمه الهه و غایت
فقیر اولسه اوتوز اقیچه جریمه الهه

اکر اولو مسلمانه زنا قلسه شرعله ثابت اولسه غنیه اولسه غنی

ارقلین [۱] ویره اورتہ حالو و فقیرہ اولسہ اکا کورہ ار ارقنلی کی
جریمہ ویره

واکر زنا ایدن طول اولسہ انک جرمی ارکنلر جریمہ سی کی اولہ
ازلقدن چوقلقدن کوریلہ

واکر بونک کی عورتی اری قبول ایلسہ کوفتخور قنلی یوزاقچہ
الہ اکر یخسول اولورسہ الی اقچہ الہ وغایتلہ فقیر اولسہ قرق
یا اوتوز اقچہ جریمہ الہ

واکر عورت پزونکک ایلسہ قاضی تعزیر ایلسہ نہ قدر وجہ
کورسہ واغاج باشنہ بر اقچہ جریمہ الہ

واکر زنا قصدینہ برہ کونک [۲] اوینہ کیرسہ اولو ایسہ اولو جرمن
ویره واکر ارکن ایسہ ارکن جرمن ویره یوقارو تفصیل اوزرہ کہ
بیان اولندی

واکر قول قراواش [۳] زنا ایلسہ حر حرہ جرمنک نصفن ویره
عادت وقانون موجبہ بایلق و یخسوللق اعتبارنجہ

واکر برکیمسہ برہ کونک عورتن اوپسہ ویا دیلسہ ویا یاپسہ قاضی
تعزیر ایدہ اغاج باشنہ بر اقچہ جریمہ الہ

[۱] متن کتابدہ ارقلق صورتیلہ یازیلان بوکله شمدی ارکنلک دہہ تحریر
و تلفظ ایدیلور . معلوم اولدینی اوزرہ طول قادینک هنوز اولنہ مش کنج آدمہ
واردقدہ بکارلق حق اولہرق ہدیہ ویردیکی مبلغہ تسمیہ اولنور بر تعبیر مخصوصدرہ
بونک غنی ارقنلی وسائرہ اولہرق مقداری متفاوت اولدینی آکلاشیلور . برده
کوفتہ خور قنلی وار ایش کہ تعریفی متن کتابدہ مندرجدر . بو قانوننامہ انک
استانبول کتبخانہ لرندہ موجود نسخ متعددہ سندہ کلہ مذکورہ ارقینانی ،
ارنلر قینلی ، کوفتہ خوراز قینلی دہہ محرردر .

[۲] یعنی برکسہ نک

[۳] قدیم تورکچہدہ جاریہ معناسنہ ایدی .

واکر عورت ویا قیز سن بکا زنا قلدک دیسه ار انکار ایله بونلرک
سوزینه اعتبار ایتمه لر اده اند ویره لر عورتی قاضی تعزیر ایده ایکی اغاج
باشنه براقچه جریمه انه واکر ار عورته بن سکا زنا قلدیم دیوب عورت
منکره اولسه عورته اند ویره لر اری قاضی تعزیر ایلیوب ایکی اغاج
باشنه براقچه جریمه انه

واکر برکشی زنای بیلوب کیمسه یه دیمسه جریمه یوقدر والا
اوغورلنی [۱] بیلوب قاضی یه دیمسه اون اقچه جریمه انه
بو ذکر اولنان جرایم کافردن صادر اولسه غنی کافردن غنی
مسلماندن النان جریمه نک نصفی و متوسط الحالدن اورت حلالو
مسلماندن النان جریمه نک نصفی و فقیرندن فقیر الحال مسلماندن النان
جریمه نک نصفی انه

تضاربه و تشامه و قتل نفسه متعلق اولان جرایمی بیان ایلر

اگر ایکی کشتی بر برینه یاپشوب یقاسن یرتسه قاضی تعزیر ایلیه
جریمه یوقدر واکر بر برینک صاچن ویا سقالن یولوب ثابت اولسه غنی ایسه
یکرمی اقچه جریمه انه و فقیر ایسه اون اقچه جریمه انه

[۱] یعنی . سعادت ، برکت معناسی افاده ایدن اوغورلنی کله سی بوراده
سرقت معناسنه اولان اوغریلق لفظی مقامنده استعمال اولنشدرد . بکله لر پیننده
معناحه مناسبت یوقدر . کلمات مذکوره کتب قدیمه ده دخی عینی منالره موضوعاً
استعمال اولنشدرد . مع مافیه متن قانونشامه نک اوغریلامق مصدری مشتقاتک
استعمالی ایجاب ایدن محللرنده باشقه بر معنا افاده ایدن اوغورلامق مصدرینک
مشتقاتی قولالانلشدرد . بالکیز بر ایکی یرده اوغراق و سائر صورتهله طوغری یه
قریب اوله رق تحریر ایدلشدرد .

بوخصوصك قانونى كفرده داخى بعينه در غنى دن يكرمى اچّه انه
ديو قيد اولمشدر

باش ياريلوب قان چقسه اوتوزاچّه جريمه انه واكر كموك چقسه
اوتاجيلو [۱] اولسه باش ياران باى اولسه بيك اچّه يه يا ده زياديه كوچى
يتسه يوزاچّه جريمه انه التى يوز اچّه يه كوچى يتسه الى اچّه جريمه
انه فقير اولسه قرق ويا اوتوز اچّه جريمه انه

اكر ادم اولدرسه يرينه قصاص اتمه لر بيك اچّه يه يا ده زياديه
كوچى يتسه درتوز اچّه جريمه انه والتى يوز اچّه يه كوچى يتسه
ايكى يوز اچّه جريمه انه اندن اشاعه حاللو اولورسه يوز اچّه جريمه
انه غايتله فقير ايسه الى اچّه جريمه انه

واكر ايكى كنى اوقله وبقاقله بربرين اوروب يرالو وياشلو اولوب
دوشكه دوشسه اوران كشى باى اولوب بيك اچّه يه يا زياديه كوچى
يتسه ايكى يوز اچّه جريمه انه واورته حاللو اولسه يوز اچّه ويره
غايتله فقير اولسه الى اچّه جريمه ويره

واكر بره كونك كوزين ويا ديشين چيقاروب قصديه قصاص اتمه لر
غنى اولسه ايكى يوزاچّه جريمه انه واورته حاللو اولسه يوزاچّه جريمه
انه غايتله فقير اولسه قرق يا اوتوز اچّه جريمه انه

واكر [صغير اوغلانچقلى] صواش [۲] اتمه لر جريمه الميالر
اكر بوذكر اولنان قضايا كافردين صادر اولسه وجه مسفور اوزره
مسلمان جرمك نصفى انه

[۱] «اوتاجى» خسته «اوتاجيلو» طبيب معالنه در . بو قانوننامه نك
نسخ متعدده سندن برنده «طبيب طرفندن تداوى ايدلسه» معالنه اولورق
«اوتاجيلو تيار اته» ديه مهرردر .

[۲] ياخود صواش . منازعه، مقاتله معالنه قديم توركجه بركله در .

شرب خمر و سرقت و غصب و تعدی به متعلق اولان جرایمی
بیان ایلر

اگر برکشی خمر ایچسه قاضی تعزیر ایدوب ایکی اغاج باشنه براقچه
جریمه الله

اگر قاز ویا تاق ویا اوردک اوغورلسه قاضی تعزیر ایده ایکی اغاج
باشنه براقچه جریمه الله

اگر آت اوغورلسه الی کسه لر کسمز لر ایسه ایکی یوز اقیچه
جریمه الله

ویا نجاق [۱] ویا دستار اوغورلسه الی کسملو اولسه قاضی تعزیر
ایده ایکی اغاجه براقچه جریمه الله

بوقضیه کفارده دخی بعینه جاریدر

واگر برکیمسه [بره کو] نک تخیلن [۲] اوغورلسه غنی اولسه قرق
اقچه جریمه الله اورت حلالو اولسه یکریمی اقیچه جریمه الله غایتله
فقیر اولسه اون اقیچه جریمه الله

اوغل اتاسدن ویا اتاسدن ویا اتا اوغلندن ویا قرداش قرداشندن
ویا ار عورتسدن ویا عورت ارندن نسنه اوغورلسه قاضی تعزیر ایلله
براغاج باشندن براقچه جریمه الله

واگر یابانده بوند [۳] یا صغیر ویا قویون بولسه چاغرتمه بای اولسه

[۱] یاخود یا نجوق . زره ، جیه دیعکدر . بوراده آته کیدیریلان زره
مراد ایدلشدیر .

[۲] « تخیل » بغدادی و سائرته نک مزروع حالنده اولانسه تسمیه ایدلدیکی
کی بونلردن حاصل اولان حبوباته دخی دنیلور ایدی . مع مافیه بوراده ایکنجیسی
ومتن کتتابک سائر عملارنده برنجیسی قصد ایدیلور .

[۳] خرکله ایلله کنز تربیه ز ویا ری بیانی قیصر ااق دیعکدر . بومعه اعمومی
اولوب اهل قیصر اغه دخی خاصه تسمیه اولنور ایدی .

اوتوز اقیچه جریمه الله اوسط حال اولسه یکریمی اقیچه الله غایت فقیر
اولسه اون اقیچه جریمه الله واکر چاغرتسه اسی [۱] بولنسه قاضی به
تسلیم'یده صاقلیه صکره ضایع اولورسه جریمه یوق امر شرع نجبه ایه
ایله اوله

واکر کیمسه یولدن کچرکن ظلمله اتمک ویا یوغورت السه قاضی
تعزیر ایلیه اغاج باشنه براقچه جریمه الله کافر دن دخی مسلمان جرمنک
نصفی الله [وجه مسطور اوزره]

واکر برکشینک آتی یا قاتری واکوزی یا حماری اینه کیرسه
طوار باشنه بش چوماق اوروب بشر اقیچه جریمه الله [۲]

واینک کیرسه درت چوماق اوروب درت اقیچه جریمه الله
وبوزاغو کیرسه بر چوماق اوروب براقچه جریمه الله وقیون کیرسه
ایکی قیونه بر چوماق و براقچه جریمه الله وقره جانور کیرسه [جانور]
باشنه ایکی چوماق وایکی اقیچه جریمه الله

اما اول هجت ایدرلر هجت ایدرلر صکره اسلمیوب [۳] طوارلرینه
تیمار ایتیمک اولورلر سه که تخیله و ترکه [۴] به ضرر مترتب اولمش اوله بو
وجهله چوماق لیوب [وجرم لیوب] تهدید ایدرلر وهم لازم زیانی تضمین
اندورلر هر کشی طوارینه تیمار ایده رعایانک ترکه سنه زیان اولیه

واکر یابانده ویا خود کوپلر اراسنده ویا طوار صوادلنده [۵] اکلش
تخیلر اولسه طوار اوغراغنه اولاغی [۶] ایدرلر

[۱] یاخود اصی . صاحبی دیمکدر .

[۲] بو و آشاغیسنده کی مواده محرر حیواناتک صاحبی ضرب اولنه جقدر .

[۳] دیکلهمک ، اهمیت و برمه مک .

[۴] « ترکه » مطلقا بغدادی وسائره کی اوزاق دیمکدر . بوراده حیوانات
مذکور دنک ضرر و عالی مراد اولنیور .

[۵] قویونلرک صولاندینی محل و بونک یولی

[۶] یاخود آولاغ . بر محکم محافظه سی ایچون چیت وسائره صورتیه

اطرافنه چکیلان حائل . چفتای لهجه سننده شکارگاه معناسنه اولان « آولاق »
ایله صومجراستی دخی افاده ایدن « اولاغ » ویاخود « اولاق » کلر ی باشقه در .

مجرد سیاستن بیان ایلر

قیز و اوغلان چکان کمنه نك و خیانت ایله بر اجنبینك اوینه کیرن.
کمنه نك عورت و قیز چکمه بيله واران کمنه نك ایچمکی [۱] کسيله
قیز و عورت چکوب کوجله نکاح اددورنه جبرله بو شادوب نکاح
ایده نك سقالن کسه لر و محکم لت [۲] ایده لر

و عورت ایله دوتلانك شرعاً سیاستی نه ایسه اجرا ایده لر
و آدم اولدورن کمنه نی اولدوردوکی کمنه نك یرینه اولدوره لر
واسیر اوغورلیانی واسیر ایدانی و دکان اچانی و بر قاج کز خر سوزلانی.
ظاهر اولمش کمنه نی اصالر

و بزه و نکلک ایده نك التنده داغ ایده لر
و بر بلوک خلق ایچنده آدم اولسه [خر سزلق اولسه] تهدید ایده لر.
[قاتلی] و خر سزی بولدوره لر بولمزلر ایسه اول خلقی دوتوب حبس
ایدوب دزکاه معلایه عرض ایده لر فرمان قضا جریان انلرك بابنده.
نه وجهله صدور بولورسه موجیيله عمل ایده لر

کوی ایچنده ویا محله ایچنده آدم اولسه ویا کاربان باصیلوب خسارت
ویا برکوی [ایکی کوی ویا اوچ درت پاره کوی] اراسنده اوغوراق و حرامیلق
اولسه البته [ایده نی] بولدروب چیقارار شویله که بولمق امکان اولمیه
دیت صالار [جریمه سنی چکله لر]

و برکمنه نك اونده ویا التنده اوغورلق نسنه بولونسه صاتون.

[۱] بولکه کوریلان صورتده یازلمش و معناسی آ کلاشیله مامشدر . بلکه ده
دیزک التنده کی کمیک دینک اولان « انجیک » در .
[۲] « لت » ضرب معناسه در .

الدیسه ستانی بولدوره لر بولمزه [که] متهم [اولا] اشکنجه ایده لر
مکرکه [بولدوخی وقت] کتوروب قاضی یه تسلیم ایده و یا خود یابانده
بولدوغن اثبات ایده اما اشکنجه ده احتیاط ایده لر که قبل الثبوت تلف
نفس اولیه واکر اشکنجه دن اولورسه دعواسی صورلیه .

وکاربان سرایجیلر امین و معتمد کمسنه اولوب هر صباح کاربان سرای
خلقه اجازه ویرمیدن کاربان سرایده قونان خلقدن استفسار ایدوب
کمسنه نك رزقی سرقت و نهب اولمادغی معلوم و محقق اولدقدن صکره
کاربان سرای قیوسن آچیوره

وکاربان سرایجی بومعنائی ایدوب خلقه دستور ویرمش اولوب صکره
کاربان سرای خلقدن برکمسنه رزقم واسبابوم اوغرلندی دیسه مسموع
اولیه

واکر کاربان سرایجی اول معنائی ایتمیدن خلقه دستور ویرمش
اولوب اول کیجه کاربان سرایده قونان خلقت نسنه سی اوغرلنش اولوب که
محقق اولا کاربان سرایجیدن چون غدر اولدی اوغرلنان اسبابك قیمتی
کاربان سرایجی یه تضمین [آندوره لر]

اکر کاربان سرایدن نسنه اوغرلنق طاشره ده دلنوب النماغله
اولورسه طاشره دن مظنه و متهم اولانلری دوتوب تهدید ایدوب خرسوزی
بولوب واسبابی بولدوب شرعله صاحبنه حکم ایلیر

واکر ایچروده اولان خلقت دخی طاشره ده اولان خرسوزله
قولی و اتفاتی بر اولق توهم اولورسه ایچروده اولان خلقدن مظنه
اولانلری داخی دوتوب شرعله و عرفله تفتیش ایدوب و تهدید ایلوب
خرسوزی بولدوره لر بولمزه ایسه کاربان سرای محله ایچنده اولورسه
محله دن اوغراق اولیجا حکم نیجه ایسه کاربان سرایده داخی اولیه اولا
ویان کسه نك و آدم بچاقلیانك اکر بچاقلماق عادی ایسه الن کسه لر
اکر عادی دکل ایسه قوللرینه بچاق صانجوب کزدوره لر

اگر برکشی اتاسن ویا اتاسن ویا اقرباسن اولدرسه امر شرع نجه
ایسه اولیه اوله

شهرلرده وکویلرده اولان اولره اود قورلر اواق دواک [۱] اسباب
ینار شرعله ثابت اولمیوب بر کمسنهیه تهمت اتسهلر تهید ایل [ایدهنی]
بولدورهلر اگر قصیدیه آتمش ایسه اصلر و بیله کلنلره یساق ایدوب
ایلدن سورهلر

وخرسوز سپاهی طایفه سندن ایسه که سیاسته مستحق اوله حبس
ایدوب درگاه معالیه عرض ایلهلر

واگر عرفیله بر کمسنه نك خرسوزلنی ظاهر اولور ایسه قاضی اولان
اهل عرفه حجت ویروب اهل عرف [۲] اول حجت موجیله اصلماغه
مستحق اولانی اصا و قطع عضوه مستحق اولانی قطع عضو ایدهلر قاضی
بویابده مانع اولیه و سیاستن تأخیر اتدور میوب کناه اولان یرده اتدوره

وخرسوز طایفه سی اشکنجه ده اقرار اتسه وعلایم داخی دلالت
اتسه اول اقرار معتبر اوله

اگر خرسوز معلوم اولوب اول داخی بر کمسنه ایچون شریکمدر
دیه واول کمسنه لوند [۳] و مهم ایسه اشکنجه ایدهلر اگر مهمم دکل ایسه
بجورد خرسوز سوزیله اشکنجه یتیمهلر

[۱] یعنی اوافق تفك .

[۲] بر عهده امور انضباطیه و ملکیه سینه مأمور اولانلردر .

[۳] وندیکیلر شرق اهلیندن استخدام ایتدکلی اجرنتی عساکری
ایتالیانجه شرقی معناسنه اولان «Levantino» تسمیه ایدزلردی . بوکله تورکلره
کچه رنک لوندیه معروف اولدی ، معافیله اساس وضع واستعمالی دکیشه رنک مملکتده
بولنان سریاز ویراماز کنجلره علم اولدی . بعده دوننای عثمانیده ده استخدام
اولنان دریابکلرینک (دفتری عسکری) نه تسمیه ایداشدر .

ویایا [۱] و مسلم [۲] و یوروک [۳] و طوغانچی [۴] وقف و ملک
اولسون خرسوز قاجوب انلرک ایچنه کیرسه خرسوزی انلره بولدوره لر
اگر خرسوزی ویرمز لرایسه غرامتن چککلر و خرسوزک اوغورلادوغنی
آنلره اودهده لر اگر خرسوز بونلرک بریسندن اولورسه سیاستی سایر
خرسوزلر کی اولا

[۱] بونلره « پیاده » دخی دیرلردی . دولت عثمانیه نك اوائلنده تورکلردن
پیاده اوله رق تشکیل ایدلش بر صنف علوفه لی عسکر ایدی . بر مدت صوکره
دائرة انتظامدن چیققلرندن یرلرینه یکچیری عسکری تأسیس ایدلش و بونلره
دخی علوفه لرینه بدل قدیم آناتولی ایالتنده جفتکلر تخصیص ایدلش ایدی .
جفتکلاری حاصله لاتیله اداره اولنان پایالردن نوبتی اولانلر یایا بکلری یاخود
میرپادکان دنیان آسهرلی معیتنده سفره کیدرلردی . وظیفه لری طوب چکمک ،
یوللری تنظیم اتمک ، ذخیره کوتورمک ایدی . بونلر بیک تاریخندن صوکره الفا
اولنشلردر .

[۲] مسلم دخی پایالره برا توربرکلردن تشکیل اولنان علوفه لی سوارلی
عسکری صنفی ایدی . بونلر دخی عینی عاقبتیه دوچار اولمشلردر . بونلر یالکیز
آناتولی ولایتنده اولوب قدیم روم ایلی ایالتنده دخی بونلورلر و قزلبه مسلم تسمیه
اولنورلر ایدی . قزلبه مسلملرک اوتوز نفری بر اوجاق عد اولنوب بش نفری
سفره کیدر ، متباقیدی یماق نامیه یرلرنده قالیرلر ایدی . اشکنجی اولانلر
یماقلردن عوارض دیوانیه مقابله نده الیشر آتجه خرجلق آلورلر ، اوسنه نك
اغنام رهنی ویرمزلر ایدی .

[۳] یوروک عمومیتله ممالک عثمانیه ده کی کوچیه اهالی به تسمیه اولنور . دولت
عثمانیه نك اوان فتوحاتنده روم ایلی به بواها لیدن کچیریلرک و اوراده کی قزلبه
مسلملر کی جفتکلر تعین ایدیلرک اسکان اولنش ایدی . آنلر کی اشکنجی
یماقلره منقسم و عینی وظیفه ایله موظف ایدیلر . بونلر دخی میریورکان نامنده کی
آسهرل اداره سنده ایدیلر .

[۴] روم ایلیده اهالی خرسه تیانیه دن بعضلری سرای هایونه مخصوص
طوغان بسلرلر و بونلره طوغانچی تسمیه اولنور ایدی . بعض نکالیفدن معاف
ایدیلر . حتی بوکونه قدر بله استانده (طوغانچی کویی) اسمنی طاشیان قریه لر
واردر .

بَابُ الثَّانِي

یدی فصل اوزرینه ترتیب اولنوب بیت المال و سپاهی به عائد اولان رسوم بیاننده وضع اولندی .

بیك آنچهلق تیماری تصرف ایدن کندو جبهلو ایکی بیك لك کندو جبهلو و غلامی و اوچ بیك لك کندو بورومه [۱] جبهلو و غلام و درت بیك بشیوزلك کندو بورومه جبهلو و غلام بش بیك لك غلام و تنکتور [۲] مع مادکر [۳] و سکنز بیك لك جبهلو و غلام و تنکتور و طقوز بیك لك کندو بورومه جبهلو مع مادکر و اون بیك لك جبهلو و چادر اون بیك بشیوزلك کندو بورومه جبهلو مع مادکر و اون بر بیك لك غلام و چادر اون ایکی بیك لك کندو بورومه جبهلو مع مادکر اون بش بیك لك دخی بویله

[۱] بعض نسخه لرده بورومه ده محرردر . بؤکله ایله صاحب تیمارک باشنه صاره جنی صاریفک طرزی مراد ایدلشد . سلاطین عثمانیه نك ایکینجیسی اولان اورخان غازی حضرتلری معیت خاصه سنه آق بورک کیملی دیوانه کلیر ایکن بونک اوزرینه بورولو دولبد صارملرنی امر ایتمش ایدی . بعد بعد بونک اصحاب تیماره دخی تعیم اولندیفی ، اوچ بیك آنچهلق تیمار تصرفدن اءباراً ارباب تیمارک بو طرزده صاریق صاره رق مأدوندن تمایز ابتدکی آکلاشیلور . یکجری آغالری دخی « قلدات » تسمیه اولنان سرپوشی اوزرینه بورومه شکلنده صاریق صارارلردی .

[۲] قدیم عثمانی اوردوسنده مستعمل خیمه لر سوقانلو چادر ، سایبان ، چادر ، و تنکتور ناملرله درت قسمه منقسم ایدی . چادرک بزرگی تعبیر مخصوصجه بهر پارچه سی خزینه تسمیه اولنان اون ایکی قسمدن ترکیب ایدیلور . تنکتورده ایسه بوخزیه لر ده آرز مقدارده بولندیفندن خیمه نك الك اوفانگی اولور ایدی . [۳] هت قانوننامه ده محرر « مادکر » کلمه سنک معناسی آکلاشیه مامشدر . بوقانوننامه لك نسخ سائره سنده کلمه مذکوره استعمال ایدلامشدر .

بوندن یوقارو اولان حاصلک هر اوچ بیکده برجبلو بیک بشیوز
ایکی بیک اولانه غلام

وسنجاق بکلرینک هر بش بیک اقچهیه برجبلو وهراللی بیک اقچهیه
برکچیم واعلاسنه ایکی سایبان وکنده و توردوغی چار صوقاقلو چادر خزینه
چادری کلار مطبخ سراج خانه

وصوباشلرک هر درت بیک قچهیه برجبلو وهر او توز بیک اقچهیه
برکچیم واعلاسنه ایکی چادر تنکتور ادناسنه

ارباب تیماردن شول کمسنه لکه عسکر منصوره سفر امر اولوب
سفره واروب اتمام سفر اتمامش اوله تیماری حاصلی موقوفدر اول تیمار
آخره ویریلوب براتی یازیلو [ب] تعیین تاریخ اولنجه [یه قدر] مابنده
اولان حاصلی موقوفی نکدر

وشول کمسنه لکه مشترک تیمار تصرف ایدوب هر ییل اشمول [۱]
کمسنه لکه [اولوب] سفر امر اولوب واروب اداء خدمت اتمامش اولا
تیمارینک حصه سنه متعلق اولان حاصلی اول حصه تیمار آخره کمسنه
ویریلنجه [یه قدر] موقوفی تصرف ایدر

وشول مشترک لکه نوبته اشمولدر سفر اولوب هر قغیسنک که نوبتی
اولوب سفره اشوب خدمتن تمام اتمامش اولا تیمارینک اول یللق حصه سی
موقوفدر اما نوبتی اولمیان مشترک حصه سنه دخل اولمز

وسفره واران سپاهیلردن شول کمسنه لکه [ی] که پاشالر و بکلر بکی معرفیه
سنجاق بکی اغریق [۲] حفظی ایچون قومش اولا آنوک قولانی مقبولدر
موقوفی دخل ایتمه

[۱] کیتک وبالخاصه سفره عزیمت ایتک معناسنه اولان «اشمک»
مصدردندر .

[۲] اردونک لوازمات حربیه وسائر سنه مخصوص اولوب شمدی «آغریق»
دیه مستعمل اولان کله قدیم تورکجه ده «آغریق» ابدی . بوکله ایران وآسیای
وسطاده الاکن مستعملدر .

وبکربی ویردوکی براتلردن که اناطولی بکربکیسینه اوچ بیکدن
بش بیکه وارنجه وروم ایلی بکربکیسینه بش بیکدن الی بیکه وارنجه تیمار
ویرمهک اجازت ویرلشدیر اول مقدار برات و تاریخ بکربکی به مفوضدر
پادشاه عالمشاه امریله ویرور مادامکه خدمتین ایده موقونجینک اکا
دخلی جائز دکلدیر

واصحاب تیمار[دن] شول که سفره واروب معرکه اولدیسه معرکه ده بیله
اولوب اما یرالو اولوب صکره تفتیش اولیجاق او یوقلامده بولنماغه سببی
جراحی اوله ویاخود برمرض عارض اولمش اولا ویاخود محاربیدن
یرالوجیقوب صکره کی سفرده کیرو مجروح بولنوب جراحی اول سفره
وارماسینه مانع اولوب یرینه ادمیسسیله جبهلوسن کوندرمش و آتمام
خدمت آتمش اولاکه سنجاق بکی شهادت ویره ویاخود شهودیه اثبات
ایله ثابت اولا نلر دخی مقبولدر دخل اولنمز

وموقوفی اولان کسینه سپاهی لک جبهلولرینه ودفتره یازیلان
اوغلانلرینه دخل ایدوب یا جبهلولو ایچون اوغلان ویا اوغلان ایچون
جبهلودر دیو نزاع ایتیه وموقوفی جبهلولری تفتیش ایتیه

اوغلانندن ویا جبهلودن بری معرکه یرینه وارمدین قاجیه
سپاهی اولان کسینه معرکه یرینه وارنجه بر آدم داخی دوتوب
بدل ایدوب خدمتین ادا ایتسه ارالق واقع اولور دیو دخل اولنیه

جبهلولو اوغلان تفتیشی بکرب بکینکدر آکا مفوضدر اول کورور
شول وقتله بکرب بکی تفتیشده برکسینه ده قصور بولوب بکرب بکی دفترینه
اول تیماره موقوف یازلمش اولوب موقوفیلر بکرب بکیدن کاغد ویا صورت
دفتر کتورر ایسه تفتیش ایله آنوک علمی ایله اولیجاق موقوفی اولان
کسینه دخل ایدوب ضبط ایدر

مطلب سپاهی

تیمارندن سپاهی تصرفنده اولان خصوصک و بو خصوصده سپاهی
[نه اسلوبده در آنی بیان ایدر]

رعایا چفتلککاری بتون چفت و نیم چفت و داخی اکسک داخل
دفتر و خارج دفتر هر نه ایسه سپاهی به متعلقدر دفتردن خارج اولانلره
عامل [۱] و غیره دخل و تعرض ایلیه لر

و دفترده آدی اولیان رعیت اوغلی و قرنداش کیر و رعیتدر ا کا
غدر اولمز [هر] وجهله صاحب تیماردخل ایلمک قانون قدیمدر خارج ازدفتر
اولمق ضرر و برمز خارجدن کمسنه دخل ایلیه

و کهنه دفترده مسطور اولنلره تلیدسلراده و غایبدر دیوبکی دفتره یازلیان
رعایادن زنده اولانلره داخی تیمار صاحبی دخل ایلیه

بلدکه بر تیمارک قدیمی رعیتلرندن بر نجه سی فترت سببندن غیره
ولایت کتمش اولسه دفتره یازلدقن صکره کیر و اول تیماره کلسه صاحب
تیمار متصرف اوله

و رعیتک ازادلو قولی داخی صاحب رعیت تصرفنده اولور خارجدن
کمسنه دخل ایلیه تا ال یازیجیسی واروب اول ولایتی یازیجاق اول وقتن
کیمه رعیت یازیلورسه اول اله

و قدیمی قوز اغاچلری که یخسول چفتلکی ایچنده اولیه نزاع یوقدر
صاحب تیمارکدر و شول قوز اغاچلریکی یخسولک بغچه سی ایچنده اشلهمسی
اوله یا چفتلککنده اشلهمسی اوله و یا اتاسنک و دده سنک چفتلککنده و

[۱] عربلر طرفندن والی کی بیوک مأمورینه عامل تسمیه اولنوردی . بوتعبیر
بعضاً عثمانلیرده اهل عرف دنیلن اداره مأمورینک آشاخی رتبه ده اولانلرینه
ویرلش ایسه ده تعیم اتمامشدر .

یا خود حدودی ایچنده اوله ورعیتک ا کینه زیانی اولا چفتلک صاحبی
انی ضبط ایدوب حاصل اولانی صاحب تیمارله اوله شملر
وطاغلرده اولان کسینه لوکار که رعیتلر و خارجلر دوشورله رعیتک
حمایتلریته نظر ایدوب امکارینه کوره کیملک تیمارنده ایسه اولشه لر دستور سر
دوشورنلره دخل ایتمه لر
وطاغلرده کندو کندودن بتمش خدای کسینه لیکر بکلک اولور کیمه
تیمار اولمش ایسه انوک حکمنده اولور اما اکثریا بودر که براتنده و
دفترنده دکادر زواید کبی در

مطلب سپاهی

وقتدن اول رعیتدن رسم آلمی بیان ایلر
و بر سواری رعیتدن قبل الوقت رسم السه قیون رسمی و دونم
رسمی [۱] کبی وقتی حلول اینزدن معزول اولوب تیمار غیره ویرلسه
صکیره واران سواری اول معزول اولان سواریدن ال رعیتدن نسنه
طلب ایتمه اما رعیت داحی اولیکی سواری نه الدیسه اثبات ایدوب
قاضیدن حجتا لیویره که اول حجت ایله واروب طلب ایلمه
و بکلر بکیلر بعض سپاهیله که مکتوب و یروب قاضیلره کونده درلر
ایمش بوکشی رعیتلرندن فلانی قبل الوقت اله دیو کر کدر که بکلر بکیلر
انوک کبی مکتوب و یرمیه لر واکر قانونه مخالف مکتوب و یروب لر ایسه
قاضیلر اول مکتوبله عمل اتمدوکاری ایله معاتب اولیه لر

[۱] بوکا زمین رسمی دخی دیرلردی . صو ناصان و محمولدار اولان
یرلردن آلتیر ایدی که اوده بو محمللرک اعلاسنک ایکی ، او-طنک اوچ ، ادناسنک
بش دونندن برآخه ایدی . مرحوم سلیمان -ودی افندی دفتر مقتصدنده
بوکا -الاریبه دخی دیرلر دیورسه ده -الاریبه نک تعریفنده کوریه جکی اوزره
هرایکینک وضی آیریدر .

وا کر بر رعیت برخسته لغندن و یا ینحسوللقدن و یا پیرلو کدن کوچی
یتدوسکدن چفتن بوزسه چفتلکنی براقسه اندن سواری الذده کی بئاک [۱]
بری غیره ویره چفت یازیلوب طوررسون دیوچفت رسمن [۲] طاب ایتمه
وبر رعیت که بره کویه رعیت قید اولمش اوله الذده اولان چفتلکک
بعضی غیره کوی سنورنده واقع اولمش ایسه دخی چفت رسمن رعیت
قید اولدوغی سواری الا اخر سواری بعض یرلرک بنوم سواریلکمده در
دیو دونم آچقه سن طلب ایتمه هان عشر و سالارلق [۳] اله اگر چفتلکنده
زیاده یر دوتسه انوک ایچون دونم آچقه سن ویره

مطاب رسم طاپو برای ارض مشاع و غیره

وبر رعیت فوت اولسه چفتلکی اولوب متعدد اوغللری قالسه
مذکور چفتلکی اوغللری تصرف ایدرکن بری فوت اولسه انوک
حصه سنه سواری قردادش لرندن قانون جدیدمه کوره طاپو طلب اتمک

[۱] « بئاک » صاحب ارضک کندیسنه رعیت قید اولنان کیمسه لر دن
آلدینی بر رسم ایدی . ایکی قسمه منقسم اولان بورسمدن « اکنلو بئک » الذده
اولان بری نیم چفتلکدن اقل بولنان کیمسه نک ویردیکی رسم اولوب اون سکیز
آچقه ایدی . دیگرکی « جبا بئاک » اولوب عهده سنده اراضی اولیه رق اولی بولنان
کیمسه بورسمی اون ایکی آچقه اوله رق اعطا ایلر ایدی . ایکنجیسنه « جبا آچقه سی »
دخی تسمیه اولنور ایدی . بورسم مارت آینه آلنور ایدی .

[۲] دفاترده تمام چفت اوله رق قید اولنان محل ایچون صاحب ارضک
رعیتدن آلدینی بر رسم ایدی . مقداری متفاوت اولوب بخصوص هرولایتک
حاصلی حاوی دفترک ابتداسنده کی قانوننامه لرده مصرح ایدی . مع مافیه حد
اکبری الی ایدی واصفری یکری ایکی آچقه ایدی . بودخی مارت آینه آلنور ایدی .
[۳] بورسمه « سالاریه » دخی دیرلردی ، معنای آغاق ایچون دیمک
اولور . یالکیز بغدای ، آرپه ، چوداردن عشر ایله برابر آلنور ایدی . صمان
مقابله سنده اخذ اولندیغندن عشرک متممی دیمکدر .

جایز دکلدر [اما] قسمت اولنوب حصه سی متعین اولدقدن صکره فوت اولسه انوک حصه سی ایچون سواری [سائر قرنداشلرندن] طایو طلب ایده بیسلور اگر اخره ویرلدکن صکره حی اولان قرنداشلری اخر ویردوکن ویرورلر ایسه اکا ویرملر

و [قراده] او یری طاپوسی اعلاسی الیدن زیاده انیه و اوسفتدن قرق ویا اوتوز اچه انه ادناسندن یکرمی ویا اون اچه اله سپاهینک خاصه چفتلکی و خاصه یری حکمی اولدرکه طاپو لامقاه کیسه یه ملک اولماز طاپوسی جایز دکلدر

صاحب تیماردن هر قغیسی که اچه یه طمع ایدوب کندو زماننده اول اصل یری طاپویه ویرسه کندو زماننده طاپو اوله ویردوکی کمسه انجق اول تیمار [صاحبی] زماننده تصرف ایدر اول سپاهی نزاع ایده من اما کندودن صکره تیمار کیسه منتقل ولورسه طاپو بی اول بوزار کندو دخی بوزسه اولور

سپاهینک خاصه چفتلکندن غیری ویرلردن غیری رعیتلک یرلر عرفه موافق طاپولندقدن صکره طاپویه آلان کمسه [نک] ایروق [۱] الدن النماز و طاپو اوزرینه طاپو اولماز نکاح اوزرینه نکاح اولمدینی کبی وشول رعیتلک یرلرکی صاحب لری فوت اولوب ویا جلای وطن [ایدوب محلول قالور تیمار اری کندو تصرف ایدر کندو چفتن سورر ویا اورماغه ویرور و بونک کبی یرلردن ال چکوب ینه طاپویه ویرسه جایزدر سپاهی کندو کندودن تصرف اتمکله خاصه اولماز فی نفس الامر رعیتلک یرلردن حتی عوارض [۲] واقع اولسه

[۱] بو کله آرتق اداتی مقابلنده استعمال ایدلشد

[۲] « عوارض » دولت عثمانیه نك الزمه فتوحاتنده احوال فوق العاده وبالخاصه حرب سبيله اهالیدن تحصیل اولان غیر مقنن بر ویرکو ایدی. بعده مذکور ویرکو بونام عمومی آلتنده برلکمک اوزره برچوق قسملره انقسام و مقنن بر شکل اکتساب ابتدی . لسان حکومه تده تعبیر مخصوصی « عوارض دیوانیه » ایدی .

اول سپاهی تصرف آندوکی چفتلك یری بللو رعیت ادینه اضافت اولنوب فلان یریدر دیو رعیتلر اراننده عد اولمش اولسه سپاهی اولان اول یر ایچون عوارض بلاسن [بخسولله] بیله چکمک کرکدر مکرطول زمان ایله متعاقب دفترده سپاهی آنده قید اولمش اولا رعیتلك یرلرینک جمله سندن چقمش اولا بو اعتبار ایله خواصک جمله سندن اولوب خاصه حکمنده [اولور]

ولایت قرمانده تقاعد آتمش سپاهیله سابقاً رسم چفت و بناک وجابناک و سایر رسوم [و] عوارض قید اولنوب شهزاده خاصه یازمش ایتمش صکره درگاه معادن رسم چفت و بناک و جبابناک و سایر عوارض اسکی سپاهیله رافع اولنوب همان عشر و سالارلق و رسم اغنام و یرمک امر اولندی زیاده نسنه طلب اولنیه

و بر تیمارده قیو و باغ و باغچه و قوان و آسیاب اولنوب صکره دن حادث اولسه عشر و رسوم صاحب تیماره متعلقدر

و هرگاه ولایت محروسه ده عذب [۱] واقع اولورسه سوباشیلر و تیمار ارلری رعیتلرین قاضی قاتنه احضار ایدوب قاضی یازوب پادشاهک امرینی یرینه قویالرتمرد ایدن کسنه لری بیله قوشیلان قول مطیع ایدیویره و تیمارده حاصل قید اولنسان دکرمن خراب اولسه صاحب تیمار دکرمن اسنه یاتقی تکلیف ایده قدرتی اولوب قدرتیله یامز ایسه اوزرینه

[۱] متی قانوننامه ده باککش یازیلان بو کلامک طوغریسی «عذب» دره بکار معناسنه در . دولت عثمانیه نک فتوحانی زماننده کی سفرلرده استخدام اتمک اوزره طوبلادینی هسکره دخی عذب دینلور ایدی . بونلر بعده برصفت مخصوص حائنه کبره رک بحریه ده قوللانلشلردر . بو قانوننامه نک دیگر نسخه لرنده کلمه مذکورده موقعنده عوارض لغتی محرردر . ماده نک مألنه نظراً عوارض کلامه سنک طوغری اولدینی مستبان اولبور . زیرا زمانسک تعبیر مخصوصنجه ممالک محروسه ده عرب واقع اولماز چاغیریلور ایدی . واقع اولقی یعنی طرح ایدماک عوارضه مخصوص ایدی .

اولان [رسمی] سپاهی [یه] حکم ایدرلر یاغمه و رسم ویرمه قدرتی اولمز ایسه قاضی معرفتیه اخره صائرلر اخر یوریدوب رسمن ویره و سربست تیمارلرده [۱] مسلم و یورکان خداوندکاردن غیری رعایا دوتدقلری یوه [۲] و عبدابق و جاریه مژدهلری [۳] صاحب تیمارکدر مدت عرفیهلری تمام اولدقدن صکره بازارلرده قاضی معرفتیه بیع من زید

[۱] قدیمًا ممالک عثمانیه ده بولنان تیمارلردخی سربست اولوب اولمسی حجتلییه ایکیه تقسیم اولنور و اوصورتلرله توسمایدیلور ایدی. سربست تیمارک دیکرندن واسطه تمانزی «رسوم سربستیه» تعبیرایدیلان رسملرک صحت یاره عائد اوله رق طرفندن استیفا ایدنسی ایدی. رسوم مذکورده جرم و جنایت، غریسانه رسملریله کوله و جاریه مژدهلرندن عبارت اولوب دفترده مقید بولنور ایدی. آشاغیده کی حاشیه ده ایضاح اولنان یوه رسوم سربستیه دن معدود اولوبوب دفتره نه صورتله یازلمش ایسه حتمده او وجهله عمل اولنور ایدی. سربست اولیان تیمارلرده مستقل حاصل یازلمدقجه مژدهلر آلتماز ایدی.

[۲] یوه صاحبی معلوم اولیه رق بولنان و یاخود طوتیلان حیوانات اهلیه یه تسمیه اولنور ایدی. لسان قدیمزده مستعمل (یاوه) کله سی غائب، ضایع معناسنی دخی افاده ایتدیکندن بوکله نك یوه کله سی ایله مترادف و یاخود مرور زمان ایله یوه نك یاوه اولدینی ظن ایدیلور. آناطولینک بعض محاللرنده آلان بولنان و صاحبی مجهول اولان حیواناتک محافظه سنه مخصوص «یاوه خانی» دینلن محاللر واردر.

[۳] صاحبندن فرار ایدن کوله و یاخود جاریه دیکر بر محله ده طوتلدقده ماده ده بیان اولنان مدت عرفیه سنجه محافظه اولنور، بومدت طرفنده صاحبی کلور ایسه مژده سنی و کرک کوله و کرک جاریه نك حفظ اولدینی زمانه عائد اوله رق قاضی نك تقدیر ایلدیکی نفقه سنی ویرر و کوله و یاخود جاریه سنی آلیر ایدی. کوله و جاریه نك قاجدینی محک طوتلدینی یره اوزاقلتی برکونک ایسه اوتوز، ایکی کونک ایسه آلتمش؛ اوچ کونک ویا ده ا زیاده ایسه یوز آچه اخذ اولنور ایدی که «کوله و جاریه مژده سی» تعبیر اولنان بودر. قاجدینی محل اوچ کوندن تقدر زیاده اولور ایسه اولون یوز آچه دن زیاده آلتماز ایدی. اگر مدت معینه تمام اولوب صاتلمش ایسه صاحبی اصحاب مناصب و یاخود زغیم و ارباب تیمار و بولوک و سائر عسکر خلقی کبی خنکارقولی اولدینی حالده کوله و یاخود جاریه سنی صاتین آلاندن کیری آلور، بولردن غیری کسه لر اشترا ایدندن کیری آله ماز، یالکر بهاسنی اخذ ایدر ایدی.

اولنوب ساتلان قولك و جاريه نك و دوابك بهارلى اصحابى ظاهر اولنجه
بر امين يرده امانتدن قبض اولنلق قانون قديمدر

مدت عرفيه دخى قوله و جاريه ده اوچ آيدر و دوابده بر آيدر بهالوسنده

نصف مدت عيده عائددر كه ربحق آي اولور

ورعايا دوتمه سنده اعتبار سربست تيمارده درسربست [اوليان] تيمارلرده

كندونك رعاياسيله [غيرك] رعاياسى دوتمه سنده فرق يوقدر

بعده حكم شريف وارد اولوب قاجقون طپراغه تابمدر قنى طپراقده

دوتلدیسه جعل [۱] انوكدر اقرار غیری طپراقده ایدوكنه اعتبار اولنیه دیو

فرمان اولنمشدر دفترده بوخصوص تعین اولمادوغی تقدیر جه میرلویاه ویاخود

س. باشیلر [ه ویاخود] معمول [اولیکلمش اسلوب] اوزره تصرف اولنور

دفترده اعتبارده اقوی در اندن صکره معمول اولیکلدوکی اوزره عمل

اولنلق مرعیدر

ویایا و مسلم و یورکار دوتمالری داخی بو اسلوب اوزره معمولدر

اما سنجاق بكنه متعلق اولدوغی خصوصنده كندولرك سسنجاق

بكنه متعلقدر

[۱] جعل يوراده بدل مقابلنده استعمال اولنمشدر. معافیه بوكله اصطلاح

شرعی مالیدنر. تكالیفك اقسامندن ایکنجیسی اولوب غیر مشروع بولنان تكالیف

عرفیه نك منقسم اولدینی ایکی قسمدن برنجیسی اولان تكالیف عادیه نك لسان

شرعیده مقابلی جعل ایدی. جعل غیر مشروع اولدینی حالده جهاد ایچون ضروری

اوله رق موقتاً طرح اولندیغندن مشروع عد ایدلشدر. دولت عثمانیه داخی

وخارجی غالباً لردن هیچ بر وقت قورتیله مدیغندن جعل مقابلی اوله رق طرح

اولنان وایلك اول عوارض ومؤخرأ تشعب ایدرك امدادیة سفریه و حضریه

وسائر ناملری آلان تكالیف موقت طرزنده قالمیه رق دائمی شكائی اخذ ایتش

ایدی. قانوننامه نك دیگر نسخهلرنده بعده كلمه سندن فرمان اولنمشدر كلمه سته قدر

جمله موجود بولندیغندن ومألى دخى مفاد مادهیه بر درجهیه قدر مخالف اولدیغندن

بونك ماده مبحوثةیه ذیل اولدینی آكلاشیایور.

باجی و بیت المال و مال غائبی و مال مفقودی بیان ایلر

بیت المال و مال غایب و مال مفقودی مقاطعه‌یه آلان کسنه‌لره شویله
اعلام ایلک کر کدرکه بریرده بیت المال واقع اولسه واقع اولدوغی کبی
قاضی دفترینه یازیلوب بیت المالچی‌یه تسلیم اولته وارث معلوم اولوب اول
وارثک داخل مملکتده مکانی معلوم اولور یسه دفعی بیت المالچی‌یه ویرلیه
بایک وصی‌النده آلتی آی مقداری طوره اکر وارثی کلز ایسه بیت-
المالچی‌یه تسلیم اولته صکره وارثی کلور ایسه بیت المالچیدن اله واکر
وارثی خارج مملکتده اولوب مکانی معلوم اولمز ایسه اول کسنه‌یه مفقود
دیرلر اولک متروکاتی وصی‌النده بریل مقداری طوره اندن صکره بیت-
المالچی‌یه تسلیم ایلله

مال غائب و مال مفقود دیو بیت المال ایلله بیله مقاطعه‌یه ویرلن
ترکه میت اولاندر اوندن چیقوب سفر ایدن کشینک دکلدر یاخود مالی
امانت قویوب کیدنک دکلدر

وقونیده بر یلده اوچکز پول چیقاروب ولایتیه [طرح] ایدرلر
ایمش اول جهتدن فقرایه حیف اولور ایمش کر کدرکه قانون سلطان
موجبجه [یلده] بر دفعه پول چیقاروب صرافئر ایلله شهره کوندرلر
[صاته] یخسوللره طرح ایتمهلر پولی بقر نرخنه الالرمین بعد بو ذکر
اولان قوانین موجبجه عمل ایدهلر [بو قانوندن تجاوز ایتمالر] تجاوز
ایدنلری قضا [ة] ولایت منع ایدهلر [منعله ممنوع اولمیوب عناد ایدنلری
درکاه معالیه عرض ایدهلر الا ولایت قاضیلری معاتب اولور]

طشره دن کلن متاعک رسمن بیان ایلر

طشره دن مسلمان و کافر کلوب [کبه] و کینک و کون و یوک و بال

ویاغ و بونلره بکزر نه واریسه کتورب صاتلر قرق اچهدن بر
اچنه انه

وقاش یوکندن ویز واپلیک وچوقه وکتان وینبه وقلای وقورشون
وبونلره بکزر نه واریسه یوکنن ایکی اچنه انه
وترفانده یمش یوکنندن بر اچنه انه یمش بول اولیحق ایکی اچنه
انه اوچ یوکنن

وچره یوکنندن بر صورتی [۱] و یاخود بر پاره چره انه
واشک یوکی [اودون] قلعه یه کیرسه قابوچی رسم بر اودون اله
وصغیر صاتلسه ایکی اچنه الاندن وایکی اچنه صاتاندن انه
وقبانده طارتلن طواردده قطاردن ایکی اچنه انه بر [اچنه] الاندن
وبر اچنه صاتاندن انه

وطشره دن قیون کتوروب بوغزلیوب صاتسه ایکی قیونه بر اچنه انه
ویرلو قصاب بوغزلسه درت قیونه بر اچنه انه
وملک صاتلسه باج یوقدر یعنی باغ ودرکمن واکچی وکویلرده
هر نه کم صاتلسه باج یوقدر

وبر کمی یوکندن یوز اوتوز اچنه انه
وبر عربیه صوغاندن درت اچنه انه و بر عربیه بالقدن سکر اچنه
وبر عربیه پرنجندن داخی سکر اچنه انه
وبر اسیر صاتلسه ایکی باشند درت اچنه انه ایکی الاندن وایکی
صاتاندن انه

افلاقدن وفرنکدن وودبرونیکدن [۲] و غیر یردن هر نه کلورسه
یوزدن ایکی اچنه انه
وبر عربیه تحتهدن بر تحتهدنه

[۱] صورتی کلمه سنک معناسی بولنه مامشدر . مع مافیه قانوننامه نسخه لرینک
بعضیسنده « بوسورتی » شکنده یازلمشدر .
[۲] قدیم راغوزه جمهوریتی .

وشهره کلان بر فوجی سوچیدن [۱] اون بش اچّه اله
 وخنزیر بوغازلحق ایچون بسلسه خنزیر باشه بر اچّه اله ویا باند
 یوروینک ایکیسندن بر اچّه اله
 ودمور کوره لرنده [۲] قره دکنز کنارنده قوم جمع ایدوب یویوب امکلر
 کچوب دمور حاصل ایدر لر ایکی مازونه [۳] بر اچّه اله کیسه یازمش ایسه
 وعامه مواطن ارکلی و [قو] ربه توابعنده کسمنه ک آدینه قید [اولمیلری]
 سنجاق بکی عامللری تصرف ایده کلش هر مازونه بر اچّه الورلار ایمش
 دفترده خارج زوائد یازلمشدر

قانون ولایت سمندره وغیره

سمندره اسکله سنده انکروس ولایتندن کمی ایله صو یوزندن متاع
 کلسه وکیسه بیک اچّه اق طواردن خداوندکار ایچون اوتوز اچّه وسنجاق
 بکی ایچون للی اچّه اله
 وطوز کلسه هر قطعه سنه پادشاه عالمنه ایچون برر اچّه ویوز قطعه ده
 بر قطعه سنجاق بکی ایچون اله
 وغزاة کتوردوکی اسیردن یکر می بش اچّه اله [۴] وبرودن
 ازاد ایدوب اونکروسه کیدن اسیردن یکر می بش اچّه اله وقاپودان دخی
 یکر می بش اچّه اله

[۱] قدیم ترکیه ده شراب دیمکدر .

[۲] معدن اوجانی معناسنه در .

[۳] قوم ایچندن جمع اولشان دمیر ذراتنک اولچلمه سنه مخصوص اولان
 « مازون » حقنده عتیق حساب وسائره کتابلرنده معلومات بولنه مدیفندن مقداری
 آ کلاشیله مامشدر .

[۴] قانوننامه نك دیگر نسخه لرنده یکر می اچّه اخذی محرردر .

امر پادشاهی ایله دارالحربه آقین واقع اولسه غزاتک آتلمدن بکلکه
اوچر اچقه الّه وکتوردوکلری اقتارمادن وصفیردن دردر اچقه الّه
وخنازیرک ایکسینه برر اچقه الّه

صو یوزندن اونکروس ولایتنه بوش فوچی کیتسه اون ایکی اچقه
الّه وسنجاچ بکی داخی دردر اچقه الوب قابودان ایله اولشه لر

وطونده آولانان بالقدن یکرمی اچقه نقسدن ایکی اچقه الّه میری
ایچون وسنجاچ بکی داخی برر اچقه الوب قابودان ایله اولشه لر

وایللوکدن [۱] ذخیره کلوب طونده دن سمندره یه چیقسه چووال باشنه
برر اچقه پادشاه ایچون الّه اکر طونده دن کلوب سمندره یه چیقسه

ایکی چووال باشندن برر اچقه الّه بر اچقه داخی سنجاچ بکی ایچون الّه
ویاغیلقدن [۲] کلن وکیدن بازرکان کمیسندن مقدا بر فلوری الوب

سنجاچ بکی ایله قابودان اولشه لر

وحبوبات یوکندن که ایللوکدن کله چووال باشندن سنجاچ بکی ایچون
برر اچقه باج الّه وبر عربه تحته دن ایکی اچقه وبر عربه اغاجدن

داخی ایکی اچقه الّه

وصاتلان خنازیرک برینه ایکی اچقه الّه

وصاتلمغه کلن اوتلوق عربه سندن برر اچقه الّه واودون

عربه سندن برر اچقه الّه

وعربه [ایله] کلن طوزدن سکز اچقه الّه

وشهردن طشره کیدن آت یوکندن هر نه اولورسه قاشدن و بالقدن

وغیریدن که شهرده باغلنوب کیده ایکشر اچقه باج الّه

[۱] قدیم تورکجه ده «ایل» مملکت، «ایللوک» ویاخود «ایلیک» داخلی

مملکت معناسه ایدی.

[۲] اسکی تورکجه ده «یاغی» یاخود «ینی» دشمن، «یاغیلوق» یاخود

«یاغیلق» دشمن مملکتی معناسه ایدی. بومناسبتله ممالک خارجیه یه دخی تسمیه
اولشمدر.

ایلمو کدن و یاغیلقدن صو یوزندن و قره دن فوجیه سوچی کلسه
صاتاندن اون بش اچّه الاندن داخی صاتاریسه اون ایکی اچّه انه اکر
نخر شهر دن طشره چیقسه فوجی باشندن دردر اچّه انه

[قانون قپان] سمندره

سمندریه کلان بالدن و یاغدن و پئیردن فی الجمله ما کولات قسمندن
هر نه واقع اولوریسه موزو باتدن اولو و قبانه کلوب وزن اولمیدن صاتلسه
آت یوکنندن درت اچّه رسم انه واکرو وزن اولوب صاتلسه [هر] قنطاردن
ایکیشر اچّه انه و تیمورک قنطارینه صاتاندن التیشر اچّه رسم انه

قانون نهر موراوه و غیره

موراوه و درین و ابره صویندن کمی ایله کچن اتلونک [انی] باشنه بر
اچّه انه هر ایکی یایایه دخی براچّه انه و هر عربه دن تکرلک باشنه
براچّه انه و هر فوجیدن دردر اچّه انه وات یوکنندن ایکی
اچّه انه و ایکی قویوندن براچّه انه و درت قوزیدن براچّه انه
خنزیرک هر پرینه بر اچّه انه

و کچن اتلو اوچ کونه دکن کبر و کلسه [تکرار] نسنه التمز و اوچ
کوندن صکره تمام رسمن ویره

و موراوه صویندن سنجاغ بکنه حاصل [قید اولنان] کولاردن طالیاندن
حصه [اولنان] بالقلرک نصفی انه و سپاهیلر [ه] قید اولنان کولاردن
اولنان بالقدن عشر انه

مطالب ما کولات وغیره

اوندن و بغدادیدن وارپه دن و علفدن فی الجمله جوبانندن هر یو کدن صاتلغه
 کلن [قیونک] ایکیسندن بر اچقه انه
 و کفره کفرندن [۱] صکره التی عفته یه دک کلان قوزیدن نسنه التمز
 صکره ایکیسندن بر اچقه انه و بر صغیردن ایکی اچقه انه
 و بر صغیر دریسندن ایکی اچقه النوب خنزیر دریسندن بر اچقه انه
 اولوسنه ایکی اچقه انه

و بر یوک طوز و پینر و بال کلسه التیشیر اچقه انه و طوز پاره ایله
 کلسه دردر پاره به بر اچقه انه

اون بش اچقه لق یاغ قرنندن [۲] بر اچقه انه
 و چوقه نک هر پاستاو [۳] ندن اون ایکیشر اچقه انه و دیکلمش
 چوقه قفتانندن ایکی اچقه انه

و بر یوک زیت یاغندن اون ایکی اچقه انه
 و بر یوک قرو بالقدن التیشیر اچقه انه و یاش بالی یو کندن دردر
 اچقه انه

و بر کوکک لک بزدن بر اچقه انه
 و کتان یو کندن دردر اچقه انه
 و هر کبه دن برر اچقه انه

و بویالو ویا [اق] قفتانلق عبا کلسه [هر قفتانلغندن] برر اچقه انه

- [۱] پرهیز کبیر و آندن صوکره اولان بیوک یورطی مراد اولنیور .
 [۲] قدیم یاغلرک وضع اولندیغی قویون و اوکوز دریلرندن معمول طولوملرم
 قرن دینلور ایدی . بونلر یقین زمانره قدر آنا طولیده مستعمل و نام مذکور ایله
 یاد اولنور ایدی .
 [۳] یاخود پاستاو . لسانمه مجارجه دن انتقال ایتشدیر . اوجی یالدیزلری
 چوخه طوبی معناسه در . قدیم استانبول و غلطه دلایله قانوننامه سنده هر پاستاو
 چوخه نک الی آرشون اولمستک عادت اولدیغی بیان ایدلمشدر .

وشانم وصوغان یوکندن ایکیشر اچقه الله
وچره یوکندن [برباره چره] الله
بریوک دمیردن التی اچقه الله امامعدن مصالحی ایچون کلن دمیردن
نسنه التمز

قصابلر قیون ویا صغیر بوغازلسه لر نسنه التمز و تحتہ واخلج و قورشون
باحی التمز

بومذ کوران طشره کیتسه نسنه التمز
اما سرم جانبنه کیدن کاربان سمندرہ سنجاقک هر گوشه سندن ابریشم
ویا [بوبر] ویا بقاصی [۱] التسه لر هر یوکن سنجاق بکی ایچون برفلوری
الله وبریوک زرد وادن و سکساردن ویا قوزی دریسندن یکرمی اچقه الله
واو جانبدن بارکیر کتورسه لر التیشر اچقه و صغیر کتورسه لر ایکیشر
اچقه و طوز کتورسه لر هر اللی اقیچه ده درت اقیچه الله

و ذکر اولنان رودنیک و سره برنجه معدنلرند [ه] ویا [آنلره] متعلق
اولان اوجاقلرده کمور یاقسه لر سپاهیلر الا افلاقلر ایچنده یاقانلردن
سنجاق بکی اله و رودنیک توابعنده اولان سنجاق بکی حاصلرندن ات
یوکیله خمر صاتلسه هر یوکنه برر اقیچه الله

رسم چفت و بناک رسم اغنامی و اسبابی بیان ایلر

رسم چفت تام چفتک [۲] اوزره قید اولنان کمسنه لردن اوتوز التی
اچقه در ونیم چفتدن نصف ذلك

[۱] یاخود بوغاصی . برنوع آستار و آستارلق بز دیمکدر .
[۲] قدیمأ خاص تعبر اولنان غایت محصولدار یردن یتیش سکسان، اوسط
اولان محلدن یوز؛ ادنا بولنان یردن یوز اوتوز و یوزاللی دوئم برچفتک اعتبار
ایدیلوردی . نیم چفت خللرینه کوره بولنرک نصف ایدی . دوئم دخی طولاً
و عرضاً قرق خطوؤ متفارقة ایدی .

اما لواء حمیده رسم چفت تمام چفتک اوزرینه قید اولنار عیتدن قرق ایکی اچهدر نیم چفتدن نصف ذلك سربست اولمیان سپاهیله تیارندن یکریمی بدی اچه سپاهینک اون بش اچه سنجاق بکینکدر بعض نواحیده سپاهی یکریمی بدی اچه الدقندن صکره سنجاق بکی انحق الی اچه الور و بعض نواحیده بتون چفتلودن یکریمی بدی اچه سپاهی و اوچ اچه سنجاق بکی و اون ایکی اچه سو باشی الور نیم چفت نصف ذلكدر اسلوب مذکور اوزره

واکیردر حصار ارنلری تیارنده رسم چفت الی بدی اچه حق سپاهی یکریمی بدی اچه و حصاره عشر تورمکچون اون بش اچه و حق سنجاق بکی اون بش اچهدر انطالیه و قره حصار ارنلری اوتوز اچه تمام چفتلودن و اون بش نیم چفتلودن الدقندن صکره عشرلرین حصاره کتورمک ایچون بتون چفتلودن التیشر اچه و نیم چفتلودن اوچر اچه داخی الورلر ایش

ولواء منتشاده رسم چفت اوتوز اچهدر و نصف چفتلودن نصف ذلكدر

ولواء خداوندکارده رسم چفت تمام چفتک اوزرینه قید اولنسان رعیتدن اوتوز اچهدر نصف چفتلودن نصف ذلكدر

ولواء بولیده رسم چفت بعض نواحیده قرق و الی اچهدر اما سربست اولمیان تیارلرده یکریمی سکزاچه حق سپاهی و اون سکزی حق زعیم و سنجاق بکینکدر جفا و منکن ناحیه سنده کذالك و کره ده توابعنده رسم چفت اوتوز درت اچهدر یکریمی درت حق سپاهی و اونی حق میرلوا و زعیمدر و دیوان شهرده و الیارده رسم چفت اوتوز لئی اچهدر یکریمی دردی حق سپاهی و اون ایکیسی حق میرلوا و زعیمدر و دیوان قره کول سربستدر و سپاهی یکریمی اچه و دیوان دیگر کره ده [ده] رسم چفت الی بر اچهدر حق سپاهی اوتوز اوچ و حق میرلوا

وزعیم اون-سکزندر ویران شهرده و بولیده رسم چفت قیرق اوج اچقهدر
حق سپاهی اوتوز اوج اچق و حق میرلوا وزعیم اون اچقهدر و ناحیه
الموده ملک فک الدینده رسم چفت اوتوز [اوج] اچقهدر و حق سپاهی
یکرمی درت و حق میرلوا الی و حق زعیم اوج اچقهدر و اون ایکی
دیوانده رسم چفت مثل ذاک و ناحیه فیرسده رسم چفت یکرمی اوج
سپاهی اون یدی و حق میرلوا اوج وزعیم الی و ناحیه اوما-سیده
رسم چفت اوتوز درت اچقهدر حق سپاهی یکرمی بش حق میرلوا
درت و حق زعیم بش و مدرنی ناحیه-سده حق سپاهی اون طقوز
و دیوان امیر یونس و سه-وله والیاس بکده رسم چفت اون درت اچق
وضع اولنشد حق میرلوا اوج و حق زعیم اون بر و غیری دیوانده
رسم چفت اون درت حق میرلوا اون بر و حق زعیم اوج و قوکره
ناحیه-سده رسم چفت اون سکزندر حق سپاهی اون درت و حق میرلوا ایکی
و حق زعیم داخی ایکی و یکی دیوانلرده و ناحیه طوطرغده رسم چفت
اوتوز اوج حق سپاهی یکرمی درت و حق مولوا الی و حق زعیم اوج اچقهدر
و رسم بناک اون ایکی اچقهدر و جبا بناکده لواء خداوندکارده
طقوز اچقهدر و ولایت قبرمانده الی اچقهدر
اما برکسنه دفترده بناک یازیلوب النده نیم چفته وفا ایدر یربولنسه
نیم چفت رسمی النور و جبا بناک اکنلو اولسه اکنلو رسمی که اون
ایکی اچقهدر اول النور اضعف رعایا که بعض نواحیده [قره] تسمیه
اولنور رسم الی اچقهدر اما حمایت اولنق امر مستحسن در
و نسل رعایادن هل کسب اولنمان مجردلردن نسنه التمار و دفترده دخی
اوزرلرنده نسنه قید اولنماشدر

اما اهل کسب اولان مجردلر مقدارلو مقدارنجه رسم النور
و دفترده مجرد قید اولنان کسنه لر تأهل اتسه لر بناک رسمن ویرور
اما رعایا کافر اولسه هر مزوج کافر سواری به یکرمی بش اچق ویرور

طلب اغنام مع بره

رسم غنم ایکی قیونه براچقه در اما و دین سنجاغنده اوچ قیونه
براچقه رسم التماق مقرر اولمشدر

قیون تمام دونئی دوکدن صکره مایس ایچنده صایلور و هم قیونله
قوزی بیله صایلق امر اولمشدر صاحب رعیتہ تابعدر

قیون صایلاوالیجاق ولایت قرمانده قاضیلر ادمیسی داخی بیله دفتر
ایلیوب قیون چوبانی بولنان قیونی هر نه وجهله بیان ایلر سه النده کی
قیون کیمکدر وقاج قیون انوک وقاج قیون غیر کدر قاضی ادمیسی اکا
کوره [دفتر ایلر عامل دخی اکا کوره] رسم الور

استانبول واجقه قیونلو قصابلری و جلبکشلری وسایر [یرلر] قصابلری
و جلبکشلری یلده بر کره ابریلده اللرنده بولنان قیونلرینک اکر اول ییل
ایچنده ابریلده رسمی ویرلدوکنه حجتلری بولنور ایسه عمال بولنردن
تکرار قیون عادتق طلب ایتمیلر اکر وجه مذکور اوزره اللرنده
حجت بولنمز ایسه صاتون الدوقلری کمنه لری بولیور ره عادت اغنامی انلردن
اله [لر] واکر صاتون الدوقلری کمنه لری بولیوب واللرنده
داخی رسمی بتدوکنه حجتلری اولیه رسملرین بیقصور قصابلردن و جلب
کشلردن الالر

و جلب کشلره تنیه اولنه که ابریلدن اول قیون السهلر اول ییل ایچنده
اول قیونک رسمی بردفعه ویرلمش ایسه حجت اله والا عادت اغنامی
صکره بندن السهلر کر کدر دیو بر مقدار ایچین سن آشاغه واروب اول
وجه اوزره بازار ایدهلر

قانون ولایت اناتولی برای آسیاب

اناتولی ولایتک سنجاقلرنده ییل یورون دکرمنلردن بورسه مدیله [۱] بر مد بغدادی ویرمد ارپه قید اولمشدر

اما بعض سنجاقلرده مذکور غله بهاسی ییل یورون دکرمنه التمش ایچیه وضع اولمش غله بهالو اولیجاق رعایایه مضایقه ویرلمک ایچون ولایت قرمانده داخی بو قانون وضع اولمشدر و الی ای یورونیه نصف ذلک و ولایت مذکورده ربهم آسیاب تمام دیوانیه قید اولنوب وقف قراده وقفه حصه یازملایوب اوقافلری متصرفلری تمام اجاریلو ارض دیووقف طلب آماکن استانه پناهه عرض اولنوب نصفی اجاره ارض ایچون وقفه و ملک بیوریلوب نصف اخر دیوانیه امر اولندی

وبولی سنجاقنده دکرمن حقنده فرمان واجب الاذعان شوبله واقع اولدیکی قانون مقرر اوزره ییل [یورونیدن بورسه مدی ایله برمد بغدادی ویرمد ارپه الیه و آلتی ای یورونیدن] الک نصفی الیه و سبیل دکرمنلردن یورودوکنه کوره الیه و مقاطعه اعتباری رفع اولنه دیو قید اولمشدر

قانون ولایت اناتولی و ولایت روم برای حبوبات

حبوباتدن حفظه و شعیر و کاورس [۲] اولسه عشر و سالارلق انورایسه

[۱] عثمانیلرجه قدیماً هربری دردرشکندن مرکب یگیری کیلایه « مذ » تعیر اولنوردی . مد عربلر طرفندن دخی استعمال اولمش ایسه ده مقدارجه مساوی دکل ایدی . متن قانوننامه ده بروسه شهرینه مذوبیتی بیان اولنان مد عتقی کتب حسابیه و سائر مزده آیرنجه بیان ایدنالمش اولدیغندن بونک دخی تعریف اولنان مقداردن عبارت اولدینی آکلاشیلور .

[۲] یاخود جاورس . عربجه اولوب قره داری دیمکدر .

سکیز مد غله دن برمد اولور هرمددن ایکی بچق کلی [۱] اولو [ر] باقی
حبوباتدن نخود و مرجک و بقله و بنه و کتان انلردن همان عشر النور
سالارلق النماز

وروم ایلنده کفره اولدوغی یرلرده تخیل عشری اکر دمتسدن
النور ایسه یوز دمددن اون دمد و اوچ دمد سالارلق النور
و پنو قدن یوز لدره [۲] دن اون لدره اونده اوچ لدره سالارلق النور
و کتانه یوز دمددن اون دمد و اوچ دمد سالارلق النور کتانندن
سالارلق النماز الامکر که کتانی یومشدی ویره

کوکلدن [۳] وزغفراندن اونده و سالارلق یوق
والا ولایت سمندرده بررعبت یازلدوغی کویده زراعت ایلسه جمع
حبوباتدن همان عشر ویرر و سالارلق مقابله سنده باشته دن [۴] باشته یه
حرمتندن بچق لوقه [۵] بغدادی و بچق لوقه اربه ویره
ولایت قرمانده واق سرای و اورکوب و نیکده قاضیقلرنده انده غی
ناحیه ده غلاتدن مالکانه و دیوانی دیو ایکی عشر النور داخی قراالر واردر

[۱] یعنی کیله .

[۲] عثمانیلرده « لدره » دینلن وزن ایکی درلو ایدی . بری یوز درهم
ایدی که بوکا « قنطار لدره سی » تعبیر اولنوردی . قنطار قرق درت قیه دن
وقیه دخی درت لدره دن مرکب اولدیغندن بر قنطار یوز یتش الی لدره ایدر
ایدی . دیکری یوز یکری درهمدن مرکب « وزنه لدره سی » اولوب هر وزنه
اوچ بیک الی یوز درهمدن مرکب اوتوز لدره ایدی . ایکنجیسی بالخاصه حریر
کبی مواد غالیه نك وزنده استعمال اولنوردی .
[۳] یعنی کونناک .

[۴] جنوبی اسلاوجه ده ترلایه تسمیه اولنوردی . عثمانیلارجه روم ایلیده
اهالی خرسیانیه نك انده اولان باغ و باغچه و ترلاناک هپنه بردن باشته تعبیر
اولنوردی .

[۵] لوقته دینلن « وزنه » دائر اسکی حساب کتابلرنده و مجموعه لرده معلوماته
تصادف اولنه مامشدر .

قانون نامه آل عثمان



سلطان محمد خان ثانی طرفندن تنظیم اولنان برنجی قانوننامه اولوب ویاہ
کتبخانہ ایمپراطوریسندہ موجود نسخہسندن استساخ ایدلمشدر

Kānunname-ı AL-ı 'Osmān

Sultān Mehmed Hān-ı sānī

tarafından

استانبول

انجمن احیاء و ترمیم کتب

طبعی مشائی شری

۱۳۳۰

تاریخ عثمانی انجمنی مجموعہ سنک علاوہ سیدر .

مورخین قدیمه عثمانیه آراسنده ایلك اول ویکانه اوله رق عالی افندی مرحوم طرفندن «کنه الاخبار» ده بیان اولان سلطان محمد خان نانی قانوننامه سنک استانبول کتبخانه لرده نسخه سی موجود اولدیغندن ویاہ کتبخانه ایمپراطور یسنده موجود بولان نسخه سی فطوغرافیسنک اخذ ایتدیریلرک ارسالی ویاہ سفارت سنیه سنندن رجا اولمش ایدی . سفارت مشار الیہادن جواباً وارد اولان تحریراتده ذکر اولان کتبخانده سلطان محمد خان نانی یه عائد اوله رق موجود اوچ عدد قانوننامه دن ایکیسنک فطوغرافیلری ارسال ایدلدیکی ودفترده (قانون پادشاهی سلطان محمد بن مراد خان) دیه مقید اولان و ۱۸۹۳ سنه هجریه سنده تحریر ایدلمش بولان اوچنجیسنک کتبخانه مأموریندن دو قنور قره لیچ جانبندن قریباً طبع ونشر اولنه جغی بیان اولمشدر .

انجمنجه فطوغرافیلری جلب اولان مذکور ایکی قطعه قانوننامه دن برنجیسی بدی وایکنجیسی یکر می درت که جمعاً اوتوز بر پارچه یعنی بیوک صحیفه دن مرکبدر . هرایکیسی ده دیوانی قیرمه سی خطایله محرردر . یازیلری بر بندن فرقلیدر . سطرلری ایسه بعضاً یکر می سکر بعضاً اوتوز و اوتوز اوچ اولق اوزره متفاوتدر . برنجیسنک ۱۰۲۹ سنه هجریه سنده تحریر اولدیغی نهایتده بیان ایدلمش ایسه ده ایکنجیسنک تاریخ تحریری کوسه ترمامشدر .

بو قانوننامه لرك برنجيسى دفترده (قانون نامه آل عثمان) ناميله مقيد اولوب دولتك باجمله تأسيسات وتشكيلات عموميه قديمه سنى جامع وبرازده احكام جزائيه عائد خصوصياتى حاويدر . مقدمه سنده دخى بيان اولنديعى اوزره . بوقانون نامه دولت عثمانيه نك تشكيلدن اعتباراً الجا ات زمانيه ايله پيدىري اتحاد اولوب تدوين ايدلمان واستانبولك فتحيله دولتك اكتساب ايتديكى شكل جديد دنطولاي نفصائيتى تحقق واتماي ايجاب ايدرك حضرت فاتحك همت مجد دانه سى ايله اكال ومجدداً وضع وتأسيس اولان احكامى احتوا ايتك اوزره ترتيب وتحرير ايدلمشدر . ايكنجيسى تشكيلات قديمه دولتك مالى وعدلى قسملرينه عائددر . كتبخانه فهرستده اشبو ايكنجى مجله نك دخى : سلطان مشاراليه عائد وقانون اساسيك جزا وويركولر قسمنه متعلق ايكي بابى محتموى ، اولدينى بيان ايديلور ايسه ده بو جهت ياكلش قيد اولمشدر . حتى ذكر اولسان كتبخانه مديرتى ويانه سفارت سنيه سنك تحرير اتنه مطوى تقريرنده : اقرب احتماله كوره سلطان احمدخان اول زماننده جمع ايدلمشدر « ديور . بو قانونك مالى جهتي كتبخانه لر مزك اكثر يسنده موجود وسلطان سليمان خان قانونى يه نسبتله معروف (قانون آل عثمان) ك مالى قسمنه مشاهددر ، لكن عدلى قسملرى متفاوتدر . قارشيلشديريلور ايسه قانون سليمانده اولان شديد جزا لرك بزم مجله ده اولدقجه تعديل ايدلديكى تظاهرى ايدر . بناء عليه . ايكنجى مجله نك تاريخ ترتيبى مؤخردر .

ذكر اولنان سلطان سليمان خان قانوننامه سنده كى مواددن بعضيلرى سلطان بايزيد خان نانى وبعضيلرى سلطان سليم خان اول زماننده تنظيم و تعديل ايدلديكى كورلديكندن بوقانونك اصلى سلطان محمد خان نانى زماننده تحرير وتدوين اولنه رق بعده خلفينى عصر لرنده برخلى تعديلات اجرا ونهايت سلطان سليمان خان زماننده ابوالسعود افندى كى برفاضلك همنى وخافان مشاراليهك مساعده سى ايله اتمام واكال ايدلديكى وبوصورتله سلطان مشاراليه نامه نسبت اولنديعى آكلاشيلور . سلطان سليمان خان

زماننده اكمال ايديلان مذکور قانون طبيعت مليه منزه تكاملي وزمانك تأثيرى جهتلىله بعد بعدِ تبدل و تغير كليى به دوچار اولمش و بوده بالخاصه عدلى جهته اجرا ايدلىكى مستبان بولمىشدر .

تأسيسات و تشكيلات دولتك اساسنى محتوى اولان و بك يقين زمانلره قدر احكامى امور حكومتده آرزوق تعديلات ايله مرعى بولنان برنجى قانوننامه ده ايكي جهت شايان تدقيقدر : زمان تنظيمى و محررى اولان توقيعى ليس زاده محمد بن مصطفى . بوايكي جهتن برنجيسى قانون نامه نك بعض محللرنده كوريلان قيوداتك تاريخه تطبيقه حل ايديله جكدرد . بو صورتله زمان تنظيمى قطعى دكسه ده هر حالده طوغرى به قريب اوله رق بولنه جكدرد . حالبوكه محررى حقنده تاريخلرده بر كونه معلومات بولنه ميور . مكر كه زمان بوباده شايان احتجاج و ثبته لر ميدانه چيقاره ويا بعض يازمه مجموعه لرده معلومات لازمه بولنه .

بوقانوننامه سلطان محمد خان ثاينك اواخر سلطنتده تنظيم و تحرير ايدلمىشدر . زيراقانوننامه نك متنده : حالابنايلدوكم مدارس عاليه به صحن ديو اسم قولمىشدر « ديمسنه و بو مدارسك سلطان مشار اليه نامه منسوب جامع شريفله برابر ۸۷۵ سنه هجريه سنده رسیده حدختم اولدينى تاريخلرده بيان ايدلمسنه نظراً تاريخ مذكوردن صوكره يازلدينى ، ورييلان علوفه دن اوزمان قاضيه سكر ك بر اولدينى آكلاشلمسنه [۱] و خاقان مشار اليهك صوك صدر اعظمى اولان قره مانى محمد پاشا قاضيه سكر بولنان مولى مصلح الدين مصطفى القسطلانى نك صلاحيتندن و متكلم بالحق اولمىسندن قوشقولانهرق خاقان مشار اليه و زرانك درت اولدينى جهته قاضيه سكر ك دخى متعدد

[۱] متن قانون نامه ده قاضيه سكر كله سى بعضاً مفرد و بعضاً جمع اوله رق استعمال اولمىشدر . علوفه سنه نظراً اوزمان قاضيه سكر لكك هنوزايكى به تفريق اولمىدنى آكلاشليدغندن مستسخ متن قانون نامه ده كوريلان ديكر سهولرى مثلاً - زير اوزمان استنساخده قاضيه سكر ايكي ايدى - بولكه يى ده بعضاً جمع اوله رق زيامىشدر .

اولسنی القا اتمکله قاضی سکر لکک روم ایلی و آناطولی ناملریله ایکیه تقسیمه سبب اولمش و بو خصوص ۸۸۶ سنه هجریه سنده و قوعبولمش اولسنه نظراً تاریخ مذکور دن اول تحریر اولدینی تبیین ایدر . لکن بو تاریخلر آره سنده اولان سنه لک هانکی سنده تنظیم اولدیغنه دائر قانوننامه دن بر قید استنباط اولنه ماز ، فقط قره مانی محمد پاشا صدارت سنده اولسی اغلب احتمالدر . آشاغیده نشانیغله دائر اولان ایضاحات بو جهتی ده زیاده تنویر و توضیح ایده جکدر .

مطالعه سندن مستبان اولدینی اوزره بو قانوننامه یی حضرت فاتحک امریله ولسانندن اوله رق قلمه آلان ذات کندیسنی توقیعی لیس زاده محمد بن مصطفی دیه تعریف و بیان ایدیور . توقیعی منصبی حضرت فاتح زماننده وضع واحداث اولمشدر . لکن زمان احداثه دائر تاریخلرده بر کونه قیده تصادف اولنه میور . بو منصبه ایلك تعیین اولان ذات مشاهیر علمادان شمشخ محمد جزرینک اولادندن (ابولخیر محمد) اولدینی ظن اولنور . سلطان محمد خان ثانی زماننده بو منصبده بولنالرک اسامیدی مرتباً مضبوط دکلدرد . یالکز بعض وقوعات وحادثات سببیه معلوم بولنالر (قره مانی محمد پاشا) و (مولی سراج الدین) در . آکلاشادیغنه کوره جزری زاده دن صوکره قره مانی محمد پاشا مدرس ایکن بو منصبه تعیین اولمش و مسند صدارته اعتلا سنه قدر موقعی محافظه ایشدر [۱] . آندن صوکره مشاهیر علمای عصر فاتحدن مولی سراج الدین تعیین اولمشدر [۲] .

[۱] حقیقه الوزرا : ص ۱۴

[۲] سجل عثمانیده بوذاتک ترجمه حانده نشانیغله تعیینندن صوکره پاشاق و بریلرک ۸۸۷ سنه سنده وفات ایدیکی وفاری زاده احد پاشا ترجمه . الدمه دخی باش دفتر دارلقدن ۸۸۰ سنه سنده نشانیجی اولوب ۸۸۷ سنه سنده عزل ایدلیدیکی بیان اولمشدر . نشانیجی لک متعدد اولدیغنه دائر تاریخلرده قید یوقدر ، بو حالده ایکی سنک عینی زمانده بو منصبی اشغال ایتسی قابل دکلدرد . باخصوص وفاری زاده نک ۸۸۴ سنه سنده سلطان بایزیدک لالاسی بولندیی محققدر .

۸۸۲ سنه هجریه سندن صوکره قانوننامه نك محرری اولان لیس زاده محمد بن مصطفی نك ملا سراج الدینه خلف اولدینی آکلاشیلیور . شو حالدله قانوننامه نك ۸۸۲ سنه سندن صوکره [۱] وقره مانی محمد پاشانك زمان صدارتنده ترتیب و تحریر ایدلدیکنه یقین حاصل اولیور و تاریخلرده بوذات ایچون بیان اولنان « حالا دستور العمل اولان قوانین نافعه نك اکثری آنك نتیجه تدبیر اصابت پذیریدر » افاده لرله تأید ایدیور .

لکن بومناسبتله اسمی میداننه چیقان مذکورذاته دائر یوقاریده دخی بیلدرلیدی اوزره تاریخلر مزده و تراجم احوال کتابلر مزده معلوماته تصادف اولنه مامش ، وقوعبولان تحریرات ثمره سز قالمشدر .

سلطان محمد خان ثانی و خلفی سلطان بایزید خان ثانی زمان سلطنتلرنده یشامش لیس چای نامه - بوذات اولدینی تاریخلرده و تراجم احوال کتابلرنده کوریلور . بوذاتك اسمی « نورالدین حمزه » و پدرینك اسمی دخی « علی » در . حضرت فاتح زماننده تقیض و بر روایت کوره دفتردارلغه قدر ترقی ایدوب سلطان بایزید خان ثانی زماننده اوچ دفعه دفتردارلقده بولنش و ۹۱۲ یاخود ۹۱۳ سنه سنده معزولاً بروسده وفات ایشدر . بعض تاریخلرده بوذات لیس زاده دیه مذکور واسمی محی الدین اوله رق مقید ايسده اوزمانده یازلمش بر مجموعه قدیمده کوریلن قید آتی بویکی کسه نك بر اولدینی تبیین ایدیور و زماننده لیس چای دنیلدیکی آیین ایلور : تاریخ عزل عیسی فقیه دفتردار ونصب لیس بجای او

روم ملکن یته قلماغه خراب
اهل دالر ددرل تاریخن
لیس چون کلدی و عیسا کندی
لیس عیسانی عجب نفی آندی

۸۹۱

[۱] قاضیسکر اولان مغیسا جلیبسی دیملکه معروف محی الدین افندی عربی بریتك قائلحقنده حضرت فاتح طرفندن ایرادایدیلان سؤالك جوانی بعدالتدقیق و بره جکنی عرض ایلش ایدی . سلطان مشارالیه نشأیجی بولنان مولی سراج الدینی بالجب عین سؤالی ایرادودر حال جوانی آلمش ایدی . بوخصوص محی الدین فندیك قاضیسکر لکدن عزائی موجب اولدی ، بوده ۸۸۲ سنه سنده در .

بونك اوغلى اولوب ليس زاده ديه معروف اولان پير احمد چلبى سلطان سليمان خان قانونى دورى علما سندنر ، ۹۵۲ سنه سنده وفات ايتمشدر . بالاده كي ايضاحاته نظراً هرايكيسنك دخى بوقانوننامه نك محررى اولان ليس زاده محمد بن مصطفى اولمدينى تبين ايدر . يازيسندن وبعض محملر نده موجود قيود اتدن بوقانوننامه نك زمان تحرير نده قلمه آلتديني استنباط اولنان بر مجموعه عقبه ده مندرج بعض مباحث علميه نك نهايتلر نده ليس زاده محمد افندى اسمى مذكور اولما له مبحث الهيك فاتح عصرى علما سندن اولديني تبين ايدىور .

بوقانوننامه دولتك قديم تأسيسات وتشكيلات اساسيه سنى حاويدر . بالجملة مأمورين ومستخدمين دولتك وظائفى وصورت نشو ونما سنى وبوظائفى ايفا ايچون آله جنى عائداتى ومراسمه مراتب تشرى فاته سنى ومهر حاليه بونلره عائد برچوق خصوصاتى جامعدر ويوقاريده بيان اولندينى اوزره تأسيساتك جزايه عائد احكام سندن يالكرز برنبذه بحث ايدر . بوقديم تأسيسات وتشكيلاتك احكامى برخيلى تعديلات ايله برابر امور دولته برچوق زمان بقابولش ومرعى بولمشدر .

خصوصات مذكوره متن قانون نامه ده كوريله چكى اوزره مراتب اعيان واكابر ، سلاطين عظامه لازم اولان ترتيب وآيين ، احوال جرايم واهل مناصبك عائداتى اولمق اوزره اوچ بابيه تقسيم اولمشدر ، مع مافيه شو جهت نظر دفته تصادف ايدر كه كرك كاتبتك قصورى وكرك سائر بعض تاثيرات بونك پك قاريشيق قلمه آلتسنه سبب اولمشدر . مراسمدن بحث ايديلير ايكن وظائفه كچلمش ومراتبدن بحث اوانور ايكن منشاء مأمورين يازلش وبصورته افاده ده اطراد كوسترليمره ك عدم انتظامه دوشولش وآره صره پك مهم پارچه لر صيقشدر لمشدر .

ابتداى كلامده بيان اولندينى اوزره مورخلر منر آره سنده على افندى مرحوم تأسيساته دائر آچديني فصليده برنجى دفعه بوقانونك

اسمی ذکر ایدر ونظر مطالعه دن کچریدیکنی سوبیلامکله برابر مواد مندرجه سندن پک چوق استفاده ایتدیکی آکلاشلور . عالینک افاداتی ایله بوقانوننامه مقایسه اولندینی تقدیرده حضرت فاتح عصرنده کی احکامدن هانکیلرینک مورخک زماننده معمول به ویا . عدل اولدینی نمایان اولور . متن قانون نامه ده مهیم قلمش بعض خصوصاتی دخی تعریف وایضاحه همت ایتمشدر . مورخ هانمر ایسه عالینک افاده سنی عیناً اقتباس ایلمشدر .

لطیف پاشا مرحومک « آصفنامه سی » و بر نسخه ی روان او طه سنده کی کتبخانه ده موجود اولوب تدقیقندن سلطان ابراهیم خانه تقدیم ایدلیدیکی آکلاشیلان امور دولته عائد رساله بوقانوننامه نك تأسیسات و مراسمه عائد اولان موادینک بر شکل دیگره افراغی و بعض جهتلرینک ایضاحی صوتیه حصوله کتیرلشمشدر . (عییدی [۱]) نك « خزائن القانون » ی ایسه آصفنامه نك نظماً قلمه آلمسندن حصوله ککش وهیج برشی علاوه ایدلماشدر .

انجمنجه جلب ایدیلان مذکور قانوننامه لرك ایجاب ایدن جهتلرینک بالتحشیه نشرینه قرار ویرلدی . بوحاشیه لر ایچون عالینک کنه الاخبارنده و آصفنامه ده و سلطان ابراهیمه تقدیم ایدیلان رساله ده بولنان ایضاحندن وقوچی پک وعین علی افندی وقوجه سکبان باشی رساله لرندن وموجود تشریفات وپک چوق قوانین آل عثمان کتابلرندن استفاده ایدلشمشدر .

محمد عارف

[۱] اسمی عبدالصمددر . (کوکرچنلک) شهرننددر . اوژون مدت استانبول و عربستان و مصر طرفلرنده سیر و سیاحت ، بعده (بودین) شهرنده اختیار اقامت ایتدی . اوراده کاتب احکام بعده روزنامه چی اولدی . والی عثمان پاشا نامه ۱۰۴۹ سنه سنده بوکتابی نظم ایلشددر .

قانون نامه آل عثمان صورت خط همايون سلطان

محمد خان انارالله برهانه

بسم الله الرحمن الرحيم

بوقانون بوقانون نامه اتمام و ددهم قانونيدر و بنم دخی قانونمدر
اولاد کرامم نسلاً بعد نسل بونکله عامل اوله لر

حمد بی حد و ثناء لایعد اول خالق یحیون جل عن الريب و المنون در کاهنه
اولسونکله نظام و انتظام عالمی احسن ترتیب اوزره ایجاد ایدوب احوال
موجوداتی قانون حکمت مقرونی اوزره بی مشیر تدبیر خلق ایلدی
وصلوات بی غایت اول سرور کائنات و مفخر موجودات اولان سلطان
المرسلین و اشرف النبیین اوزرینه اولسونکله انک دخی سنت شریعت
شریفه سی سبب ترتیب دین متین تهذیب شرع میبدر بعد ذلك
بو اوراق قواعد سلطانی و صحفه قوانین خاقانینک جامی اولان عبد حقیر
کثیر التقصیر محمد بن مصطفی المعروف بلیس زاده التوقیمی حالا پادشاه
روی زمین و شهنشاه - پهر تمکین فلک رفعت خورشید منزلت سلطان
سلاطین جهان و خاقان کامران عالیشان فاتح بلاد الروم بنصر الله الملك
القیوم ناظم امور دین و دوات و معین قوانین قدر و سلطنت صاحب
المغازی المشهورة فی الافاق مالک سریر الخلافة بالاستحقاق قهرمان زمان
صاحب الامن و الامان السلطان الاعظم خایفة الله فی العالم السلطان

ابن السلطان محمد خان ابن السلطان مراد خان ابن السلطان محمد خان
 ابدالله دولته وایدسلطنته خضر تلیرنیک زمان شریفلرینده بو عبد حقیر
 خدمت طغرای غمراده استخدام اولوب وقتا که سعادتلو پادشاه خورشید اشتهار
 خضر تلیر تشریف سریر سلطنت ایتدکه ه ایام سلطنتلرینده بونجه فتوحات
 عظیمه میسر اولوب خصوصاً حالا دار السلطنت اولان محروسه عظمی
 و مدینه کبری اولوب مطمح انظار سلاطین جهان اولان محیه مرعیه
 قسطنطنیه فتح میسر اولدقده سابقاً اجداد عظاملری زماننده اولان
 قوانین مضبوطه دفتر اولمییوب اکسک اولان یرلرین دخی کندولری
 رأی منیر ولایت تأثیرلری ایله تکمیل بیوروب دیوان هایونده ابدالاباد
 معمول به اولمق ایچون بر قانون نامه تحریر اولمق لازم کلمکین بو عبد حقیر
 فرمان جلیللری اوزره نظم و انشا ایدوب هر کس مستفید اولمق ایچون
 اصطلاح و عبارتدن فراغت اولوب لسان پادشاه کردون وقاردن نقلله
 یازیلوب واج باب اوزره قلندی

مراتب اعیان و اکابر بیاننده در

سلاطین عظامه لازم اولان ترتیب و آیین بیاننده در

احوال جرایم و هراهل منصبک عایدلری بیاننده در

بلککل که اولا وزرا و امرانک وزیر اعظم باشیدر جمله نک اولوسیدر
 جمله امورک وکیل مطلقیدر و مالک وکیلی دفتر دارمدر و اول ناظریدر
 و اوتورمده و طورمده و مرتبه ده وزیر اعظم جمله دن مقدمدر
 و شیخ الاسلام علمانک رئیسیدر و معلم سلطان دخی کذلک سردار
 علمادر وزیر اعظم المری رعایه اوسته المق مناسیدر امامفتی و خواجه
 سایر وزرادن بر نیجه طبقه یوقاریدر و تصدر دخی ایدرلر

و بر جمعیت عالی و بر مجمع اهالی اولسه اهل دیوانه اخردن ادم قرشمسون
 اولا وزرا انلردن صکره قاضی عسکر لر اندن صکره دفتر دارلر اندن صکره

یکچیری اغاسی وسائر اوزنکی اغاری [۱] میرعلم [۲] وقبوجی باشی [۳]
ومیراخور اوتورر .

مال دفتردارلرم جمله استانه سعادتده اولان اغالرمدن یوقارو اوتوررلر
وجمله سنجاق بکیلرندن یوقارودر و یوقارو اوتوررلر الی کره یوز بیک
اچقه بلکه دخی اولورسه انلردن یوقارو اوتوررلر وبکلر دفتردارلرک
الته اوتوررلر

واغلرندن یکچیری اغاسی سایر اغالرک بیوکیدر باش یکچیری اغاسی
انک الله میرعلم انک الله قبوجی باشی انک الله میراخور حالا میراخور

[۱] یکچیری اغاسی ، میرعلم ، قبوجی باشی ، میراخور ، چاوش باشی ،
چاقرجی باشی ، چاشنکیر باشی ، بلوک باشی اغاری یعنی آلتی بلوک دینلن سپاه
و سلاحدار و غریبای یمین و یسار و علوجیان یمین و یسار اوجانلری اغارینه اوزنکی
اغاری یاخود آغابان رکاب هایون تسمیه اولنور ایدی . بونلر پادشاهک آتیک
یاننده یوریمک امتیازینه مالک ایدیلر .

[۲] مرتبهجه یکچیری آغاسنک مادونی ودیکر اوزنکی اغالرنک مافوق
اولا میرعلم لوی سلطانینک حاملی و علم مهترلرنک آمری ایدی . بتون بکلر
بکیلرندن انک و سنجاق بکلرندن بیک اچقه عائداتی واردی . دولت عثمانیهده
بک قدیم بر مأموریتدر . بعد بعد مرانب تشریفاتهجه میرعلمک خاصه دینلن بو
مأمورلره بیوک و کوچک میراخورلرله قبوجیلرکتخدا سنک تقدم ایتدیکی توجیهات
پوصله لرندن آکلاشیلدور . مع مافیه دائما درگاه عالی قبوجی باشیلرنک پیشواسی
بولنشدور . برن مهترلر ایکی قسمدر : برنجیسی سفرهایونده اوتاغ هایونی قوروب
قالدیرمه مأمور اولان چادرمهترلری درکه آسرلری مهتر باشی ایدی . ایکنجیسی
سفرهاینده اوتاغ هایون اوکنده نوبت چالغه مأمور اولان علم مهترلری اولوب
ضابطلری سازنده باشی ایدی .

[۳] دولت عثمانیهده قبوجی باشیاق مأموریتی بک قدیمدر ، اوائلده بر
اولدینی حاده صوکره درت بعده اون عدده ابلاغ اولنوب بریسی باش قبوجی
باشی اولدی . بونک عائداتی ممالک عثمانیهده بولنان محضر باشیلرله متعلق تیارلر
اولوب سائرلرنک معین عائداتی بوق ایدی . افلاق و بغداد بکلری تبدیل و تجدید
اولندجه نصب اولنان بکی محله کتورتوروب بکامکه بونلردن بری مأمور اولور ،
مک چوق نقود وسائرله ابله عودت ایدر ایدی .

دولت پادشاهیده ایکی اولمشدر [۱] امیر اخور الله چاقرجی باشی [۲]
 انوك الله چاشنكير باشی [۳] انوك الله سايربولوك اغالری انلرك الله
 چاوش باشی [۴] انوك الله قوجیلر كتخداسی [۵] انوك الله

[۱] میراخورلر بیوك وكوچك ناميله معروف ایدیلر. برنجیسی آخور خلفنك،
 سراجلرك، بديكلرك آسری ایدی، پادشاهك تشله ده وجود بیک قطاردوه سنك وایکی یوز
 قطار قاتارلرینك خدمته مأمور اولان دوه جیلرك وقاطر جیلرك ضابطلری بولنان ساربان
 وخرینده باشیلر دخی بونك زیر اداره سنده ایدی. چار زماننده اطرافده
 بولنان بلك سمرعلك اولترنی صاهر ق امانندن بیک یوك آخه قدرینی ركاب هایونه
 تسلیم وبقیه سنی درجیب ایدر ایدی. بیوك میراخور قوجیلر كتخدالفنك مافوق
 ایدی. شیمدیكى اصطلل عامره مدیر بدر. ایكنجیسی كوچك آخور خلفنك
 وعربه جیلرك ضابطی اولوب سفر هایونده ایچ اوغلانلرینه بارگیر اعطا وپادشاهك
 عربهلرینی محافظه ایتك دخی جله وظائفندن بولنیور ایدی.

[۲] سرای هایونده بولوب شكار خانی دنیلن كروهك آسری وپادشاهك
 آوجی باشیسی ایدی. علوفه سی یوی یوز التمش آخه ایدی. ۷ كروه بده چاقره
 جیان خاصه، شاهینجین، آتمجه جیان ناميله اوچ قسمه تقسیم اولندی، صوك
 ایكینه طوغانجی باشی و آتمجه جی باشی ناملریله ضابطلر تعیین ایلدی. مع مافیه
 خیلی وقت چاقرجی باشی چاقرجیان خاصه نك ضابطی وديكلرینك آسری ایدی.
 [۳] سرایده بولنان چاشنكیرلرك ضابطی ایدی. دول عثمانیه ده پك قدیم
 بر مأموریتدر. پادشاه دیوان كونلری خاص اوطه ده طعام ایتدكده يك صحنلرینی
 كوتورمك چاشنكیرلرك وظیفه سی اولوب چاشنكیر باشی دخی اوكلرنده بولنور ایدی.
 [۴] چاوشان درگاه عالی نك ضابطی ایدی. چاوش باشی یوم مخصوصنده
 النده كوموش دكنك اولدینی حالدیه دیوانده طورر، وقوعبولان دعاویده اجرا
 مأموریتنی ایفا ایلر ایدی. صدارت كتخدای رسمیسی اولدینی زمان آنك بعض
 مصالحنی دخی اجرا ایلر ایدی. بومقام اكثر رجال دولتك مافوق اولوب بیوك
 وكوچك تذكره جیلر دخی، هاون اول ونایسسی ایدی.

[۵]. سرای جدید هایونك باب السعاده دن ماعدا بتون قبولرینی بکلبان
 وقپوجی دنیلل اوجاغه منسوب بولنان بوابان درگاه عالی وباب هایونك آسری
 ایدی. درگاه عالی بوابلری بیک طقوزیگری بش وباب هایون بوابلری درتیوز
 اون یدی که جمعا ایکی پيك اوچیوز قرق ایکی نفر اولوب برر بلك باشی اداره سنده
 اولوق اوزره اولکیسی قرق ایکی وایكنجیسی بش بلكه منقسم ایدی. علوفه لری
 بیک اتی یوز اوچ آخه اولوب اوچ آیده بر آلورلر ایدی.

جبهه جی باشی [۱] انك الله طوبجی باشی [۲] اوتورر .
 و دیوان هایونده صدرده اوتورمق وزرانك و قاضی عسکرلک
 و دفتردارلرک و نشاخیلرک یولیدر اولا وزرا اوتوروب بر جانبه قاضی
 عسکرلر انلرک الله دفتردارلر اوتورلر و اول بر جانبه نشاخی اوتورر
 و نشاخینك مرتبه سی اکر وزارت و بکلر بکی لك ایسه دفتردارلر
 تصدر ایدر و سنجاق ایله نشاخی ایسه دفتردارلردن اشعه اوتورر القابی
 دفتردارلر القابیدر مرتبه سی انلر مرتبه سیدر
 و مال دفتردارلر شاه زاده لاله لرینك اوستنه اوتورلر
 و خاغت و قشلق و یازلق و اكمكده وزرا و قاضی عسکرلر و دفتردارلر
 برابر کیدر
 و صفه دیوان عالیده اوتورمق بکلر بکی لك یولیدر و بکلر بکی لرو زرا الله
 دفتردارلر قاضی عسکرلر الله اوتورلر سنجاق بکلری طشرده اوتورلر
 و جمله مال دفتردارلر كرك استانه مده و كرك ممالك محروسه مده اولر
 مرتبه اوتورمده و القابده برابرلر
 و بکلر بکیلر وزرادن بر طبقه آشفه در و تخت قاضیلرینه تصدرایدرلر
 دارالسلطنتم قاضیسندن غیریی دفتردارلر مدن اشعه اوتورلر
 بالذات رڪاب هایونمه صاحب عرض اولانلر قاضی
 عسکرلر و دفتردارلر مدر و ایچ خلقتدن قپو اغاسی [۳]
 [۱] قدیم عثمانی اوردوسنك قپو قولى دنیلن خاصه عسکرینك پیاده قسجندن
 اولوب بولرک مهمات حربیه سنك تجدید و تعمیر و وقت حضرده محافظه - نه ، زمان
 سفرده توزیعنه مأمور بولنان جبهه جی اوجاغنك آغاسی ایدی .
 [۲] شیمدیکی طوطخانه نظارتنك سلفیدر .
 [۳] قپو آغاسی یا خود باب السعاده آغاسی سرای هایونده اولان خادم آغالرینك
 ضابطی ، بالجملة اندرون مأموریتلرینك آمری ؛ حرم و عموم دائره هایونك
 ضبط و ربطنه مأمور ایدی . ۹۹۰ - سنه سنده دارالسعاده الشریفه آغانی احداث
 اولنه رق قپو آغاسنك زیر نظارتنده بولنان حرمین هایون اوقافی ایله اوقاف
 محاسبه جیلکی و اوقاف هایون مفتشلیکی بولك اداره سنه تودیع قلمش و بوضوئله
 دارالسعاده آغاسی نماز ایدره ك سرای هایونك برنجی ضابطی اولش و بعدبدر
 باب السعاده آغانی دخی آنك تحت امرینه داخل اولرق اهمیتی غائب ایتمدر .

واوده باشی [۱] و خزینه دار باشی [۲] و کیلارجی باشی [۳] و سرای عامره مک اغاسی [۴] صاحب عرضدر اما قیو اغاسی اولان اختیار باشددر اکثریا اوده باشی و قیو اغاسی عرض ایتک کر کدر و نامه ایله عرض ایتک کوتری بکاربکیلرک و امرانک و قضاتک یولیدر بالذات عرض ایتک مرتبه سی عالیدر و بکاربکیلک درت کمسنه نک یولیدر مال دفتر دارلرینک و بکاک ایله نشانجی اولانک و بشیموز آچقه قاضیلرک و درت یوز بیگ آچقه یه وارمش سنجاق بکاربکیلک یولیدر و سنجاق بکاربکوتری اغالرک اوستنه اوتوردرلر و نشانجیق داخل و صحن مدرسلرینک یولیدر و مال دفتر دارلرینک نشانجی اولسه اول بکاربکیلک حکمی ایله اولور و رئیس الکتاب نشانجی اولسه سنجاق حکمی ایله اولور [۵]

[۱] اندرون و یاخود ایچ آغالری تسمیه اولنانلرک برنجیسی بولوب پادشاهی کیدربوب صومعه مأمور ایدی . بوندن طولایی ذات هایونه جمله دن زیاده مقرب اولغله قیو آغاسی پایه سنده ایسه ده ظاهراً آکا تابع ایدی . اکثریا ایچ اوغلانلرندن و بعضاً خادم آغالرندن تعیین اولور ایدی . یوی آلمش آچقه علوفه سی و سنوی جامه خاصه پادشاهیدن بش پارچه اثوابی وار ایدی .

[۲] ایچ آغالرینک ایکنجیسی ایدی . خزینه هایون خدمه لرینک ضابطی اولوب بونلرک انضباط حالرینه دقت ایدر و خزینه هایونک محافظه سنه اهتمام ایلر ایدی . پادشاهک دستار و سجاده سی دخی النده بولوردی . آق آغالرندن انتخاب ایدلیردی .

[۳] اندرون آغالرینک اوچنجیسی ایدی . خاص کیلار خدمه لرینک آصری اوله رق بونلره و کیلار خرچنه و مخیضه نظارت ایدر ، شربت و طاقلی اعمال ایلر ایدی . [۴] ایچ آغالرینک دردنجیسی اولوب اندرون هایون نامی آلان خاص ، بیوک ، کوچک اوطه لرک و سربایک محافظه سنه نظارت ایدر و معیتنده قرق نفر آق آغالونلر ایدی .

[۵] متن قانوننامه نک دیگر محتمله نشانجیلک وظیفه سی طغرا چکمک اولدیفنی بیان ایدلیدی حالد بوراده علمادن نصب نک بالخاصه ذکر و ایراد ایسی دولتره یازیلان نامه هایونلر تحریرینک دخی بونلره محول بولمسنه میبذیر . علمانک دخی علوم ادبییه واقف و اصول تحریره آشنا ذواتی تحری اولنهرق تعیین ایدلیردی . نشانجیلک احداثدن اول دخی نامه هایونلر علمانک بوخصوصه صاحب اقتدار بولنانلری جانبندن یازلمش ایدی . بعده علمادن نصب خصوصی ترک و رئیس الکتابلر تمایز ایتیکله نشانجیق وظیفه سی

ومال دفتردارلری سنجاق قبول ایتسه درت یوز للی بیک ایله ویریلور
ویکیچری اغاسی وسائر اوزنکی اغالرینه درت یوزاوتوز بیک ایله ویریلور
ودرت یوز بیک اکسکلی سنجاق بکی بکیر بکیلر اولمز آستانه مده
دار السعادت اغالری سنجاقه حقیقه درت یوز بیک ایله چیقیر
ودیوان هایونمه طعامده وزیر اعظم ایله باش دفتردار وسائر وزرا
ایله دفتردارلر و نشانچی بی یه لرو قاضی عسکرلر بشقه یرلر
ومال دفتردارلرینک و بکک ایله نشانچیدن وزیر دخی دفعه اولوق
بولدر وقانونمدر .

وزیر اعظم اوکندن قالقان طعام چاوش باشنه یولداشدرلر ایله یسون
واول وزرا اوکندن قالقان طعام رئیس الکتاه نفرلریله یسون وقاضی
عسکرلر اوکندن قالقان طعام قیوجیلر کتخدا سیه ویرلسون
چاوش باش و رئیس الکتاه وقیوجیلر کتخداسی خدمتکاردر دیوانده
اوتورمزلر و اغالردن میر علم وقیوجی باشی کلک لارم کلسه آنلر دخی
اوتورمزلر وبر مصاحت ایچون معزول بکیر بکیلر کیرسه ویا معزول بک
کیرسه معزول بکیر بکیلر وزرا آلتنه نشانچی آلتنه و معزول بکیر دفتردارلر
آلتنه اوتورمزلر معزول بکیر بکیلر اکر یکی یوایله منصبلردن کیش مال
دفتردار لغنده ویاخود اوزنکی اغالغنده اولش بکیر بکی ایسه اوتورمزلر
و خدمتکارلرینه مجوزه [۱] کیدرمک وزرانک وقاضی عسکرلرک

یالکیز طغرا چکمکدن عبارت قالدی ، اراضی و قریه متعلق یعنی دفترخانه
عاصره ده مسطور اولان زعامت و تیمار و خواص و اوقاف قریه لری انتقال ایتدیکجه
قیدینک توقی قلمی ایله تصحیحی اموری دخی بوکا تفویض اولندی .

[۱] دولت عثمانیه ده مستعمل عمامه لردن بری ایدی . سلطان ساهم اول
طرقندن احداث اولندینی جهنله « ساهی » تسمیه اولنان قاووردن اوستنده بولنان
قرمز و فس کبی بر شی ایله تقریبی اولنوردی . رجال بیرون و اندرون ایام
عاده ده وقیو کتخدالری ، شهر امنی ، احتساب اغاسی وسائر بعض مأورین
آلای کونلری کیرلر ایدی . عثمانلی رجه ابتدای استعمالنه دائر تاریخلرده معلومات
یوق ایسه ده قدیم اولدینی آکلاشیلدور .

ودفتردارلرك يوليدر وبكلر بكيلىر وسنچلىق بكيلىر اسكيفلىرى [۱] يورتلك
كر كر

وسلام چاوشى [۲] وزرايه ودفتردارلره تعيين اولمق كركدر
وطغراى شريفى وزرالر چكوب نشانجى به ياردم ايتك قانونمدر
وباش دفتردارجله ملك ناظرى اولوب امور عالم اكا مفوضدر انك امر
نسوز اولماز برايقه نه داخل ونه خارج اولور وانك قدرى روم ايلي بكلر
بكيلىر ايله براردر وجهه مالم دفتردارلى مالم وكيلىريدر قبض وبسطى
انلره مفوضدر وجهه كتابك عزل ونصبى انلره مفوضدر

مشاوره امور سلطنتى وزير اعظم ساير وزرا ايله ودفتردارلرم ايله
مشاورت ايدلر انلردن غيرى كمسنه واقف اوليه

وطغراى شريفم ايله احكام بيورلىق اوچ جانبه مفوضدر امور عالمه
متعلق احكامى وزير اعظم بيورلديسى ايله يازيله ومالم متعلق اولان احكام
دفتدرلرم بيورلديسى ايله يازلهلر وشرع شريف اوزره دعوا حكمن قاضى
عسكرلرم بيورلديسى ايله يازلهلر

وباش دفتردارلرم دىخى امورى وزير اعظم ايله مشاوره ايدلر امور
مخفيه ثانى دونميه

واولادمدن وفات ايدنلرك ميتنه وزرام وقاضى عسكرلرم ودفتردارلرم
حاضر اولهلر

ومال دفتردارلى باش دفتردار اولمق يوللريد ودفتردارلغه اوچ

[۱] اسكف ياخود اسكوف روجه در . بر بحق اندازمدن زياده اوزونلنده
اولوب كيلىدكه نصفى آرقهيه صارقان ويكيچرى كچهلى طرزنده اولان بر نوع
سربوش ايدى . بونك قرضى قطيفه لىسنى ايكي طرفته بررده زلف طاقه رق
سلحدارلر كيپلر ايدى . اسكوفك آلتون ايله تزيينى سلطان مراد خان اول
زماننده ابتدار ايتشد . سبى تاريخلرده مسطوردر .

[۲] وزرانك ايچ كدكلىسى تعبير اولنان يكرى درت آغاسنك مرتبه جه ايكنجيسى
ايدى . مادونى بولنان قوجيلر كئخداسى ايله تشرىفاتى وطيفه سنى ايفا ايدلردى .

پایه ده چقرلر ولا دفتر امینی [۱] و شهرامینی دفتر دار اولمق قانونمدر و بیوک اوچیوز اچقه قاضی دفتر دار اولمق قانونمدر و اوچیوز اچقه قاضی بشیوز اچقه مرتبه سنده در و حالا اوچیوز اچقه قاضی برکمه سینه وارد در اوچیوز و وارد قدن صکره مال دفتر داری اولمق قانونمدر و رئیس الکتاب رعایت اولنورسه دفتر دار اولمق قانونمدر [۱]

[۱] شمیدی دفتر خاقانی ناظریدر . ممالک عثمانیه ده بولان تیمارلر و زعامتلر و خاصلر و اراضیه به متعلق بالجهله معاملات قدیمأ دفتر خاقانی اداره سینه عاشر اولدینی جهته تیمار و زعامت توجیهاتی و بوبابده وقوع بولان منازعاتک محل فصلی دائره مذکوره ایدی . حین تحریرده خاص و تیمار و زعامت قید اولنان قریه لر اجمال ، هر تریه نك مقدار اهالی و اعشار و سائر کبی رسوماتی مفصل و وقوع بولان توجیهات براتلری روزنامه چه ناملرنده اولان دفتر لره قید اولنور ایدی . دفتر امینی اولجه نشانجیلمک معیننده ایکن صوکره آکا تقدم الیشدر . مناویه مناصبتدن ایدی .

[۲] دولت علیه نك مالیه سی قدیمأ دفتر دار نامنده کی مأمورلره محول اولوب بولردن سرکیزده اولانلره قیو دفتر دارلری و طشره ده بولنانلره کنار دفتر دارلری دیئلور ، دفتر امینه سر بوط تیمار دفتر دارلری ایله التباس و وقوع بولماق ایچون جمله سینه خزینه یا خود مال دفتر دارلری تسمیه ایدیلور ایدی . تأسیس دولتدن پک آزمدت صوکره امور مالیه دفتر دار نامنده برآموره تودیع ، سلطان محمد خان نانی زماننده بومأموریت روم ایلی و آناتولی ناملریله ایکی به تقسیم اولندی . بعده بونلرک اداره لرنده کی روم یلی و آناتولی قلملرندن راز معامله تفریق اولنوب استانبول مقاطعاتیله برلشدرملرک شق ثانی نامیله بر دفتر دارلری ده احدات ایدلدی ، بوضورتله دیوان عابونده اولان دفتر دار اوج عدده ابلاغ اولندی . مؤخرأ روم ایلی و آناتولی دفتر دارلری لقبلری ترک اولنوب اولکی به باش دفتر دار و شق اول دفتر داری نامی و برلریکی کی آناتولی دفتر دارینه شق ثانی و دیگرینه شق ثالث دفتر داری تسمیه اولندی . بعد بعد دفتر دار رابع اسمیله برآموریت ده احدات اولندی ایسه : متعاقبأ الغا ایدلدی . باش دفتر دار مالیه به متعلق دعوالری فصل ایدر ، اقتضاسنده ظهیری امضا ایتمک اوزره طغرالو اصهار و برر ، امور معظمه بی عرض ایدر و وزیر ایله حضور بادشاهی به کیر ایدی . دیگر ایکی سنک و طائفی پک خفیف و نواذر حکمنده قالدیغندن بونلر قید حیات و جهله عظامی رجال دواته توجیه اولنمه باشلادی . تنظیمات خیره دن صوکره شق اول دفتر داری نامی مالیه ناظرینه تبدیل و دیگر دفتر دارلر الغا اولندی . بر مصر حکومتی النده اولان محللر ضمیمه ممالک ایدلده کده حلبده اقامت و حلب و شام و آناتولینک منتهای شریقیسی امور مالیه سینه

ومراتبده دفتر امینی انوك الله شهر امینی انوك الله رئیس الكتتاب
اوتورلر

وشهر امینی یوز یکر می اچقه علوفیه متصرف اولور [۱]
کتاب مراتبده رئیس الكتتاب [۲] انوك الله یکمیچری کاتی انوك
الله روزنامه چی انك الله مقابله چی مقاطعه چی انك الله تذکره چی
انك الله رئیس کاتبلی اوطورر

یوقاروده مذکور اولان کتساب خواجه مقامنده در انلر دیوانه
اوزون بکلی اوست کیرلر رئیس کاتبلی نورددر وبوذکر اولنان کتایک
عزل ونصبی دفتردارلر مه مفوضدر انلرک خدامیدر .

وعلوه لی متفرقه چاشنکیرلردن مقدمدر چاشنکیرلر [۳] دن صکره
نظارت اتمک اوزره عرب وعجم دفتردارلی نامیله بردفتردارلی احداث اولندی .
بعده بودفتردارلی حلب ، دیاربکر ، شام ، طرابلس شام ، ارضروم نامیله بش
دفتردارله آیرلدی . استانبولده اولان آناتولی قلمندن دخی اولا سیواس بعده
قره مان آیرلهرق و آناتولی ایالتی امور مالیه سی دخی مرکزدن تقریق ایدیلهرک
اوچ دفتدرلر قی اخذ اولندی . مؤخرأ اکثر ایالاته برر دفتردارلی احداث
ایدلدی . ایشته بونلره کنار دفتدرلری تسمیه اولنوردی .

[۱] شیمدیکی کبی امور بلدیله ایله مشغول ادیره نك رأس کارنده بولنان ذات
اولیمب صرف سرای هایونه مخصوص بره اموریت ایدی . سرایده وقوع بولان
انشا آتک مزمره وسائر هنی باتدارک انمانی و چالیشانلرک استحقاقنی تسویه ایله
حسابلرخی لوتار و سرای عایون اندرون و بیرونی مستخدمینک بعضیلرینک علوفه لرینی
توزیع ایلر ایدی .

[۲] شیمدیکی خارجیه ناظر بدر . بومأموریت اوائلده دیوان هایون یاخود
رئیس کاتبلی دنیلان کتایک آمری ونشانجینک معبتي ایدی . بعده درسعادته
سفرای احبیه تکثیر ایدیکندن آنلرله مکالمه خصوصی دخی مأموریتنه منضم اولدی ،
بوصورتله رتبه سی ترفه ونشانجیلره تقدم ایدلدی . تنظیمات خیریه دن صوکرده ده
نامی خارجیه ناظرینه تبدیل اولندی .

[۳] چاشنکیرلر قانوناً قرق نفر اولوب سرای هایونده کی خاص اوطه ده
اولانلردن جیقاریلورلر ایدی . علوفه لری نقصان وزنده اولماق اوزره قرق آچقه
اولوب کوچوک روزنامه جیدن آلورلر ایدی . مؤخرأ یوزاون یدی نفره ابلاغ اولمشلر
ایسه ده مقدار علوفه لری تزیدد و تنقیص ایدلدی .

تیمار متفرقه سیدر از بردن اشغه چاوشلردر [۱]
چاوشلرله کاتبلر قفنی سی اسکی ایسه اکا اعتبار اوانور
و چاوش و کاتب تیماری سر بسته در
و علوفه متفرقه لرینک یولی تیمار دفتر دارلغیدر تیمار دفتر دارینک
یولی دفتر کتبخدا لغیدر [۲] و روم ایلینک دفتر کتبخداسی رعایت اولندقدده
مال دفتر داری اولمق جائز در
ورئیس کاتبلرینک یولی خزیننه کاتبی اولوب مقاطعه جی [۳] و محاسبه جی
اولمقدر

[۱] چاوشان درگاه عالی اوچویوز بکرمی دوت نفر ایدیلر ، سرباک بوستانچی
و سائر اوجاقلرندن آلنورلردی . علوفه لر آلتش و فرق و اونوز آتجه اولمق
اوزره متفاوت ایدی . چاوشلری بیزاننلر سلجوقیلرده ده وار ایدی . اوائل
دولت عثمانیه ده سفارت . مخبرات سیاسی و واسطه لرله اجرا قلندینی کبی
اداره و تفحص و تحقیق احوال مملکته دخی بونر مأمور ایدیلر ایدی . مؤخرأ
بو خدمت لرك بعضیسی قپوچی باشیلره استفال و سفارت کبی خصوصات دخی دیگر
مأمورلره تودیع اولنمه باشلادی . چاوشلرك وظیفه لر دیوان هایونده خدمت
ایتمک ، پادشاه شهری طولاشغه چیققدقه طاشیدقلری طپوزلرینی اوموزلرینه
قویوب آلا ی اوکنجه یوریک و سفر پادشاهی وقوع اولدقدده باشلرینه نلر طاقوب
اوتاغ هایون اوکنده نوبت چالنیر ایکن ال قاوشدیروب طورمق کبی خصوصتدن
عبارت قالدی .

[۲] اراضیسی تیمار و زعامت و خاص صورتلرله تفویض اولنان ایالاتده تیمار
معاملاننه مأمور اولانلره تیمار دفتر داری ، بونک اوزرینه و زعامت ایشلرینه مأمور
بولنلرله دفتر کتبخداسی دنیلور ایدی ، بونلر دفتر امانتنه مربوط ایدیلر .
خاص صورتیه عائدات تخصیص ایدیلرله زعامت توجه اولنوردی .

[۳] ممالک دولت علیه ده بعض محللرك رسوم و حاصلاتی اصحاب تیمار و زعامته
تفویض و خاص اوله رق تفریق ایدیلوب خزیننه دن نهایت ایکنه اولمق اوزره و ایلره
و میرلورله و ملتزم لره التزام اولنور ایدی . مقاطعه جی مقاطعاتی جاری دفترک حاملی
و بو ایش ایله مشغول کاتبلرك آمری ایدی . ملتزم لردن آتجه تحصيل ایدنده
مباشر دیرلر ایدی . بعده زیاده حاصلات کتیرن تیمار و زعامت لرحلول اولدقجه
توجه اولنوب جانب میریدن ضبط ایله التزام اولنمه باشلایمش و بونلره ده
مقاطعات میریه تسمیه ایدلمش ایدی . بیوک شهرلرده دخی قنطاریه وکیالیه

وصحن ملالری مقام مولویتده در آنلر جمله سنجاق بکلیینه
تصدر ایدرلر

داخل مدرسی وخارج مدرسی دخی مقام مولویتده در وخارج
وصحن وداخل الیشر اچه ایله اولور حالیا بنا ایلدوکم مدارس عالییه
صحن دیو اسم قونلشدر صحنن بشیوز اچه ایله قاضیاغه وصول بولور
وایاصوفیه مدرسه سندن داخی کذلک بویه وصول بولنور

وابتدایکی ملازم یکریمی اچه مدرسه یه اندن یکریمی بش اندن اوتوز
اندن اوتوز بش اندن قرق اندن قرق بش اندن اللی اچه یه واصل اولور
اللی اچه مدرس جمله اغلرک اوستنه اوتورر صحنه واردقندن صکره بشیوز
اچه قاضی اولور اندن قاضی عسکر اولور

دارالسلطنتم قاضیسی بکلیر بکیلر ایله برابردر
وایچایلدی [۱] یکریمی اچه مدرس قاضی اولسه قرق بش اچه ایله اولور
واوچیوز اچه قاضی مقام مولویتده در سائر یوز اللی اچه قاضیلر
دفتر کتبخدالرینک و آلا ی بکلرینک اوستنه اوتوررلر اما ایککیوز بیک
اچه سنجاق دخی اولورسه آلتنه اوتوررلر منصبی اوچیوزده وارمینجه
مال دفتر دارلکینه مستحق اولمز وداخل منالرینه دخی دفتر دارلق
ونشانیلق وریملک صحن مدرسلرینه داخی قانونمدر

وزیر اعظم اوغللری آلتش اچه ایله متفرقه اوله لر و سائر وزرا اوغللری
اللی اچه ایله متفرقه اوله لر ونشانیجی اوغللری دخی کذلک قرق بش اچه ایله
متفرقه اوله لر و بکلر بکیلر اوغللری دخی قرق بش اچه متفرقه اوله لر [۲]

وبایچ بازار وقره کمرکلی و مسکرات رسومی مثللو برطاق رسومیات احداث
اولنه رق مقاطعات میریه جلعه سنه ادخال ایدلدی، بو و حله مقاطعات تکثیر ایتدی.
[۱] استانبول، ادرنه، بروسه مدارسنه و بونلرک حوالیسنده کی قصبه لرده
واقع مدرسه لرک کزیده لرینه مخصوص بر تعبیر ایدی.

[۲] بونلره «واجب الرعايه» دیرلر ایدی. اسرا و دوشیبرمه اوغلانلرندن
وزرا و اسرا یتیشدیرلسکه باشلانلقدی زادکان قدیمه دولت کی اصلته مالک

وسنجاق بکی اوغللاری اوتوز بیك اچقه زعامت اله

وچاوش اوغللارینه اون بیك اچقه تیمار ویرهلر

وابسای موالی عظامدن مفتی افندی وخواجه افندی توك اوغللاری
آلمیشر آچقه شهر امیندن علوفه یه متصرف اولهلر وقاضی عسکر اوغللاری
قرق بش اچقه علوفه یه متصرف اولهلر وتخت قاضی اوغللاری اوتوز اچقه
علوفه یه متصرف اولهلر وشاه زاده خواجه سی اوغلی داخی اوتوز اچقه
علوفه یه متصرف اولهلر وصحن منلاسی اوغللاری یکرمی اچقه یه متصرف اوله

ویکی ملازم زعامت استسه یکرمی بیك اچقه تیمار امر ویرلر

وزیر اعظم اتی دن برا کسوك تیماری بلاعرض اورمسی قانونم اولمشدر

بولندقلرندن و پدرلری کبی مساعی ذاتیه لری سایه سنده یوکسک مقاملری احرار
ایتمه لرینه قوانین موضوعه مساعد اولمیدیقندن طولانی بونلرک اولادلری ایچون
متفرقه لق صنفی احداث ایدیلهلرک قید و ادخال اولمغه، بعده سرای عایونلک خاص اوطه سندن
واسکیلرندن دخی بوسفه چیقارلمغه باشلانیدی. مؤخرأ بادشاهلرک همشیره وکریمه
زاده لری بیله متفرقه اولدی ایسه ده بو خصوص مدت مدیده دوام ایتمدی. ارباب
علوم وفنوندن و دیوان هایون کاتبلرندن بعضیلرینه دخی متفرقه لق ویریلوردی.
زعموا و ارباب تیمارک اکثری متفرقه اولدی ایسه ده مدت قبله ده قصر و حصر ایدلیدی.
ایام اخیر ده بومبملر تماماً ترك اوله رتق سرای هایونده بولنان بوستانجیلرک اکثریسی
متفرقه اولدی. بونلرک بر قسیمی علوفه لی، دیگر قسیمی درلک تصرف ایتمک لردن
علوفه لی مفرقه، تیمار و زعامت متفرقه لری دینلورلرایدی. علوفه لی متفرقه لرک یومیه سی
بوژ، سکسان، آلتش اچقه اولقی اوزره یوکسک و متفاوت بولوب کوچک روزنامه جیدن
آلورلرایدی. متقاعد اولدقلرنده اون بیکیدن یکرمی بش بیك اچقه یه قدر ویریلور
ایدی. متفرقه لرک بر قسیمی کدکلو اولوب محلول وقوعبولدقچه یرینه باشقه سی
کچیریلور و عددلری هیچ بروقت تزاید و تناقص ایتمز ایدی. بونلر درت بوژ اوتوز
اوچ نفر ایکن صورکه بش اتی بوژه بالغ اولمش بعده ده ازاباده تزاید ایتمشدر. متفرقه
باشی نامنده بر آمر اداره سنده ایدیلر. مفرقه لر خدمات دولنده بولمازلر، بالکین
بادشاهک معیتنده استخدام اولورلرایدی. بادشاه سفره کیتدکه برابر کیدرلر.
شهری طولاشمه چیققدقه اوکنجه یورلر ایدی. سرایدن چیقانلر هپسنه تصدیر
ایتمدیک کبی درلک تصرف ایلنم دخی مقداری وجهله بر برینه تقدیم ایدرلرایدی.
حضورینه چیققدقلرنده صدر اعظمک آباغه قالقوب متفرقه لره تعظیم اتیمی قانون ایدی.

وقاضی عسکرلرم سلاطینه متعلق اولمین جهاتک ایکی اچقه لرین بلاعرض ویرمکی مأمور اولسون

ودفتردارلرم خزینه عامره مدن ایکی اچقه بلاعرض ویرمکه مأمور اولسون واطرافده بکلر بکیر تیمار وزعامتی توجیه ایدوب عرض اتسونلر عرض بی مقبول اولسون

ویلدیه برکده رکاب هایونمه دفتردارلرم ایراد ووصرفم اوقیالر خلعت فاخره کیسونلر

واللی اچقه مدرس رئیس الکیتابه ودفترامینه تصدر ایده

ودفتر امینی شهر امینی بلوک اغالربنه تصدر ایده اما دفترا مینی پایه ده دفترداره قریبدر شهر امینه و رئیس الکیتابه تصدر ایده

ودفتردارلرم خدمت ایدن کمسنلره یوللرینه کوره چاوشلق و سپاهلق وکاتبک هرکشک استحقاقه کوره عرض اتمکه مأمور اولسون وستیجاق وزعامتک داخی لازم کلورسه عرض اتسونلر

ویکیچری طایفه سنه هر ییل بشر زراع چوقه واستر ویرسونلر [۱]

[۱] سلطان مراد خان ثانی بکیچریلرک بهرینه یدیشر اندازه چوقه ، بری بوکا آستار اولیق و دیگر بنی باشلرینه صارمق ایچون دخی یدیشردن اوزدردر اندازه بز واون بر آچقه یاقه آچقه سی تخصیص ایلش و خانی سلطان عمده خان ثانی بنی عجمی اوغلایرینه تعمیم ایلش ایدی . سلطان سلیمان خان قانونی دخی یتیم قالوب فدوله خواران قول اوغلانی دنیلنلره آلتیشر اندازه چوقه تعیین ایلدی . سلطان مراد بوچوقه بنی سلاتیک شهرنده نسج شرطیه و مقاطعاتی اولیق اوزره تخصیص ایتش و بوکا مخصوص اولیق اوزره اوراده برابردخی انشا ایتدیرمش و ربایا باشی مأمور ایلش ایدی . مؤخرأ نفرات تکثیر ایتکله مقاطعات مذکوره کفایت ایتدیکندن بقیه سی ده محال سائرده اثماتی و برله رک ایشلدیلوب اعطا اولوردی . مؤخرأ عیناً اعطا خصوصی ترک ایدیلرک بدلی ویرلدی . بکیچری مواجب دفتزلرنده کی « ذمستنی » بودر . مع مافیه مأمورلری اولان چوقه امینلری و کاتبلری ایله جورباجی دنیلن ضابطانک بوبابده یک چوق سوء استعمالاتی وقوع بولور ایدی . هر چوقه یک یدی اندازه اولانسه یغمورلق و آلتی اندازه بولانسه دنولق یاخود میراخوری تعبیر ایدرلر ایدی .

بوقدر احوال سلطنته نظام ویرلدی شمدنصکرده کان اولاد کرامدن
دخی اصلاحنه سبی اتسونلر

امور سلطنته متعلق ترتیب اییین بیاننده در .

اولا برعرض اوداسی یاپلسون جناب شریفم پس پردهده اوتورب
هفتهده دورت کون وزرام وقاضی عسکرلرم ودفتردارلرم رکاب هایونمه
عرضه کیرسونلر

دیوانه هر کون وزرام وقاضی عسکرلرم ودفتردارلرم کلدکده
چاوش باشی وقیوجیلر کتخداسی اوکلرینه دوشوب استقبال اتسونلر
وبعض مصالح ایچون بندن طشره خبری قیواغاسی قیوجیلرکتخدا.
سنه سویلسون و اول دخی وزرامه وقاضی عسکرلرمه ودفتردارلرمه
سویلهسونلر

وبر خاص اوطه دخی یابلسدر اوتوز ایکی عدد خاص اوده
اوغلانی ایله ایچینه بری سلحدار [۱] و بری رکاب دار [۲]

[۱] ارکان خواص جوانی دنین آغارک برنجیسی خاص اوده باشی اولدینی
کی ایکجیسی دخی سلحدار ایدی . پادشاهک قلیچینک محافظی اولوب عزیمت
هایونوقوعندهباشنده زلفی اسکوف اولدینی. سیفدخی الده بولندینیحالده جانب
یبننده کیدر ایدی . بکرمی آقچه علوفهسی ودرت عدد جامه خاصه سالیانهسی
وارایدی . بعده دارالسعاده طاقندن ماعدا اندرون هایونده بولنارلرک ضابطی اولق
اوزره درجه نهاییده تمیز ایتدیلر . هرکون مایبنده نزد هایونده بولنور
وتلخیصات تعاطیسی وسائر خدمات سنیه بی ایفا ایدرواندرون هایونرجالی محتاج عرض
خصوصاتی واسطه سیله ایلرلر ایدی . اکثریسی صدارت ، قبه وزراتی ، دریا
قیوداننی ومصرکی ایالات همه والیلکاری ایله چیقمه شلدر . ۱۲۴۷ سنه سنده
سلحدار کیریدی علی آغارک وفاتندن سوکره سلحدارق الغا اولندی .

[۲] پادشاه تنهجه بانچه وسائره میرنه عزیمت ایچون سوار اولدقده اوزنکی
آغاری . وجود اوله مبه جقلرندن رکابدار باننده بولنور ورکاب هایونی طوتمق
خدمتی ایفا ایدر ایدی . بونک دخی علوفهسی بکرمی آقچه وسالیانهسی درت
عدد جامه خاصه ایدی . اولجه رکابدار سلحدارک ، اودنی وچوقه دارک مافوق اولدینی

وبری چوقه‌دار [۱] وبری دولبند اوغلانی [۲] اوله .

اوده اوغلانینک ضبطی اوده باشنه مفوضدر سلحدار دخی عجمیلره
سله چالغه مأمورد و انلر چقمق لازم کلسه سلحدار و رکابدار الی ایچیه
متفرقه اوله لر رعایت اولنسه بلوک اغاسی و چاشنکیک باشی اوله وسایر اوده
اوغلانی اوتوزبش ایچیه ایله سلحدار قپوجی باشی اولمق داخی واقع
اولمشدر و خزینه اوغلانی اون سکنز ایچیه ایله جیمه [۳]

و طعمای حضور عالیشانه کیلارچی باشی قویه

باغچه بوسنانچی باشی قونلشدر قایغه کرلده بوسنانچی کورک
چکوب اول دومن دوته [۴]

حاله مؤخرأ ایکنجیسی کندیسنه تقدم ایشدر. سلحدارلر تمانز ایتدکده بونیکله
چوقه‌دار مولود و سائره کی ایام رسمیهده معیت هایونده اثبات وجود ایتک،
سائر و قنلر دائره مخصوصه لرنده اقامت و آرام ایلک اصول انخاذا ایدلدی .
سلحدار آغالرک حضور هایونده بولنه مدقلری ایام رسمیهده چوقه‌دار آغا اوده
بولنه ماز ایسه رکابدار آغا سلحداره وکالت ایلر ایدی .

[۱] ایام رسمیهده پادشاهک خاص یغمورلغی طاشیر و صاغ جانبنده یورور
ایدی . علوفه و سالیانه‌سی رکابدار مثللو ایدی .

[۲] بوکا دلبنده غلامی و آغاسی دخی دیرلر ایدی . پادشاهک صاریق‌لرینه
و چاشیرلرینه مأمور اولوب بونرک تدویر و تنظیمنه نظارت ایدر ایدی . بعده
شمدی اثابچی باشی دینلمکده اولان صاریقچی ناشیلیق نامیله دیگر بر مأموریت
احداث و خدمت مذکورده آکا تودیم ایدلدی . دلبنده آغاسی حرقه سعادت
دائره‌سنگک تنظیم و سائره‌سنه مأمور اولدی . مع مافیله رکابدار آغالرک مأمور
و ملازمی بولمق خصوصاتی محفوظه ایدلدی .

[۳] اسراودوشیرمه اوغلانلرندن سرای هایونلرده و عجمی اوغلانلری قشله لرنده
تربیه ایلنلر اوقات معینه لرنده و یا خود لزومی کورلدکجه سواری و پیاده او جانلرینه
قید و چارشلیق و سائره کی وظیفه لره تعیین اولنور و بوکا جیمه یا خود او چالغه،
قپویه جیمه دینلور ایدی . بعده دوشیرمه اسولی ترک و قانونی بشقه بر اصوله
تحول ایلدیکندن بون تغییر یالکیز سرای هایوندن مأموریت طریقله اخراج اولنانلره
تسمیه اولندی .

[۴] سرای هایونه تفریق اولنان اسرا و دوشیرمه اوغلانلرندن برمقداری
سرای هایون باغچه لری خدمتنه مأمور اولدقلرندن بونلره بوسنانچی دینلدی . بعده ادره

ویراملرده میدان دیوانه تخت قوریلوب چقمق امرم اولمشدر
ال اوپولدکده وزرام وقاضی عسکرلرم و دفتردارلرم قفادارم اولوب
دوره لر خواجه ومقی الانام اولنه
وزرامه وقاضی عسکرلرمه وباش دفتردارمه ونشانچی به کندم قالمق
قانونمدر

وچاوشلر ال اوپمک قانونمدر واهل منصب خرده اهل منصبلردن
الای بکی ال اوپمک قانونمدر ومتفرقه علوفه ایله اولورسه ال اوپمک قانونمدر
وچاشمکیر ال اوپمک قانونمدر

وزعیم وارباب تیمار ال اوپمک لازم دکلدر
زعیم متفرقه سی یوزاللی بیک آقچه ایسه ال اوپمک قانونمدر
والتمش آقچه دن یوقاری ویتمش آقچه قاضیلر ال اوپمک قانونمدر
ویکرمی آقچه مدرس ل اوپمک قانونمدر
وکتابدن نفر اولان رئیس کاتبلی ودفترخانه کاتبلی کرک کاتب اولدقده
وکرک عیدده ال اوپمک قانونم دکلدر واهل منصب اولان محاسبه چی [۱]

وکیلیولی شهرلرنده بولان سرای وبستانلر دخی بونلره تفویض ایدلدی . بعد بعد
آمرلری اولان بوستانچی باشی ااره سنده اولیق اوزره آبروجه برعسکری اوجاغی
هیئتلی آلدی . بوستانچی باشی سرای هایونلر ایله حدایق پادشاهی و بوغاز ایچی
جوارلرینک امور ضابطه سنه مأمور اولدی . بوستانچیلردن بر قسمی امور انضباطیه
مذکوره وسرای هایونک محافظه سی ایله اشتغال ایلر دیکر قسمی دخی دائره هایونده
قابلیق وسرای هایون و جوامع شریفه انشا آتی ایچون ایجاب ایدن ملزمه
اخشیایی ، سرای هایون خطبئی اذیتدن نقل ایدن قدرغه لرده کورکچیلک و
طائفه لک ایدرلر ایدی . اوجاغک بوستانچی باشیدن صوکره اک بیوک ضابطی
بوستانچیلر کتخداسی ایدی . ادرنه ده کی بوستانچیلر دخی ادرنه بوستانچی باشیسی
نامنده آیریمجه برضابط اداره سنده ایدیلر . بکیچیرلرک الفاسنی متعاقب بو اوجاق
دخی لغو اولدی .

[۱] ایلك اول محاسبه چی بعمده دیوان هایونده خراج ، اوقاف وسائر
ناملرله محاسبه چیلرک تعدد ندن طولای باش محاسبه چی دینلن مأمور روم ایلی
محاسبه جایی ایدی . دواتک بالجه واردات ومصارفاتی حساباتی بومأمورک اداره سنده

ویکیچری کاتبی [۱] و سپاهی لر کاتبی و روزنامه جی [۲] ال اوپمک قانونمدر
و بالمله دیوانه واران اوزون بکلی ققتان ایله کله لر انلر خواجه
مقامنده در [۳]

جناب شریفم سفر ظفر رهبره متوجه اولسه یاناشمق و زرامک
وقاضی عسکرلریمک و دفترارلریمک قانونمدر معزول بکلر بکیملر و بکلر
داخی دعوت ایدرسم یاناشمق قانونمدر

اولان ، اولاحاسبه مؤخرأ باش محاسبه تسمیه اولنان قلمده طوئیور ایدی . باش
محاسبه خزینه دولتک کافه قوانین و نظامات و قیوداتک مرکزى و اک اهمیتلی بر
موقی اولدیغندن کیسه داری اکثریا دفتردارلغه منشا ایدی .

[۱] بوکا بکیچری افندیسی دخی دینلوب اوچاغک اکابر ضابطانندن ایدی .
یکچیریلرک کوتوک واسامه دینلن دفترینی بالخاصه کندی یازار و بودفته باشقه سی
قلم قاریشدره ماز ایدی . درت تقییط اولدیغی حالده سنه ده اوچ دفعه ده ویریلن
علوفه دفترلرینی تنظیم دخی جمله وظائفنندن ایدی . مع مافیه یکچیرى اوچاغنک
بلوک و سکیان و جماعت دینان اوچ بیوک قسمنک و هراورطه نك آیریمجه برر کاتبی
دخی وار ایدی .

[۲] هرکون دولتک خزینه سنه داخل و خزینه سندن صرف صورته خارچ
اولان مبالغ شیمدی یومیه تسمیه اولنوب اوزمان روزنامه دینلن دفتره قید اولنور
و خزینه به وقوع جولان تسلیاتی مبین تذکره بومأور جانبندن اعطا ایدیلور ایدی .
مأموریت مذکورده بعده بیوک و کوچک نامیه ایکی به تفریق ایدی . برنجیسی بالاده
بیان اولنان وظائف ایله و ایکنجیسی منفرقه ، چاشنکیر ، چاوش ، قپوجی باشیلرک
علوفه لرینی دیواندن اخذ و توزیع ایله مشغول اولور ایدی .

[۳] دولتک امور قلمیه سی ضابطلرکنه مأمور ذواته خواجکان دیوان هایون تسمیه
اولنور ایدی . مؤخرأ معاملاتده اولان ساده لک زائل و قیودات و تدقیقانه احتیاج
حاصل اولدیغندن برجوق قلملر احداث ایدلش و بوصورتله مناصب خواجکان
تزیاید ایدلش ایدی . بونلرک منتهای طریقلری مناصب سته تعبیر اولنان نشانجلیق
شق اولونانی و ثااک دفترارقلری ، رئیسلیک ، دفتر امینلیکی ایدی . عید فطرده
اجرا قلنان توجیهات عمومیه ده خواجکانه برسنه لک اوقی اوزره مناوبه مناصبی
دینلن مأموریتلر ابقاء و یاجددأ توحیه اولنور و بومناصبک باش محاسبه ،
بیوک روزنامه ، آناتولی محاسبه سی کبی بیوکلی صدر اعظم کتبخانه سی
و دفتردار و رئیس الکتاب معزولاری کبی رجانه و کوچکلی خواجکانه نفویض
ایدیلور بونلردن محروم قالانلره عطایای سنیه احسن اولنور ایدی .

و کسند و دودوم و قاترمدن اللیشر قطار قاتر و زرامه بشر قطار قاتر
دفتردارلر مه و رلسون خزینهلرین کوتورمک ایچون
و جناب شریفم ایله کسینه طعام یمک قانونم دکدر مکر اهل عیالدن
اوله اجداد عظام و زراسیله یرلیمش بن رفع ایتشمدر
و سفر ظفر رهبرم واقع اولدقده رکاب هایونمده صولاق [۱] باشی
و بیك [۲] باشی یوریسون

و بر کوچك صندوق ایله جیب خرجانی ایچون فلوری کتوره لر
و هر کسینه اولادمدن سلطنت میسر اوله قردادشلرین نظام عالم
ایچون قتل ایتک مناسبدر اکثر علما دخی تجویز ایتشدر انکله عامل اوله لر
و اوادم خاص اوغلاننه ییلده درت دفعه خلعت قفتان ویرلسون
اوزرینه چاتمدهن تاقیه و پابوچ ویرلسون
و مهر شریفم وزیر اعظمده دورسون خزینهم و دفترخانم مهرلنمک
لازم کلسه و آچالمق لازم کلسه دفتردارلرم امریله حضورلرنده آچیلوب
قابانسون

[۱] پهنده یوز نفر اولق اوزره درت اورطیه منقسم اولان صولاقان
خصه صولاق باشی نامنده بر قوماندان اداره سنده ایدلر . بونلر هیچ بروقت
نراید و تناص ایتبوب دائما درتیوز نفر بولنورایدیلر . محلول و قوعولدجه یرینه
یکچیریلرک بونامده اولان و آلمشنجیدن آلمش اوجنچی نومروه قدر اولان
جماعتلری اورطه لرندن بری اخذ اولنور ایدی . صولاقلر کرک سفر و کرک
درسمادنده کی رکاب هایون رسملرنده بادشاهک اطرافنده ماشیا بورلر و هرکوبری
کچیلور ایکن صولاق باشی اسب بادشاهینک لجامنی طوتار ایدی . آلا کونلری
باشلرینه طوغلی کلاه و آرقه لرینه بیاض بنش و اوزرینه بیاض و درت قوللی خفتان
کیرلر و بوقولارک ایکی سنی کیوب دیگر ایکی سنی قوشاقلرینه صارارلردی . لرنده
یای و آرقه لرنده تبرکش بولنوردی .

[۱۲] قیافتجه صولاقلرک باشقه برنوعی ودها مزینی اولان پیکان خاصه
آنلرک بولندقلری سفر و ایام رسمیه ده بولنورلر و اوکلرنده بورلر ایدی . مع مافیه
صولاقلر بروطفه ایله مکلف اولدنی حالده پیکلر حان برزیندن عبارت اولوب
باشقه بر خدملری یوق ایدی .

وطوبحی باشنه الیشیر الحقه علوفه ویرله [۱]

وجمله القاب بویه یازیله وزیر اعظم دستوراً کرم مشیر افخم نظام
العالم ناظم منازم الامم انیس الدولة القاهرة جلیس لسلطنة الزاهره مدر امور
الجمهور بالرأى الصائب متمم مهام الانام بالفکر الثاقب مؤسس جناب الدولة
والاقبال مخصص ارکان السلطنة والاجلال المحفوف بصنوف العواطف
الملك الاعلی وزیر اعظم ادام الله اجلاله وسایر وزرایه بر مقدار ناقص یازیله
ومفتی افندی به وخواجه افندی به وقاضی عسکر لرله بویه یازیله اعلم العنماء
المبحرین افضل الفضلاء المتورعین ینبوع الفضل والیقین وارث علوم
الانبیاء والمرسلین کشاف المشكلات دینیہ وصحاح متعلقات تعینہ کشف
رموز الدقایق حلال مشکلات الحقایق شیخ الاسلام والمسلمین مفتی انام
المؤمنین المستغنی عن التوصیف والتدیین خواجهم مولانا محمد ادام الله فضائله
وخدمت فتواده اولان مولانا بدر الدین ادام الله تمالی فضائله

[۱] قديماً اعطا قلنان معاشه مطلقا علوفه دينلور ایدی . بالجملة مستخدمین
دولت قسماً علوفه لی وقسماً علوفه سز ایدی . مع ما فيه علوفه سز ديمك طرف دولتن
معیناتلری اولماق معنا سنه اولیوب بونلره برر ايكيشر قریه نك اعشار شرعيه
وساثره سی بدل خدمت اوله رق توجیه وتخصیص قلنمش اولمقله طوغریدن طوغری به
خزینة دولتن علوفه آلیانلر ديمكدر . علوفه نك مقداری هر نقدر یومیه ايله معین
ایسه ده زمان اعطاسی یومی دكل ایدی . پك آز مأورلره شهری اوله رق ویرلدیكى
حالده دیکر لرینه هراوچ آبدہ بر کره یعنی سنوی درت تقسیط اوله رق اعطا ایدیلور
ایدی . هراوچ ماه عربینك اسامیسنی تشکیل ایدن حروفاتدن آلتان برر حرفدن
حصوله کلان کلات او اوچ آلك تقسیطی اسمنی تشکیل ایدر ایدی : نفروزنده
مصر کله سی محرم وصفر وربیع الاول . رجیع لفظی ربیع الاول وجادی الاول
والاخر . رشن کله سی رجب وشعبان ورمضان ، لند لفظی شوال وذی القعدة
وذی الحجة آیلری علوفه لرینه مخصوص قسطلرك اسمی اولوب هر تقسیطه دخی . واجب
تعیر اولنور ایدی . مواجك برر قسطی محرم وجادی الاولده ومتباق ایكى قسطی
دخی شعبانده ویرنك ، یكینچر لرك مواجی دیوان هایونده وعساكر ساثره
مواجینك بعضی قشله لرنده وبعضی لری سركی فرشیله صدر اعظم دیواننده اعطا ایدلك
قانون ایدی . علوفه بهمه حال صالی كونی جیقار ایدی .

ودفتردارلر مه جانب دیواندن بویله یازیله افتخار الامراء والا کابر
مختار الکبراء والا فاخر مستجمع المعالی والمفاخر ذوالقدر الاتم والصدرا الا کرم
المختص بمزید عنایة الملك الباری خزائن عامرهم مک دفتردارى دامت معالیه
وجانب مالیه دن بویله یازیله قدوة ازباب العز والاقبال عمدة اصحاب القدر
والاجلال جامع وجوه الاموال عامر الخزین باحسن الاعمال المختص بمزید
عنایت الملك الاعلی خزائن عامرهم دفتردارى دامت معالیه
وبکلر بکلیله بویله یازیله امیر الامراء الکبراء کبیر الکبراء الفخام
ذوالقدر والاحترام صاحب المز والاحتشام المختص بمزید عنایت ملک
العلام قرمان بکلر بکیسی دام اقباله
وسنجاق بکلرینه بویله یازیله قدوة الامراء الکرام عمدة الکبراء
الفخام ذوالقدر والاحترام صاحب المز والاحتشام المختص بمزید عنایت
الملك العلاء
ویکیجرى اغاسنه وسایر اوزنکی اغالرینه بویله یازیله افتخار الاما جد
والاکارم جامع المحامد والمکارم المختص بمزید عنایت ملک الدایم یازیله
وبشر یوزاچقه تحت قاضیلرینه بویله یازیله اقضى قضاة المسلمین
اولاولاة الموحدين معدن الفضل والیقین وارث علوم الانبیاء والمرسلین
حجة الحق علی الخلق اجمعین المختص بمزید عنایت الملك المعین یازیله
صحن منالرینه وداخل منالرینه افتخار العلماء المحققین مختار الفضلاء
المدققین ينبوع الفضل والیقین وارث علوم الانبیاء والمرسلین المختص بمزید
عنایت الملك المعین یازیله
ویوز الی اچقه قاضیلره قدوة القضاة الاسلام عمدة ولایة الانام
میز الحلال عن الحرام یازیله انلردن اشغه بر فقره اکسک یازیله
وشهرامینه و رئیس الکتابه بویله یازیله افتخار الاعالی والاعظام
مختار الاهالی والاکارم المختص بمزید عنایت الملك الدایم یازیله
وجاوشلره بویله یازیله قدوة الاماثل والاقران یازیله

و کاتبانله قدوة ارباب التحریر یازیله

وصاحب سلطنت اولوب اطاعت ایدن جلیل القدر حاکمه واکر
مملکتده صاحب سکه و خطبه ایسه اخوت مأب یازیله اکر ولایتک اباعن
جد حاکمی ایسه خطبه و سکه صاحبی دکل ایسه امارت مأب یازیله
واوغلوم شاه زاده ادام الله عمره حکم یازلمق لازم کلسه بویله یازیله
فرزند ارجمند اسعد و امجد وارث ملک سلیمانی نور حدقه سلطانی روس
السلاطین صاحب العز و التمكن محض لطف الله الکرام اوغلم سلطان جم
ادام الله بقاء یازیله

ومنلا زاده لره و پاشا زاده لره قدوة الخادیم الکرام عمدة المعاضیم العظام
یازیله

وخواتین دن سلطانلردن برینه حکم یازلمق لازم کلسه بویله یازیله
عفت پناه سترت و عزت جاه دولت درج السلاطین عنزة برج سید الخواتین
الاعظم بنات السلاطین اوغلم سلطان محمود قزی عایشه دامت عصمتها
دیو یازیله

تمت الکتاب بعون الله الملك الوهاب

تحریراً فی غرة ذی الحجة الشریفه سنه ۱۰۲۹

وارکلی قاضی‌لغنده برعشر وقفه و نصف عشر دیوانی به قید اولنشدن
و قونیه قاضی‌لغنده ایکی قریه‌دن و نفس شهر سنورنده اکیان غلاتدن
[صو بصاردیو] ایکی عشر النور غیری قراسنده عشر وسالارلق
النور و سالارلق بر [مد] غله‌دن ایکی کیله عشر النسقدن
صکره بحق کیله داخی النور بومذکورلردن زیاده یملک ایچون و
غیری خصوصچون نسنه الناز و ولایت مزبورده عشر کتان کهنه
دفترده عشر وسالارلق قید اولنشدن ینه اول موجب‌الله اما تخم
رعیته ویرلسه رعیت ویردیکی کتانی یومشدیوره

ولایت رومده ارپه‌دن و بغدادین و طارودن هر جنسی آرو حساب
ایلرلر بش مد اولیجاق یملک بر بحق کیله النور بش مددن اون مد [ه]
حق‌جاق همان بواسلوب اوزره الورلر [اون] مده یتشجک اوچ
کیله یملک الورلر اون مددن نه مقدار تجاوز ایدرسه اوچ کیله‌دن زیاده
نسنه المیار و برکشینک چاچی [۱] اون مددن دخی زیاده اولسه همان اوچ کیله
النور ارتق النمز بش مددن اکسک اولاندن نسنه النمز ولایت
مزبورده قانون بواسلوب اوزره جاری‌در

اما لواء بولیده و جغاده و منکنسده و اون ایکی دیوانده و قبرسده
وارکلیده مدده اوچ کیله النور و خرمن حق و سالارلق النمز ویران
شهر و بورلی و اولوس و ملک فلك‌الدین ویدی دیوان و حضر بك ایلی
ناحیه‌لرنده مدده ایکی بحق کیله النور و رسم خرمن و سالارلق النمز

خامس [رسم باغ و چایر]

باغ و چایر [۲] دونمنه بعض ولایتده اون اچقه و بعض ولایتده بش اچقه

[۱] چاچ ذخیره کومه و ییغینی دیمکدر . آناطولیده الآن چچ صورتنده
مستعملدر . قدیم تورکجه‌ده یاللق و قوشمق معناسنه اولان چاچق مصدریله بؤکله
آراسنده مناسبت یوقدر .

[۲] بو قانوننامه نك کتبخانه‌لرده بولنان بعض مصحح نسخه‌لرنده چایر
کله‌سی یوقدر .

النوب و خدایقدهن و حریملردن دخی عشرلرینه کوره کسم النور اما
بعض یرلرده باغک دونمه یدیشر و بعض یرلرده سکزر و بعض یرلرده
اوزر اچقه النور

باغچهدن و باغدن عشر حاصل النوق قانون شرعه مطابقدر اما
رعایایه [تکلیف (۱)] عشرده مضایقه اولوب دفع مضایقه ایچون عشر
مقدارینه بدل مبالغ تخمین اولنوب خراج اعتبار اولمش
باغدن دونم اچقه سی النیمان یرلرده اوزم و غیره فواکه و بوستان
یتشجک اوزرینه امین کشیلر الدوب قیمته دوتدروب عشرین الهلر
و دونم اچقه سی النان یرلرده اوزوم کسلدوکی وقت انه قبل الوقت النیه
ولایت منتشاده باغ دونمیه دونمدن دونمه اعلاسی سکزر و ادناسی
درت اچقه در

اما ولایت قره مانده غلهدن ایکی عشر النان یرلرده باغدن و باغچهدن
برجوق عشر النور ایمش صکره درگاه معلامه عرض اولنجاق بر عشر
المحاق مقرر بیورلمش

تیمار [و] وقف و ملک اولان قرادن همان بر عشر الله اما وقف
اولان قریه لرده عشر تمام وقفه الله و قفدن غیره ده بر عشر النوب
نصفی مالکانه و نصفی دیوانی به اوله سالارلق [دیو] نسنه المنز
و کافرک باغی اولوب شیره حاصل اولان یرلرده واکر شه ده واکر
کویده سوباشی و سواری ایکی آی منوبولیه [۲] دوتوب سوچی سن صاته
نرخدن زیاده [یه] کوجله کافر اوزرنه بر اقیالر

[۱] تکلیف کله سی یرینه المزده کی نسخه ده محصل و کتبخانه لرده اولان
نسخه لره اکثر بنسده تخلیص کله لری یازلمشدر . محصل و تخلیص کله لرله جمله نك
و معناسی آکلاشیله مدیفندن یالکز بر نسخه ده یازیلان تکلیف کله سی قبول
ایدلمش و بوضورتله جمله دن معنا جیقارلمشدر .

[۲] بوکله قانوننامه نك دیگر نسخه لرده منابولیه صورتنده محرر در .
انحصار معناسه اولان Monopole کله اجنبیه سنك لسانمزه پك قدیم اوله رق
قبول ایدلدیکی آکلاشیلیور .

سو بائی و یا سواری منوبولیه دوتمک استیجک کافرک فوجیلرینی
و کوپلرینی مهرلیر بونلرک شیره سی صاتلمینجه هیج کیمسه سوچی
صاتمیه وایکی آی منوبولیه ایچون بیلک قنئی آینی اعتبار ایدرلر
ایسه اول کافردن النان اوندیه اول آیلرده صتالر

و اگر سو باشینک یا سو ارینک بر ایکی آیدن سوچی سی 'راسه کوجله
کافر اوزرنه دوکیه مکر کافر ایل ترخنه راضی اولوب اله و کافر
شیره سی قوریقاسنه [۱] قویوب صقمق ایستیجک دفع الوقته بر اقیوب
صقمغه دستور ویرلر و دستور ایچون نسنه المیالر قویلر شیره سنی صقه
تا که ضایع اولیه

و کافر جبره سنی صقمق اوزرنه طوران آدم اول جبره [نی] ارایه
باصلمادق قالدیه باصدورلر جبره لرده اوزم قالدیه صوقویوب
قابنه قویسه آندن اوند و سالارلق النیه

و شیره ده یوز مدره [۲] ده [اون مدره] اوند اوچ [مدره] سالارلق النور
اما ولایت سمندر ده بر رعیت یازلدوغی یرده باغ دکسه عشرین
ویردکن صکره اوتوز مدره ده [بر مدره] سالارلق ویرور
واکر اخر تیمارده باغ دکسه عشرین صاحب زمینه ویروب سالارین
کندو سپاهینه ویرور و بر رعیت بر غیری سپاهینک رعیتندن باغ
السه عشرین و سالارلقن داخی اول یر صاحبنه ویرور

و کافر فوجی سن اچوب سوچی سن صاتجاق ادرنه مدره سیله الی
مدر [ه] ده بر مدره اله

[۱] بولکه دیگر نسخه لرده قوریتسه صورتنده محرردر . اسلاوجه اولان
مذکور کله نك روم ایلیده مستعمل بر قابه علم اولدینی آکلاشیلور .
[۲] مچرنک طقوزنجی عصرندن اون ایکنجی عصرینه قدر تألیف اولنان
بالجمله حساب کتابلرنده مدره نامیله بر وزن و اوچلی کوریلیمور . بلکه قیه نك
ربی اولوب لدره دیه یاد اولنان وزن اوله رق سهواً بوصورته یازلمشدر . مع مافیه
قانوننامه نك بتون نسخه لرده مدره دیه محرردر .

وشول چایرلرکه قورونوب چایر اوله کلمشدرکه هرکز زراعت اولنمز
انوك کبی یرلردن که چوق اولوقلر حاصل اولور یوخسه وللر تصرفنده
اوله عرف پادشاهی مقتضاسنجه عشر ویره لر

ولایت مزبورده هر رعیت باشتمه دن باشتمه یه خرمن وقتنده بر
عربه اولوق و یواکن [۱] بر عربه اودون ویرور [لر] موسملرنده اولوق
واودون المسملر یدیشر اچقه اولوق ایچون و اوچر اچقه اودون ایچون
النور

و ذکر اولنان ولایتده مسلمان باغلرینک هر دوئممه درت اچقه النور
لواء و دینده هر مزوج کافردن دفتره اولوق حتی بشر اچقه و بوستان
رسمی ایکیشر اچقه یازیلوب تیمار ارینک اوزرینه حاصل بغلمشدر
اسلوب دفتر تغیر اولماسون ایچون یکی دفتره مزوج یازیلوب خانه حساب
اوله

بر مزوج رعیت دفتر موجبنجه خانه دن خانه یه اولوغی اولان
بر عربه اولوق ایچون بشر اچقه ویره لر ورعیت اوغلانلرندن شولکه
دفترده مزوج [یازیلوب] دفتردن صکره تزوج ایدوب کیرو باباسیله اولوب
انتقاعی باباسی چفتلو کندن اولوب باباسی باشتمه سندن اوله ایل یازیلوب دفتر
اولنجه علی حده رسم اولوق ورسم بوستان النیه اما اسپنجه سی الیه
مکرشول کمسنه که دفتردن صکره تزوج ایدوب باباسندن ایریلوب ماستمه
دیرلیک و دوزن ایدوب معیشتی باشقه اوله انوك کیدن داخی اولوغی
اولان بر عربه اولوق و اولوغی اولماندن بش اچقه ورسم بوستان ایکیشر
اچقه الیه شویله بله لر

[۱] نسخه مزده یواکن صورتیه یازیلان بوکله موقعنده قانوننامه نك دیگر
نسخه لرنده پوزقده ، یوزکده کله لری محرردر . بوکله نك هیچ بری جمله نك
معناسنی اتمام انده میور . مذکور کله نك یورکن ، کورکن اولسی ده محتملدرکه
بوحالده معنا آکلاشیلور و اودونك جنسی ایضاح ایدر .

[رسم قوان]

قوان دوردینی یرہ تابعدر کیمک یرنده بال ایلر ایسه عشر انوکدر
شول یرده که دفترده اچمه یازلمشدر اولالنه وشول یرده کی اچمه یازلمشدر
عشر بلو یانلو [۱] اون قواندن بر قوان الننه اما دفعهاً للتضییق بعض
مواضعده عشردن بدل اچمه تعیین اولمشدر
لواء حمیده لواء خداوندکارده ولواء انقرده قوان عشری صاحب
رعیت اوزرینه قید اولمشدر

اما عشر عسل بدلی هر قواندن بحیث الحاصل بعض ولایتده بر قواندن
ایکی اچمه النور و بعضنده قوان باشنه بر اچمه النور و بعض ولایتده
بر رعیتک آخر سپاهی یرنده قوانی اولسه صاحب ارضه ایکی اوچ قوانه بر اچمه
وصاحب رعیته ایکی قوانه بر اچمه ورور

و بولی سنجاغنده قوان حتی اوائلده یرہ تابع اعتبار اولنور ایمش
حالیا [رعیته] تابع اعتبار اولنوب حکم هایون ارزانی [قلنمشدر] رآسی نه
یایلر جهتی دیو قوانلقدن حالته کوره بیورلمشدر [قیون] عادی کبی که رعیته
تابع اعتبار اولنور و قشلا دوغی یرہ قشله حتی و یریلور

اما لواء حمیده و اتلاق رسمی [دیو] صاحب ارض بعض یرده درت
قواندن و بعض یرده اوچ قواندن بر اچمه الور

ولایت قرمانده قوان کیمک تیمارنده بال ایلریسه عشری اول تیمارک
صاحبنه بیورلمشدر هر [بر] قوان باشنه ایکی اچمه رسم در
وشول قریه لرکه وقف اولا بر اچمه سی وقفه و بر اچمه سی دیوانی یرده در

[۱] نسخه ضرده بلو پاتلودی و قوانین و دیگر نسخه لرده ایلو یاتلو صورتنده مقید
بولان بولکه نك معناسی آکلاشیله مامشدر مع مافیه اشبو قانوننامه نك بالکن بر نسخه سنده
«ایو وکلو» صورتنده یازلمشدر بوضورتده ایکنجی کله کومه لو صورتنده
اوقونورسه برنجی کله یی توضیح ایدر و بوحالده معنا آکلاشیله بیلور .

و شول قریه لکه ملک اوله بر اچمه سی ملکه و بر اچمه سی دیوانی به در
اما النان اچمه عشر مقدری بال ایلین قواندن بیورلمشدر هیچ بال
ایلین قواندن امره مخالف نسنه طلب اولنیه
ویرلوقیالردن ویرلوارلردن هر ییل بال الورلرایمش واقع اولان یرلردم
سپاهیلر اوزرینه حاصل بغلندی ودفترده قید اولنیمان موقوخیلرکدر
وطاغلرده بالیلر اولوب اغاج قوووغنده بولدقیری و [یاھنوز] واقع
اولمش قیا قوووغنده بولدقیری صید قیلندندر
و بعض مواضعده شویلسکه قوان دوردینی یرسنجاق بکنه متعلق یراوله
عشر قوانک ثلثانین صاحب رعیت و ثلثین سنجاق بکی الور

[فصل سادس باد هوایی بیان ایلر]

باد هوا دیو دفتره قید اولنان رسم عروسی و جرم جنایتی و چفتلک
طاپوسی و اویری طاپوسی و خارجدن کلوب قشلایانک دوتونی رسمی در
سربست اولیمان تیمارلرک نصف جریمه سی صاحب رعیتک و نصف
آخری خارجدن دخل ایدن سنجاق بکلرینکدر و یا خود خارجدن دخل
ایدن سو باشینکدر ایکسی به تصرف اتدوکی یرده هر بریسی ربع تصرف
[ایدر اما ولایت قرامانده نصف اخر] شهزاده حاصلرینه یازلمشدر

و رسم عروسیه قید اولنان یرلرده داخی بو طریق اوزره دخل ایدرلر
کردک دکری ویر طاپوسی بولی سنجاغنده تیمار اارینک در سنجاق
بکلرینک و سو باشیلرک انلرده مدخلی یوقدر قیون حق و جرایم
سنجاق بکی ایله سو باشینکدر صاحب تیمارک دخلی یوقدر مکرکه
تیمار سربست اولا و یا خاص قید اولنمش اوله
و رسم عروسان جهازلو قیزدن التمش اچمه در و عورتدن قرق اچمه در

فقیرلردن نصف رسم غنیه در ومتوسط الحال دن بین و بین در یرلوعورتک
 نکاحنده و رسم عروسانه سنده طہراق [معتبر] در
 کردک دکرری رسمی باکره قیزدن رعیت صاحبکدر اکا حکم اولنه
 واکر سوارینک قیزی چقسه کردک دکرین سو باشی اله سو باشلیق
 الی التہدہ ایسه والا سنجاق بیکی اله یورکده لامکان اولدوغی
 سیدن باکره ایله ثبہ انا نہ تابع اولمقده بردر
 و رسم نکاحک داخلی اعلاسی بر دینار وادناسی اون ایکی اچہ در
 ومتوسط الحال ناکح ایله منکوحہ حالارینہ کورہ النور
 وبرکمنہ کندونک مطلقہ سن نکاح اتسہ رسم نکاح النور اما رسم
 کردک التماق قانونہ مخالفدر
 و رسم مکاتب داخلی ائمہ مجتہدیندن واقع اولان اقوال متخالفہ اوزرہ
 النوردی صکرہ دن اون یدی اچہ تعین اولوب رسم قسمت موارث
 داخلی بیکده یکرری اچہ اوزرہ مقرر اولدی

[رسم قسمت بیانده در]

سفر سلطانیہ اشن سپاہی اشرا لکن تقاعد اتدکدن صکرہ مادامکہ
 مذکور متقاعد آخرہ رعیت یازلمش اولمہ عسکریدر
 وحضرت خداوندکار قوللری وجاریہ لری مادامکہ عسکرینک تحت
 نکاحنده اولہ لر بعدالاعتاق انلر داخلی عسکریدر
 وقضا وتدریس ومشیخت وتولیت ونظارت وسایر انلرک امثالی
 مناصبدن شولکہ عتبہ علیاہ ملازمت ایله ویریلور انلرک [اہلی] عسکریدر
 وعسکرینک اولادندن شولکہ بر درجہ دہ وکمنہ رعیت یازلماش
 اولہ وزوجاتی کہ بالفعل تحت نکاحنده اولہ وعسکرینک قوللری کہ

بعدالاعتاق اهل عسکری خدمتنده اوله ومیشترلی اهل عسکردن اوله
وکمسه به رعیت یازلمش اولیه وشول رعیت قیزی که سپاهی به نکاح اولوب
مادامکه سپاهینک تحت نکاحنده اوله عسکری حکمنده در

بو ذکر اولنان کمسنه لک رسوم قسمتلی قاضی عسکر کدر قاضی
عسکر قساحی قسمت ایدوب رسم قسمتی قاضی عسکر ایچون اله

اما عسکری نکاح وعقاق نامه وحجت باینده مختاردر قنئی جانبه دیلر سه
اکا رجوع اید [ه] وهر کیمه مراجعت ایدر سه رسمن اکا ویره [دیوقانون
مقرر ایدی] الحاله هذه عسکرینک نکاح وعقاق نامه لری قاضی عسکر لره
تخصیص وتعیین اولوب امر جلیل القدر شویله صادر اولدیکه انوک کبی
عسکری طایفه سنک نکاح ویا عقاق نامه لری واقع اولدقده قاضی عسکر
قساملرینه مراجعت ایدوب ورسمین قاضی عسکر ایچون اله لر واکر
قساملری موجود اولمز ایسه داخی ولایت قاضیلری رسملین الوب
محکمه لرنده قاضی عسکر ایچون ضبط ایدوب صکره قسامه تسلیم ایلر
اما حجت باینده عسکری طایفه سی کبرو مختاردر قانون قدیم اوزره
قنئی جانبه دیلر ایسه اکا رجوع ایده وهر کیمه مراجعت ایدر سه رسمین
داخی اکا ویره

وطوغانچی که برات هایون ایله بالفعل طوغانچیلق خدمتنده اوله
کمسنه نک یازیلو رعیتی اولیه اشر یاا ومسلم و جانباز ویورک وتاتار
وویونوق طایفه لری داخی عسکریدر ولیکن انلردن شول [کمسنه لره]
غنی اولوب رسم قسمتلی یوز ویا یوزدن زیاده اوله قاضی عسکر کدر
ویوزدن اشاغه [سی] ولایت قاضیلرینکدر

ویونلرک اولادندن شولکه کرو یونلرک سلکمنده اوله لر کمسه به رعیت
یازلمش اولیه لر وزوجاتی که بالفعل تحت نکاح لرنده اوله انلرک حکمی داخی
یونلرک کبی در

وطوغانچی بر کمسنه نک رعیتی اولوب رسوم رعیتی بالفعل ادا ایدوب

طوغانچیائی برات هایون ایله ویاچفتلک تصرف [اتمکه] ویاخود عوارضدن
معاف اولمغله اوله عسکری اولمز سائر خلق کی در

وسپاهی قوی ازادلو اولوب سپاهی خدمتدن فراغت ایدوب حضور
اختیار ایلیوب کاسبلر سالکته منسلک اولوب اول طریق اختیار ایتسه
وبنوم جاریه لرمدن وسپاهی قیزلرندن شونلر که رعیت طایفه سنه نکاح
اولوب رعیتک تحت نکاحنده اوله لر وکتبخدالر رسومدن وغوارضدن
معاف و مجرد الارنده برات [اولمغله] عسکریده داخل دکلدر

مناصبدن شولکه مجرد قضاة اعلامی ایله ویریلور ملازمته توقی یوقدر
جز [و] تسبیح و سایر وظائف کی انلرک اصحابی [و] داخی یایا و مسلم
وجانباز و تاتار و مقلری یاغجی و کوره جی [۱] و قاضی نایبلری سایر خلق
کی در بو مذکورلرک رسوم قسمت و نکاح و حجی ولایت قاضیلرینکدر
وعسکرینک زوجاتی عسکری وفات ائدکدن صکره طول ایکن وفات
انسه لر اتالری عسکری ایسه کندولر داخی عسکریدر واکر اتالری
شهرلو ایسه ویا رعایا طایفه سندن ایسه انلر دخی اوله در

و مناصبدن شول [که] یومی اوچ اچقه ویا اوچدن زیاده [اوله انلرک]
صاحبلرینک رسومی عسکریدن معدود اولوب قاضی عسکر قسامی قسمت
ایدرلر ورسومن داخی قاضی عسکر ایچون تصرف ایدوب اولرلر

وشول منصب که یومی اوچ اچقه دن اشاغه اوله انلرک اصحابنک [رسم]
قسمتی ولایت قاضیلرینکدر ولایت قاضیلری قسمت ایدوب انلر اله لر

وبعض وقت ورثه صبی ویا صبییه اولسه ترکیبی قسمت ائدورملک
استرلیمش ویا بعض کمنه لر میت ایله ترکده مشترک اولسه لر کبر و نزاع
اولور ایش بونلر داخی قانون مذکور موجبجه عسکری قسمنده
داخل اولدقلری صکره بونلری داخی قاضی عسکر قسامی قسمت
ایدوب رسمن قاضی عسکر ایچون اله لر و مشترک اولان مالک شریک

[۱] معدنجی یاخود معدنلرده چالیشان عمله دیمکدر

آخر حصصی اگر عسکریدن دکل ایسه افراز اولوب رسم قسمتی
قاضی عسکر ایچون الله

وقرمان قاضیلری بر قاضیلغیدن معزول اولسه لر اللرنده اولان
سجالاتلری صکره کلن قاضی به تسلیم ایلیوب الوب بله کیدر لر ایمش تسلیم
ایلمکی الحاح ایدر تا که مسلمانلرک اموری مختل اولیه

[رسم آغ]

ولایت قرمانده کهنه دفترده کوللر کنارنده اولان بعض قرا [به] بر
مقدار اچقه یازلمشدر هر ییل اول قریه لر [دن] بالی آولنسون کړک
آولنسون بروجہ مقطوع اول یازیلن مبالغی الورلر ایمش قانونه
مخالف اولدوغی سبیدن عشر ماهی قید اولندی نه مقدار اولورسه
عشرین الہر زیاده تعدی ایتیمه لر

[رسم اتلاق]

قدیمدن قورونوب اتلاخی رسمی انوکلش یایلاقلرک عرف سلطانی به
موافق دفترده نیه رسم اتلاق قید اولندی ایسه انی الہر
انلرک ماعداسی چایر [لر] دن وقیر [لر] دن که بعضی حیانه طایفه سنه
یورد و بعضی شهرلویه خاصه و بعضی اخر سپاہیلرہ تیمار قید اولنمشدر
و بعضی خالی و خارج دفتردرکه انلرک کبی یرلردن عمال و سپاہیلر اتلاق
رسمن الورلر ایمش قانون عثمانی به مخالف و دفتر عتیقیدن خارج
اولدوغی سبیدن انلرہ رسم اتلاق قید اولندی المیه لر قیون رسمی
الندقدن صکره طلب اولیمه

ورسم اوتلاق قید اولنان یرلردن عادت قدیمه اوزره هر سوریدن بر
اورته قیون الیر

ورسم اوتلاق اولدن [اوتلاق] رسمی قید اولنان یرلردن النوب
قید اولنمیان یرلردن النماز

وخارجدن سنجاغه کلن قیونندن رسم اوتلاق اعلا سوریدن بر
قیون بهاسی یکرمی ایچمه و اوسطدن بر قیون بهاسی اون بش ایچمه
وادنا سوریدن بر قیون بهاسی اون ایچمه اوله زیاده النقی شرعاً
وعرفاً جایز دکلدر شویله بلنه

[رسم قشلاق]

بر تیمارده خارجدن قیون کلوب قشلسه اغرجه سوریدن بر ششک [۱]
قیون النمه والحق سوریدن [التی] ایچمه النوب زیاده نسنه طلب اولنمیه

[رسم بزیرخانه]

قرمان دفترندن غیریله بولونمندی انده داخی بواسیلوب اوزره
یازلمش که ولایت قیصریه ده جاری اولان قانون اوزرینه یلده یکرمی بش
ایچمه قید اولندی زیاده طلب اولنمیه

[فصل سابع مسامه ویایایه متعلق احوالی بیان ایلر]

تکه ایلنده اولان مسلملرک کهنه دفترلرنده درت بش [کمسنه باش]
[۱] یاخود شیشک . ایکی یاشنده قوزی به تسمیه اولنور.

مسلم یازیلوب [بنوبت] عساکر منصوره ملازمت ایدرلر ایش برنجیه
 کمسنلر بونلره رعیت قید اولنوب مشترک اولان کمسنلردن برینک
 نوبتی واقع اولیجاق [مسلملک] رده واقع اولان غله و باغ و قوآن
 عشرلرین و دکرمن رسمن ورعیت یازیلان خانلردن قرقدن الی دن
 اچقه لرین الوب عساکر منصوره ملازمت ایدرلر ایش صکره
 ولایت مزبوره درگاه معلامدن یازلساغه امر اولیجاق مسلملر تفتیش
 اولنوب بعض اوجاقده اون و اون بش خانه و بعضنده قرق واللی
 خانه رعیتلری بولنوب مشترکلرندن سفره کیدن کمسنه بورعیت یازیلان
 خانلردن مرادلری اوزره بعضندن ایکیشر و بعضندن اقل خرچلق
 الورلر ایش و تعدی ایدرلر ایش بوقضیه لری درگاه معلامه عرض
 اولندقدمه هر اوجاقده اون بش خانه دن نقصان اولان اتمام ایدوب
 وزیاده اولانی اون بش خانه یه بر اشکونجی وضع اولنق مقرر اولدی
 و رسم چفت تعیین اولنوب کمسنیه ظلم و تعدی اولنسون دیو هر بر اوجاغک
 نقصان تمام ایدوب وزیاده سنه [اون بش خانه حسابی اوزره] برر
 اشکونجی وضع اولنوب رعیت یازیلان کمسنلردن تمام چفتلوسنه اوتوز
 و نیم چفتلوسنه اون بش و بنا که اون ایکی و اهل کسب اولان مجردلره الی
 اچقه و ایکی قیونه بر اچقه تقدیر اولندی

و مسلملرک قیون عادتیی ایله باده و الرینک نصفی و تمام چفتلو کدن [التیشر
 و نیم چفتلو کدن اوجراچقه بعض رده الی بکی و بعض رده سو باشیلر و بعض
 رده چری باشیلر الوب قیون عادتیک و باده و انک نصفی مسلم اشکونجیلر و کدر
 و لواء حمیده هر مسلم اوجاغنده سکز طقوز نفر کمسنه بر برینه یماق
 قید اولنوب تمام عسکر منصوره ملازمت ایدرلر ایش

و مسلم [لر] که دفترده یماق قید اولنمشدر بر دن ایکیدن خدمته یرار
 اوغللری و یاخود قرنداشلری کندولری ایله بله اولورلر انلر داخی یماق
 قید اولنوب نوبتلرنده خدمت ایدرلر

و بریماق که پیر وفائی و یامعذور اولوب سفره اقتداری اولسه و یرار
 اوغلاری داخی اولسه خدمته کیدنه مقدارنجبه خرچلق و یرور
 و [بر] اوجاقده مسلمک قانون قدیم اوزرینه بر چفتلک یرلری واردر
 اول چفتلکده واقع اولان غلاتدن و باغدن و باغچه دن و دکر مندن کمسنه یه
 عشر و رسوم و یرمن و اول یر صائق و طایویه و یرملک جایز دکلدر و
 قیونلری عادتیه و باقی رسوم لری نه کمسنه دخل اتمز و اکر سپاهی یرنده
 زراعت اتمهلر عشرلرین و ایکی دونه براچه یر رسمن و یرور [لر] و
 باغلری اولسه هر دونه اوزر اچه رسم و یرور [لر] سفر و یا خدمت
 واقع اولور ایسه خدمته کیدیجک یماق سایلرلرینک غیلرندن اللی و
 التمش و متوسط الحالدن اوتوز و قرق و ادناسندن اون و یکرمی اچه
 خرچلق الور و قیونلری و قیونلری و ارایسه رسوم اول مسلمک
 یرده اولان غله نك عشرین الان الور و الا اختیسلرلی و رضالری
 بر برندن نسنه المیوب نوبتی اولان کندو خرچلقی ایله کیدر
 و مسلمک باده واسن الای بکی ایله چری باشیلری بطریق المناصفه تصرف
 ایدرلر اتمش شمیدیکی حالدده مسلمه مستقل سنجاق بکی نصب اولنوب
 الای بکی حصه سن سنجاق بکی تصرف ایدر
 و مسلم اشکونجیلرینه بعض یماقلرندن اللی شر اچه خرچلق وضع
 اولنمش چفتلک داخی تصرف ایدرلر اوچر نفردر و بعض دوردرلر
 بواسلوب اوزرینه یازلمشدر چفتلکدن اولان حاصلی هر قنقنسی اشرایسه
 اول تصرف ایدوب اشمینلردن سایلر یماقلر کبی الیشر اچه خرچلق
 و عشرین الور و بعض وقتده حاجت اولوب اوچی و یا دردی بله
 اشر ایسه چفتلک حاصلنی و یماقلرک الیشر اچه خرچلوغنی علی السواء
 تصرف ایدرلر
 مسلمک و یماقلرک کردک دکرلی و قنقنی سنجاق بکنه قید اولنمشدر
 نصفی چری باشیلرینکدر و نصفی سنجاق بکلرینکدر

یماق مجرد اولسه یکرمی بش اچقه خرچلق ویرور
ونفس سمندرده مسلم قید اولنانلر عشر ویرمزلر اما باغلرندن
حاصل اولان [خوردن] فوچی باشنه سنجاق بکی ایچون اون ایکیشر اچقه
ویرور وشول مسلمانلرکه بر یرده باغلری واردر یر آسی نه عشرین
ویردکن صکره خمرین شهره کتورسه فوچی باشنه التیشر اچقه رسم الزور

[احوال پیادکان]

هراوچاقده اتی ویدی نفر کمسه بر برینه یماق قید اولوب [بنوبت]
عسا کر منصوره خدمت ایدرلر
بر یماق یازیلان یا یانک بردن ایکیدن خدمته یارار اوغللری وقرنداشلری
واردر کندوایله به اولورلر انلرداخی یماق یازیلوب نوبتلرنده خدمت ایدرلر
یا یالق قانون قدیم اوزره بر چقتلک یرلری واردر اول یرده
اولان غلنهک و باغک ودرکمنک عشرینه و رسمنه کمسه دخل ایتمیوب
کندولر تصرف ایدرلر اما اول یرک صائله سی طابویه ویرلمسی قطعاً
جائز دکدر و قیونلر [ی] عادتین داخی ویرمزلر
بر یا یاکه پیر وفانی و مفلس اولوب سفره اقتداری اولسه علی قدره
کیدنه خرچلق ویرور والا پیر ویا معذور اولوب غنی اولوب کندو
وارمغه قادر اولسه یرینه بدل دوتر
ویا یالرسپاهی یرنده زراعت اتسه عشرلرین ویروب ایکی دونه بر اچقه
یر رسمن ویرورلر
ویا یا سنجاق بکی کندویه متعلق اولان یا یالردن هر اوجاقدن بغدای
واربه اچقه سی دیو قرق اچقه و سفره وارمیوب یرینه بدل دوتان یا یالردن
بدل اچقه سی دیو اوتوز اچقه الزور

ومذکور سنجاقده اولان یایالارک جرم و جنایتنه و کردک رسمنه و یایالار
دوتدینغی و شق و قتلان در یسنه یایا سنجاغی بکی متصرفدر
یایا باشیلرینه متعلق اولان یایالاردن یایا باشیلری هراوجاقدن بغدادی وارپه
اچقه سی دیو قرق اچقه الورلر

یایانک باد هواسنه یایا باشیلرینک دخلی یوقدر
و یایانک رسم جرم و جنایتی رسم عروسی اوجاق تخیلی یایا سنجاق
بکینکدر اول متصرف اوله

و یایانک بدلی مطلقا جائزدر و یایا سنجاق بکاری [کندو] ادملرینه
یایا اچقه سن الیوروب بدل اتمک اولمه

و یایایه سفره وارمک دیو و یا سفره کچ کدک دیو [پیرسن و یا]
اوغلان سن بدک قبول ایتزین دیو و مقدملاک و سقالق و بوغاسی
[و بکندک] اچقه سی دیو اچقه لرین الورلر ایش اول نسنه لر بدعتدر
قانون دکدر

و یایا طایفه سی غیبت منقطع ایله غایب اولوب اله کرمیوب اله کلمسی
ممکن اولدوغی معلوم اولیجاق اوجاقده [یایا] برداخی [اوله جق] اولور
ایسه چفتلککنک جمعینی اکا تسلیم ایدوب اول مملکتک قوللغن اول
برکششی ایدر

اما [یایانک] وفاتی و یاخود غیبت منقطع ایله غایب اولدوغی معلوم
اولیوب بولمق احتمالی اولسه اکر خاص یایالاردن ایسه بولماق و نوبتنده
اکا تکلیف خدمت ایدوب اشدورمک یایا سنجاغی بکی اوزرینه در و
اکر خاص یایالاردن اولیوب یایا باشنه [متعلق یایا] ایسه مادامکه غیبت
منقطع ایله غایب اولدوغی و یا وفاتی معلوم اولیجاق بولمق نوبتنده سورمک
یایا باشینک اوزرینه لازمدر

و یرو یایالاردن هر قنئی سی که چفتلککلرین قیوب قاچسه سنجاق بکنه
واجبدر که اول قاچان یایانی هر قنده ایسه بولوب طوتوب کیرو یرینه کتوره

و اول ولايتك قاضيلرى داخى سنجاق بكنك صورت دفترند
مسطور اولان يالاردن تيمارلردم و ملكدم و وقفدم فى الجملة هر قنده كه
وارايسه انلر داخى قاچان يايانك كچوروب يرينه كتمور مسنده معاونت ايله لر
اهمال و مساهله اتمه لر والا معاقب اولور لر و هم يساق ايده لر كه يايابه
كمنسه مانع اوليه و كزايه و ارالرينه كيرميه والا يايابه اوليجاق سياست
انلره اولور

اما سنجاق بكى ادى داخى يايانى بولدوغى يردن كچوروب الوب
كيدوب يازلدوغى چفتلكه ايدوب نوبتده قوللغن اتدوره اتجه سنى الوب
صالو ويرميه

اكر بونك كى نسنه [لر] اولور ايسه قاضيلر منع ايده لر منعه ممنوع
اولمز لر ايسه يازوب درگاه معلومه بلدوره لر كه حقمندن كلنه و اكر قاضيلر
اهمال ايدوب بلدور ميوجك اولور لر ايسه منصبلرى التماغله اولمايوب انواع
بلايه اوغرايه لر

سنجاقى چكيجيسى و سنجقدارى ييادن اولسه جايزدر

ويايا سنجاقى بكنه متعلق يوه و قاچقون بابتده داخى قانون شونك
اوزرينه در كه ياياسنجاغمده دو تولان يوه و قاچقون ياياسنجاچ بكنك اوله

[سياست پيادكان]

سفره و ارمان يايانك يساغى قضاة معرفيله تفتيش اولنوب شول
ياياكه سفره كلد كدن صكره خدمتى تمام اولمدين دستور سز [قاچوب كتمش]
اوله و ياخود سفره كيدر كن يولدن دونوب [قاچوب] كيده و بونك كى
ايشى عادت ايدوب بر ايكي [اوچ] دفعه آتمش اوله انى صلب ايده لر
و شول يايادنه بونك كى ايش [متعدد واقع اولوب] عادت ايدممش

اولیه انوک کیلرک داخی قاضی معرفتیه کیمنک بورن یوروب وکیمنک قولاغن کسلر

وشول یایاکه سفره وقوللغه [۱] کچ کله انلرک صقان کسلر

ویایانک یساغنه هیچ احد مانع اولیه وارسنه کیرمیه [والا] انواع بلایه اوغرایه

وسیاسته مستحق اولان یایایه ذکر اولنان موجبجه سیاست ایده لر نسنه سن الوب صالیورمک اولیه

ویایانک سیاستده شواکی قوللق قصوری ایچون سیاستدر یایا سنجانی بکینکدر اتلو سنجانی بکینک اکادخلی یوقدر

اما یایاک شرعی کنه غلیظی اولوب سیاسته مستحق اولسه که صاب اتمک ویا قطع عضودر قضاة حکم ایدوب حجت ویردکن سکره سیاست اتلو سنجانی بکینکدر اما یایا سنجانی بکی معرفتیه ایده داخی یایان قنایوب [۲] جرم جنایت المیه مسلمده دخی بوسیاست جاریدر

[باب ثالث]

[یدی فصل اوزرینه ترتیب اولنوب رعایایه مختص احوال بیانده وضع اولندی]

[۱] «قوللق» عسکرک ومأمورین سائر دولتک ایفا ایده جکی وایتدیکی خدماته مخصوص بر تعیر رسمی قدیدر .

[۲] کله مذکوره قانوننامه تک نسخ متعددده سنده بوصورتله یازلشددر . مفاد افاده دن شمدی دیت طلب ایتک معناسنه مستعمل اولان قان ایستک مصدرینک مقابلده قوللانیلیدینی آکلاشیلدور . حالبوکه تورکجه ده معنای مذکوره موضوع اولان قنایوب کله سی یوقدر . بلکه ده فاندرومق مقابلی اولان قنایوب مصدرندندر .

[فصل اول بر رعیتك رعیتلكنه متعلق قضایاں بیان ایدر]

بر رعیت نوت اولوب صغیر اوغلو و چفتلوکی قالسه صغیر چفتلكك عهده سندن کلیچك اتاك چفتلكی در دیو سپاهی رسم چفت طاب اتمیه صغیر بیویچه اخره ووروب زراعت اندورب قولغن چكدوره حتی صغیرك وکیلاری چفتلكك حقندن كله بلورز دیو طلب ایده وزدینلرك اوزر لرینه قید اولنه باشریمز [۱] دیو قبول ایتیملره یازلیوب صغیر بیویچه سورمکی ملتزم اولانلره یازلیه

صغیر چفتلكك یرادقدن صكره اناسی چفتلوکی هر كیمك النده بولنوب طاویه داخی الماش ایسه حاصلن تصرف اتمشدن قانون سلطانی موجبچه چفتلكك ینه صغیره حکم اوله

واوكسوزدن طاویو التیق یوقدر زیرا اتاسندن قالمش یری ملك موروث کی اعتبار اولمشدر

ورسم چفت بغایت [خاص] پنه بتر ویاخود [صو] بصاریردن ایکی دونمه راقچه و اوسط یردن اوچ دونمه راقچه و ادنا یردن بش دونمه راقچه [النہ] خاص یردن یتمش سکسان دونم [و اوسط] یردن یوز دونم و [ادنا یردن یوز اوتوز و] یوزاللی دونم یر چفتلكك اعتبار اولمش

و بر رعیت زراعته قابل یرینی اوچ بل بوز قومار (۲) [سپاهی به] ضرردر اول ضرری دفع ایتك ایچون اول اوچ یل بوز قالان یری صاحبك الندن

[۱] بچرمك ، تسویه ایتك معناسنه اولان باشارمق مصدرندنر
[۲] برترلانك قابلیت زراعیه سنی تجدید ایچون اجرا اولنسان دېكلندیرمه عملیاته بوز قومق تعبیر اولندیفی کی ترلایه دخی احوالده قالدینی مدتجه بوز تسویه ایدیور . تعبرات مذکوره الآن آناتولیده مستعملدر . برده بوز اغلیق تعبیری واردر ، بونك معانی مختلفه سسندن بری ایشلنماش خام وچاللیق حالنده اولان اراضی اولدینی کی دیکری ده اوچ سنه ایشلنمیوب حیوان رعی اولنان ترلادر . مذکور اراضی و ترلای زراعته قابل حاله کتیرمك ایچون یاپیلان عملیاته بوزاغلیق بوزمق دسلور . بوزقیر تعبیر مخصوصی ناشقه در .

الوب غیرى كمنه يه طابويه ويرمك عرفاً قانون وجازدر
اما طاغ و [قيريرلر] اولوب ويا خود هرل صوبه صوب و زراعت قابل
اوليوب بوز قالسه [الوب] غيره ويرمك ممنوعدر زراعت طرفندن
تقصيرات [متواليه اولمشدر]

ورعتك چفت او كوزى مصلحتى ايچون وخرمن ى ري ايچون
بر قاچ دوئم ى ري بوز قويوب مرعى ادمك ممنوع دكلدر بوسيله تقدر
زمان بوز قالسه طابويه ويرلمز

قديم الزماندن شهرلونك واهل قرانك طوارلى خصوصيچون
اورو (۱) سى [ايچون وضع اولان برلكا كلى و قورونماى ضررعام اولدينى
سببندن منع و دفع اولمشدر
وعورت اري يرند بوز قومايوب عشرين ورسومن ادا ايسه انندن
المق حيفدر اتمه لر

ودفترده مسطور اولان واصل يازيلان چفتلكلر محلول اولوب رعايا
اراسنده نابيد اولسه احياسنه ورسومنه ملتزم اولان رعيت وريلوب
هر كيمك اننده اول چفتلكدن ير بوانورسه حاكم الوقت اولان حكم
ايدوب اليوروب اول چفتلو كى احيا ادوره اكر طابويه دخى الدق ديرلر
ايسه دعوالرى مسموع اوليه

ورعتندن تكرار عشر شول كمنه دن النور [كه] كندو سپاهيسنك
تيمارنده [كى چفتلو كى ترك ايدوب واروب غيرى يرده] زراعت [ايدو
اماسپاهيسنك تيمارنده زراعت] قابل ير [ى] اولمدينى تقديرجه غيرى يرده
زراعت ايدن كمنه دن تكرار عشر النوق حيف ونا معروفدر كافردو

[۱] اورومرعى معناسنه اولدينى كى اطرافى ديوار ويا چيت ويا خود ايله
آيراش محله دخى دينور . متن قانوننامه ده كويلر اطرافنده اولان مرعى مراد اولنيور .
قانوننامه نك نسخ سائر سنده بوفاده «... طوارلى اوروسى ايچون وضع
اولان ...» صورتنده در ، كه ده زياته طوغيردر .

داخی بوقانون جاریدر عشری صاحب ارضکدر

اما ولایت سمندرده بر رعیت اکر یازلدوغی یرده زراعت اتمیوب
غیری سپاهی یرنده زراعت اتسه نصف عشر صاحب ارضه ونصف
آخری بدل سالاریه بیله کندو سپاهیسنه ویریر

وچفت قید اولیانلر چفته وچفتلکه مالک اولسه رسم چفت النور
بوابده اعتبار چفتلک مقدارینه جایزدر چفتلک مقدارندن زیاده یرتصرف
ایدن کسنه زیادهسنده خارج [رعیت] کبی رسم ویرور

پیر اولوب ویاخود فقر وفاقه عارض اولوب چفت وچفتلکی الندن
کیدن کسنه دن رسم چفت النیق حیفدر خصوصاً که الندن کیدن یرمعمول
اولوب رسوم حقنده نقصان کله مش اوله

وسپاهی دن چفتلک طوتان رعایادن رسوم تمام چفتلودن تمام
چفت رسمی ونیم چفتلودن نصف رسمی النوب نصفندن اقل اولان
یرلردن اکر اراضی سقیه دن اولوب ویاخود ایو خاص یر اولسه هر یل
زراعت اولنوب حاصل ویرسه ایکی دونه بر اچقه رسم النور واکر متوسط
الحال اولسه اوچ دونه بر اچقه رسم النور وادما اولسه درت بش دونه
بر اچقه رسم النیق قانونه مطابقدر زیرا خاص یردن یتمش وسکسان
دونم یر ومتوسط الحال دن یوز دونم وادنا یردن یوز اوتوز یوزاللی دونم
یرچفتلک اعتبار اولنور [۱]

دونم داخی خطوات متفارقة ایله طولاً وعرضاً قرق خطوه یردر
ورسم چفت وبناک اوایلده خرمن وقتنده النور ایمش شمیدیکی حالده
مارت اینده النیق قانون مقرر اولنمش

وشهرلرده شهر خلقندن شهرسنورنده اکین اکسهلر بوخصوصده امر
عالی شویله صادر اولمش که وقف وملك اولان یردن غیری تیمار اولان یرده
اکسهلر بتون چفتندن ونیم چفتندن نقدر یر دوتر ایسه [یر] مقدارنجبه

[۱] چفتلک اعتباری حقنده یوقاریده دخی ایضاحات ویرلش ایدی .

چفت رسمن ویره لر اما چفتلرین بوزوب فراغت ایدرلر ایسه چفت
رسمی یازلامشدر [طلب اولنیه]

ولایت قرامانده شهرادهیه خاصه قید اولسان غلهلردن اورتاچی
اولانلره بکلکدن تخم ویریلوب اندن حاصلن مناصفه ایده لر [مکر] که
کندو تخمیه اکمی طلب ایلنه اختیارلریله طاب ایلنجه جبر
اولنیه

واورتاچیلر نصف حاصلن بکلکه ویردکاری جهتن مملکت عثمانیه
ده مطلقا عوارض دیوانیه دن معافلر در بکلر بکیار وقاضیلر اسلمیوب
انلری عوارضه بله قاتارلر ایش انلردن عوارض مرفوعدر عوارضه
قائمیه لر

شهرلرده اولان کیله [رسمی] رسم تیمارده قید اولمیوب اچیلر اچون
وقاپودن کلان قوللر اچون تعیین اولندی اللرنده اولان حکملری
موجبنجه ول اچقدهن قاضی معرفتیه خرج ایده لر و باقی نه قالورایسه
صاحب تیمار متصرف اوله

والچیدن هر قنغیسنک النده حکم هامون اولوب [انوک اچنده]
اتمک ویمکدن ویمکدن ویمدن واولاقدن [وقولاوزدن] وغیریدن هر نه
قید اولندی ایسه انی ویره لر زیاده نسنه ویرمیه لر واکر نسنه امر
اولنمیدیه همان اوده [ویره لر] هر نه حاجت اولور ایسه کندو یانلرندن
صاتون الوب کسنه یه زحمت ویرمیه لر ایدرلر سه درگاه معلامه اعلام
ایده لر

ورعیت کندو کتسه طامی و چولی سپاهینکدر سواری قووسه
طامی و چولی رعیتک اولور

و بر رعیت فوت اولوب اوغلی وقیزی قالسه جمیع چفتلک اوغلی
النده اوله قیزی نه حصه یوقدر قیزی داخی بنومده حصه واردر دیوب
حصه طلب ایتیه

ورعیت سپاهی عشرینی انباره ایلدوب و حصار ارانرینک حصاره
ایلتیمک رعایا اوزرینه بدعت معروفه در اما مسافه برکونلکدن زیاده
اولسه دفعه لایخرج تکلیف اولنیه دیو امر اولمشدر
واورتا قیلره حاصل کتورلمک تکلیف اولنیه هان کویلرده اولان
انباره ایلدر

وقانوننامه لرده رعیت سواری یه اوپاپو ویرمک مدفوع اولمشدر هان
حاصل اولان عشرلرین قویاجق انبار یاپو ویرمک رعایایه تجویز اولمشدر
و بر رعیتک [انده] چفتلکی اولسه بروسه مدیله درت مدتخم اکمک
هریل بورجی در هیچ اکمدوکی یلده الی اچقه اکمدوکی چون اله
بروسه مدیله ایکی [مد] اکسه یکر می بش اچقه الله و علی هذا اما
درت مدتخم تمام اکدکدن صکره غیری صنعت اشرا ایه داخی تعرض
اولنیه

وتیار ارلری وعمال خرهن اولچمکدن نسنه المق ایچون تأخیر ایدرلر
ایمش اول بایده برهفته توقف ایدرلر اگر کلوب اولچمز لر ایه
کویک امامی و کتجداسی ویرار ادمیلری معرفتیه خرمنین اولچورب
انبارینه قویه تیماراری و عامل بنوم معرفتمسز اولچمک دیو اول
کمنه نی انجتمیه لر انجدورلر ایه قاضی منع ایلده

و بعض رعایانک چفتلکلری دفترده یازولدوغندن تفاوت فاحش ایله
زیاده اولسه شویله که برچفتلک یازیلانک برحق چفتلک اولسه نیم
یازیلانک هربری چفتلک اولسه دفتردن زیاده رسمنه الزام کوستروب
حقندن کلور ایه دخل ولیمه ابقا اولنه [رسمنه] ماہزم اولمز ایه
زیاده سی قاضی معرفتیه چفتلکی اولنیه ویرله

و بعض برلرده چفتلک قلیل اولوب یوقاروده ذکر اولنان چفتلک
مقدارندن اکسک اولوب اما اولانجه یری حاصلو اولدوغنی اجلدن کهنه
دفتر موجبجه بتون چفت و نیم چفت اولمشدر چفتلکموم اکسو کدر

دیو نزاع ایدرلر ایسه مسموع اولمیه دفتر موجبیه عمل اولنه
و مسجد وقفن تصرف ایدن ائمه دن رسم چفت رفع اولنوب دفترده
حاصل یازلمشدر عو رض خود مطلقا ائمه دن مرفوعدر امام اولدقبری
زمانده تکلیف اولمیه

وقف یرلرده اوتوران رعیتلرکه اوزرینه دیوایه داخی وضع اولمش
اوله جانبی وقف اولان [خرمنلرین] اولچوب عشرلرین اخراج
ایلینجهرعیت حاصلان خرمن یرندن کتورمیه اکر کتورر ایسه
تهدید ویساق اوانه که وقفک حاصلی ضایع اولمیه

وخارجیات امر[ی] پادشاه عالیه حضرتلرینه عرض اولنوب شویله
بیورلمش که خارجدن اکن کسسه لر کم کرکسه اولسونلر اكدوکلری
یرلرک صاحب تیمارلرینه تمام رعایا کبی رسوم عرفیه ویرلر چاچلری اولچوب
مدده ایکی بحق کیله انسان یرلرده بونلر داخی [ایکی بحق کیله ویرلر
اوج کیله نان یرلرده بونلر داخی] اوج کیله ویرلر فی الجمله مقاطعه
اعتباری بالکیله مرفع اولوب عوارض اولسه داخی اکر سپاهی
داخی یرینه کوره بی نزاع بلاسن چکلر رعایان امتیازری کردک
دکری صورتنده و [اخذ] و یرک اختیار [لر] نده اولقی امرنده ظاهر
اوله هر خارج که بوجهله النده کی یرک بلاسن چکه صاحب تیمار
اولان انک یرینی خارج سن دیو نزاع ایدوب الندن المیه مکرکه
رعیتک یره ضرورتی اوله اشو معنا برله که ادینه یر یازلمش اوله اما
النده هر کیز یری اولمیه حتی [تکمیل] ناقص خارجیاته تعرض
ایتمکه سبب اولمز

ورعیت ادنه یرکه یازلمشدر اکر ازا کرچوق یازیلان یازی یه کوره بلاسن
چکمک کرک بو نقصانک تکمیلی ایچون خارج الندن یر الوب اکا
ویرمک اولمز اما محلولاندن وقییدن و بوجاقدن وطاشدن و بایردن
تکمیل اولنسه اولور زیرا اکثر بودرکه انک کبی النده یری از

اولوب ادینه یزازیلان اختیاریه الومده بومقدار یروارد دیو یازلمشدر
صکره غوغا ایدوب یازیلان مقدای یروتمقلغیچون اول سپیدن
غوغاسنه اعتبار اولنیه

ماشول خارجلرکه رعیتک اوله کلان مزارعی [زراعرلندن] ضرورتی
وقتنده صاتون الوب وسپاهیدن طاپولیوب ویا دفتروقتنده ادنا مناسبت ایله
ادینه یازدروب مرعی وقوری یزادتمش اوله وصاحب تیماراولنه اوایلدن
اولی کلان منفعت یتشمز اوله ونقدده وغلده [معتدبه] نسنه واصل اولمز
اوله انوک کیلر [ه] تعرض اولنوب الندن الوب رعیته ویرلسه اولور
وتیارلردن متفرق اولان رعایانی جمع اتمک قانوندر اما اون
بش یلدن زیاده متمکن اولوب طورانی قالدورمق رفع اولمشدر وشهرده
یکرمی یل متمکن اولانی اول اوتوردوغی شهره [یازمق] بیورلمشدر و
استانبولده برکسنه متمکن [اولسه] کوچرک منوعدر

سورکون قیزی سورکونه نکاح ایده لر اخره نکاح اتمه لر سورکون
طایفه سی اخره واروب بکلکدن ویاغیری یرده ایش دوتماق وعمل المق
اولیه استرلرایسه قبول اولنیه وسورکون ایچون احکام شریفه
یازملو اولیاجاق کاغدی پادشاه حضرترلرینه عرض اولنه

ورعیت نساندن برکسنه برشهرده اون بش یل توطن اتسه اما
[بوخصوص] رعایا دفترنده مقید اولسه انوک کبی کسنه رعیت دفترینه
قید اولنوب شهرلویه الحاق اولنوب شهر اوزرنده یازملاق قانون جدید
اولمشدر

اما سمندر ولایتده یرلر [ندن قاقوب] پراکنده اوتوران رعایادن
سپاهیلر مخیردر دیلر سه محله کوره تمام عشرویا نصف عشرالوب یا چفت
بوزان رسمی یتمش بش ایچقه الور

ودربند بکلکیوب اخر کویده اوتوران دربند کافرلری داخی سایر
رعایا کبی در

وسپاهیله خاصه قید اولنان چایرلرین رعیتلری [مچیویروب] یرنده یغارلر اوینه کتورمز لر

و بر رعیتک غیری سپاهی کوینده خنزیری یورور یسه رسمنک نصفی کندو سپاهی سی و نصف اخرین صاحب زمین الور و بوغزدوغی وقت خنزیر باشنه سپاهیسنه بر اچقه ویرور

وسپاهیله افلاقلردن و وینوقلردن مزرعهلری ایچون یازیلان اچقه خرمن وقتنده النور

وهرسنجاقدن طوتلان قیلان و ووشق دریلری یاریسی سنجاق بکنه متعلقدر مکرکه یایا و مسلم طوتمش اوله انلرک طوتدقلری داخی کندو سنجاق بکلرینکدر

وطاغلرده بتمش خدایی اغاچلر صاحب تیمار و صاحب ملک دستور یله برنسنه جک تشریف ایدوب اشلسه لر اول اشلیه نك ملیکی اولور یلدن یله کندو دوشوره عشرين ویره و غیریلر انک اذنسوز دخل ایلمیه

و طـاغلـرده و اورمانلرده بتمش اودونلر اوتلر و خدایی بتمش لرکه اشلنمامش در مباح الاصلدر کیم دیلرسه دوشوره انوکدر مکرکه قورینوب ضبط اوانوب بجرمکه حاصل اولمش اوله عرفله کیمک تصرفنده ایسه اول دوشوره غیریلر اکا دخل ایتمیه

[فصل ثانی کفریه مخصوص احوالی بیان ایدر]

سواری اوزرینه حاصل یازلمش هر قنده بکک باغ وار ایسه رعیتلری یلده اوچ کون اشلیه لر بکک باغ اولمیان یرلرده اشلمیه [لر]
و کافردن قانون و دفتر سلطانی موجب بنجه حققرین الدقدن صکره

اتلرن و فکلور [۱] ترین کوجله اولاق دوتیمه لر کنه ولره کوجله ایش
ایشلتمه لر

وتیماردن رعیت اولمیسوب خارجدن زراعت ایدر کافرلر عشرين
صاحب تیمارک کویده اولان انبارینه ایلده لر

دار الحربدن کلان کفره دن برکمنه بنوم ممالک محروسه مده وفات
ایدوب بعد اداء الدین ترکه سی قالسه اول ترکه قاضی معرفتیله یازیلوب دفتر
اولنوب ضبط اولنه اگر میت مذکور ایچون دعوی وراثت و [یا]
دعوی وصیت اولوب مسلمان شاهده ضرورت اولوب و کافر شاهد
اولوب وصیته و یا وراثته شهادت ایدرلر ایه شرعاً جایز اولدوغی سببدن
قبول اولنوب نوجهله شهادت اولمش ایه مقرر دوتیله نزاع اولنمه

اگر دعوی وراثت و وصیت اولمز ایه اول ترکه نقدر واریسه قاضیلر
معرفتیله ضبط و حفظ اولنوب امین و مصون یرده دوروب بیت المالینک
وغیرینک اکا [دخلی] اولمیسوب صکره اول وفات ایدن کمنه نک ولایتدن اول
ترکه ایچون ادم کلیجک کلان ادم و مکتوب قاضیلر یازدوغی ترکه دفتریله
درگاه معلامه عرض اولنوب قیودن امر ایدوب تقش اولنوب کلان ادم
وفات ایدن کمنه نک ولایتدن اولوب و کاغد داخی بکلری کاغدی اولوب
اول مصلحت ایچون کلدوکی ظاهر اولیجاق حکم شریف ویریلوب اول
ترکه اول کلان ادمه تسلیم اولنوب کوندریله

و [هم] کفره مذکورہ متوفی اولدوغی یرده قضاة قسمت ایدوب
میراثلرینه قاریشوب حربی کافر ترکه سندن رسم قسمت الموق اسرلریمش
المیلر

[۱] فاکلو یا خود قاغی آناطولینک بعض یرلرنده الان مستعمل ایکی تکرر لکلو
آرابه یه تسمیه اولنور . متن قانوننامه ده مطلقاً آرابه مقابلنده استعمال اولمشدر .

[فصل ثالث عزب ایچون تعیین اولنان قانونی بیان ایدر]

هر بار که ممالک محروسه دن عزب یازملو اولسه قاضیلر وسو باشیلر
اول خصوصچون واران حکم شریفک مضمونه نظر ایدوب رئیسله
واوده باشیلرینه و علمداران وعزبه هر نه بیورلمش ایسه امر شریف
موجبجه بیقصور ویرله ضبط ونقص اولنیه

ویاز یله جق عزب باینده داخی هر یل محله ده عزب بیورلدقجه یوقلنوب
محله امامی وکتبخداسی معرفتیه تعداد ایدوب وهر برینک قدرتن معلوم
ایدینوب قپودن: یربان ایچمدن غیری خرچاق ویره جک ایچمه که [هر] عزب
ایچون نهایتی اوچ یوز ایچمه در کم فرضا بر محله دن اون عزب چقمولو اولسه
اوچ بیک ایچمه اولور ائمه محله و بالفعل برات هایون ایله اولان اهل منصب
استثنا اولندقدن صکره نه مقدار کمنه قالور ایسه اول مقدار مبلغی
اول کمنه لره حالله کوره ویدرتلو قدرتنه کوره صالوب الله
وطول عورتلردن نسنه النیه وپیرلرک غناسین و فقرین تفتیش ایدوب
بلوب اندنصکره حالنه کوره طلب اولنه و هیچ بر فرده حالندن
وحدندن ریاده نسنه تکلیف وتوجیه اولنیه وکمنه یه میل ومحابا ایدوب
اندن سهل نسنه الوب باقی [سن] - ایرینه تحمیل اتمک اولیه

اگر بر محله خلقتدن از واکر چوق عوارض نوبتی ایچون قاجوب
عوارضدن امین محله اولوب واروب انده التجا ایدر لر یسه محله سی خلقتک
بالحمل موجودندن معدود ایدوب حالنه وحدینه کوره متوجه اولان
طلب قلنوب الله

ونفس عزبده داخی عزبده که قابل ومقاتله یه و محاربه یه قوی وقادر
اولان کمنه لردن البته انلریاز یله اوغلاندن وپیردن ومرض و معلولدن
هیچ بر فردی عزبه یاز میه لر

وهم عزب یازلق عدد خانہ اعتباریله اولوب فرضایکرمی خانہ یه عزب دوشسه اول محله ده اول یکریمی عدد کمنه نك بریرارین ایچندن عزب لکه یازوب باقی اون طقوزندن اکاخر چلق جمع ایدوب اول اون طقوز کمنه دن نه مقدار ایچه المنو [اولورسه] الوب وکند و عوارض ایچه سن داخی محسوب دوتوب عزب چیقمالو اولیجاق عینی و خصوصله ایجاب و تکلیفله انی [چیقهرلر] وعزبه اخردن زیاده ایچه ویروب خلقدن زیاده نسنه النیق فسادینک سببیه که عزبی خار جدن یازوب راضی ایده میوب زیاده نسنه [ویرمکه] مؤدی اولمقدندر اول نسنه عادت دکدر بدعتدر انی بالکلیه مرفوع ومتروک بلوب اول معنایه رضا ویرمیهلر

[مکرکه] اول یکریمی عدد کمنه نكده عزب لکه یرار کمنه اولیه اول وقت خار جدن بریرار یکت یازوب بیونلیه لر [۱] وچیقمالو اولیجاق ایجاب ایدوب چیقاره لر

وکمنه نك یالن بوزلی اوغلان وقوان یازمیه لر وهر کمنه یی که یازهرلریازدوقلری یرده محکم ونلره ویره لر تا که ثابت [وغنی] کمنه لر اوله لر انلردن کفیل الوب اندن یازهرلر تا که عزب خدمتن تمام اتمدین کیدوب ویاخود غیت ایدوب اله کیرمیجک عزبه ویریان ایچه یی کفیلدن طلب ایدوب المقده عسر اولیه

ویردفعه یازیلائی قطعا تبدیل وتغییر اتمیه لر مکرکه یازبلوب تعیین اولندقدن صکره وفات ایده ویاخود خسته اوله سفره اقتداری قالمیه وقالمدوغی علی التحقیق معلوم اوله اول وقت ضروریدر عزبه ویریلن ایچه یی نه مقدار ایسه بتمامه الوب برکمنه یه داخی ویروب

[۱] آکلاشیلدیغنه کوره بوکله نك مصدری بیونلق در، برقاچ سطر آشاغیده بیون کله سی تعهد وکفالت مقابلنده استعمال اولندیغنه نظراً بیونلق مصدرینک معناسی دخی تعهد وکفالتله ربط ایتک اولسی ایجاب ایدر. معافیه بیونلق آلآن مستعمل اولیوب یالکیز درعهده ایتک وضامن اولق معناسنه اوله رق بونه آلتی قولالانیلور.

یازوب کوندریله و عزب اغالری بو خصوص ایچون قضاتدن حجت الهلر
تا که حین احتیاجده احتیاج ایدینه لر

و عزب علوفه سندن اغالری و کاتبلر الدقلری اچمه ایچون خلقدن کیرو
ازدن و چوقدن اچمه المیه و تسلیم اچمه سی دیو کمسنه دن بر اچمه و بر حبه
المیه لر

و هر عزب ایچون محله دن الزان بشر اچمه بالکلیه نفی و متروک اولوب النیه
و عزب رئیس لری نه که عادت بریک رنک خلعت [در] خزینه دارانی
و چاوشانی رسمی هر خلعتدن [الیشیر (۱)] اچمه در رئیس لر کندو یا نلرندن
ویره لر کمسنه دن المیه لر

و عزب قاضیلر و سو باشیلر حضورنده یازیله غایبانه محلاتده و سایر
یرلرده یازیلوب عزب اغالری و یازن امینلر و کاتبلر و قوللر کندو مقصضالرنجه
کذا ایش آتمک اتمیه لر

و هر قاضی قندن که عزب یازیلور ایکی دفتر اولوب بری قاضیلرده طور ب
و بری درگاه معالیه کلوب خزانة عامریه تسلیم اولنه تا که عزب
یوقلملو اولوب و یا کفیل طلب اولملو اولیجاقا اگر قاضیلرده طوران
دفتره نظر اولنوب انوکله عمل اولنه و اگر درگاه معالیه تسلیم اولنان
دفتره نظر اولنوب انوکله عمل اولنه

و اگر عزب کتمک و یا غیبت آتمک واقع اولوب عزبک اچمه سی
کفیلدن الملو اولسه اول دفترایه الله و هم تبدیله و تغیره مجال و احتمال قالمیه

[فصل رابع یوروکه و خیما نه یه متعاق خصوصانی بیان ایدر]

یوروکه داخی یرو بکی [۲] رسم غنم ایکی قیسونه بر اچمه در

[۱] المزده کی نسخه ده « التیشیر » ایسه ده سائر نسخه لرده الیشیر در.

[۲] قدیم تورکجه ده کی مقابلنده مستعمل ایدی .

ویوروکدن رسم قره اون ایکی اچمه دور ویوروک قیونی قیریلوب
هیچ قالمسه و یا خود یکریمی درت عددن اقل قالمسه بونلره داخی قره
دیو اون ایکی اچمه نور و قیون باجی المنز

واکر یورک بر سپاهی دن یرطوبت زراعت اتسه عشر و سالاراق
ویردکنصکره رسم بیوندرق دیو اون ایکی اچمه و یروب زیاده نسنه
ویرمن زیرا زیاده رسم ویردوکی تقدیرجه تکرار رسم النوب قانون
قدیم اوزره مخالف حیف اولور بوقضیه مراراً تفتیش اولنوب
امر پادشاهی ایله موجب مذکور اوزره مقرر اولمشدر

ویوروکلر سنجاغی بکی و تیمار اری یرنده زراعت ایدرلر ایسه تمام
چفتلودن اون ایکی و نیم چفتلودن الی اچمه رسم چفت وارد و اولتاق
رسمی یرلوده کی کبی اعلا سوریدن یکریمی و اوسطدن اون بش و ادانان
اون اچمه در و رسم اغیل هر اغیلدن ایکیشر اچمه سنجاغی بکنه
ویرورلر

وبورک طائفه سنک رسومی اوایلده قوزی قرقنده النورمش شمیدی
ابریلده قانون اولمشدر

و ناحیه طوکزلقده [قره] اغاجنه خارجدن یا بلا [یوکلان] قرجه
قیونلوند ویوروکلردن اون اچمه اولتاق رسمی و قیونی اولیانلردن ایکیشر
اچمه اولتاق رسمی النوب سنجاغی بکی ایله سوباشی بطریق المناصفه
تصرف ایدرلر

ولایت قرمانده مجموع خیانهلر شهزاده به خاص اولمش ایمش بعضسنه
آت اچمه سی وضع اولنوب و بعضسنه اولتامش آت اچمه سی وضع
اولیانلر اوزرینه قید اولنان یوردلرینه اکنلردن عشر غله و رسم چفت
و بنک و جبا و رسم اغنام و رسم عروس و جرم جنایت یازلمشدر
یوردلریده زراعت ایده جک یرلری اولیوب اخر یرنده زراعت ایتدکاری
تقدیرجه اکوکلری یردن عشرلرینی یراسینه و رسم چفت و باقی رسوم

خاصه ويرمك قيد اولنشدرد عوارض داخی ویرورلر و آت اچمسی
 وضع اولنان طوایفدن رسم چفت و بناك وجبا و كندولره يورد يازبان
 يرلرده اكدوكلری عشرلری آت چكدوكلری مقابله سنده عفو اولنوب
 عوارض ویرمك داخی رفع اولنشدرد همان آت اچمسی آت باشه
 اوچر یوز اچمه و جرم جنایت و رسم عروس و رسم غنم ویرورلر
 اما آت چكینلردن [و چكینلردن] بعض جماعت خاصلردن افراز
 اولنوب تیماره ویرلمش آت چكینلردن تیماره [ویربلنلرك] آت اچمسی رفع
 اولنوب انوك مقابله سنده يوردلرنده اكدوكلرینك عشرلری ویرمك
 و قیونی اولمیانلردن بناك و عوارض ویرمك قيد اولنشدرد
 و آت چكینلر [دن] تیماره ویربلنلر همان خاصه قيد اولندوغی رسومیله
 ینه تیماره قيد اولندی الان آت اچمسی ویرنلردن طورغود [و] ایبورد
 واسکی ایل قبیله لرنده قالمشدر و آت چكن طایفه دن هر قبیله دن
 وجود اولان جماعته باقی قالان آت اچمسی تعادل طریقیه توزیع جدید
 اولمق امر اولنش ایتمش
 و آت اچمسی چكیمان قبیله لرك رسومی اوتراق رعایا رسومی کیندر
 شویله بلنه

[فصل خامس افلاقلر احوالی بیان ایلر]

برانجوه وودین افلاقلری خراج و عشر واسپنچه ویرمزلر و جمیع
 عوارضدن معاف و مسلملردر و رسم كردك داخی ویرمزلر جرم جنایت
 ویرورلر سنجاق بكنه ویربان جرم جنایتك عشرین كتر [۱] لر اولرلر

[۱] اسلاوجه پرنس معناسته اولان Kniaz كله سنك لسانزده آلدینی
 شكدر ، قدیم تعبیرات رسمیه مزده کوی مخزلرینه تسمیه اولنوردی .

و مذکور افلاقلر بش اوناوه برکوندر ویرورلر احتیاطلو یرده
 قراول بکلرلر دشمن اولیجاق جمیع افلاقلر آلتورلر یولداشاق ایدرلر
 وتوتوندن توتونه [۱] سنجاغی بکنه یلده سکسان اوچر اچقه ویرورلر
 وسمندره افلاقلری خراج و عشر واسه نیچه و نادت اغنام و رسم عروس
 و سایر رسومدن نسنه ویرمیوب میلاد عیسی علیه السلام کا کادینلرنجه بوژیک
 دیرلر خانه دن خانه برر فلوری ایچون قرق بش اچقه و بر قوچ بهاسی اونا بش اچقه
 واللی فلورینه که برقانونته دیرلر بر [چرکه] وایکی قوچ ویا بهاسی وایکی تکرلک
 پینر وایکی ایب وایکی یولار ایچون اوچر اچقه درجه [التمش] اوچر اچقه در
 الور بوژیکده انی ویروب [ایلک یاز] حضر الیاس کونی دیدکلرنده
 برفلوری و بر زماندن صکره بر [قوزیلو] قیون بهاسی ایچون بکرمی اچقه جمعا
 سکسان اوچر اچقه ویرورلر و بش فلوری به بری وینوق خدمتن
 ایدوب احتیاطلو برلری نوبتله بکلوب آمین واقع اولیجاق اودن بریسی سفره
 چیقار سنجاغی بکنه [اللی] اوه [برتور بیچه که] خدمتکاردراتی ای
 قوللق ایدرلر قانون [اوزره] جرم جنایت ویرورلر و النان جرمک عشرین
 کنزلی الور چره و تحتاکتور میوب حصار بکلمز و سنجاق بکنک
 افلاقلری ایچنده و غیره یرده اوبن با بملرلر و اوتلوغن بچمز لر ویرمکور
 [۲] لک کناهسز پریمکور [لکی] النمز و شرط معتبر اولوب فی الجملة
 عوارض دیوانیسه و تکالیف عرفیه دن معاف و مسلم لر در و طوزجی
 ارالرینه کیرمز

اکر وینوق ویا افلاق طایفه می یازولدوغی کویدن غیره سپاهی
 تیمارنده زراعت ایلسه نصف عشر ویرور کندو باغنده تحصیل ایتدوکی
 خمرین قنئی سپاهینک تیمارنده صتارایسه هر فوجیدن دور در اچقه ویرورلر

[۱] خانه دن خانه به مقابلنده مستعمل قدیم برتعبیر رسمیدر .

[۲] متن قانوننامه ده محرر محافظه و سائر خدمتنده بولنان اولاخلرک افرادینه
 پریمکور تسمیه اولنوردی .

اگر خارجدن الوب صتار ایسه انلر داخی رعیت کبی فوجی باشینه اون
بش اچیه ویرور

[فصل سادس بدع مرفوعه بی بیان ایلر]

قونیه باغلری اوائلده بر برین بکلمکه محتاج اولمش اول جهتدن
چاوشلر بکلیوب هر بر دونمندن بر راقچه وهرخرمندن برر کیله غله تقدیر
اولنوب المشر اول زماندن برو عادت اولدوغی شیمدیکیحالده
بکلمدین داخی الورلر ایمش بدعت اولدوغی سبیدن رفع اولندی
وقونیه باغلرینک هر دونمنه اوتوز اچیه التوریمش اوایلده میرابلی
مقاطعه یه الان کسنه باغلری صو واره جق وقتنده شهرلور اتفاقیله امین
ادمیر چیقاروب صوقسمتنه متولی قنور [مش] هر دونمنه اوایلده دوردر
اچیه میرابلی رسمی التورایمش صکره صوقسمتنه عامل کندو متولی
اولوب رسمده اصل قانوند[ن] تجاوز ایدرلر ایمش وهم باغلرک
صو واره جق [وقتنده] ترتیلری واریمش زیاده رسم ویرن کسنه یه
نوبتی کلمدین نوبت ویرورلریمش صو از اولدینی یلدرده صکره حادث
اولان باغلره ضرر [اوله جغیکن] قدیم باغلره که حق شرب
انلر وکدر انلره ضرر اولوریمش او یله اولسه ینه اولکی کبی شهرلو
اتفاقیله امین کسنه لر متولی نصب اولنوب صو [ینی] قسمت اتمک امر
اولندی تا که کسنه یه ضرر اولیه صکره حادث اولان بدع رفع
اولندی

ومیرابلق عمله الان [کسنه بعض] کسنه لره بوستانا کدورب ثلث
حاصلین کندو الوب ثلثان بوستانجی المق قول ایلریمش بو سببله باغلرک
حق شربی ضایع اولوریمش قره مان اوغلی زماننده مذکور صویله
اوچ بوستان صوادرلریمش بریسی [دزدار] و بریسی خاتون

ویریمی داخی مولانا جلال الدین حضرتلرینک تربۀ مطهره سی ایچون
اکلوریمش باقیسی باغلره وچشمه لره وحماملره [صرف اولتورمش]
وچم سلطان قلعه دن طاشره برکوشک یایوب اصل صودن کوشکنه کلیکه
برمقدار صوالوب کوشک حواله سینده باغ داخی ایدرلریمش صکره
اول بهانه ایله کوشکه ناظر اولان کمنه لر اول صودن چوق صوالوب یوله
بوستانلر احداث ایدوب خرج ایدرلریمش مسلمانلرک حماملرینه
وچشمه لرینه خیلی نقصان وضرر اولوریمش او یله اولسه میراب اولنلر
وکوشکه ناظر اولنلر منع اولنوب عادت قدیمدن تجاوز اتمیه لر واسلمیانی
قاضی شهر اولان درگاه معلامه عرض ایلیه

وقونیه بزازستانی دکانلردن ایدن ایه هر برندن برر اچقه النوریمش
ایچنده بزازستانچی واریکن عسس بکلدوکنه احتیاجلری یوغکن
اهالی بزازستان طلبلریله رفع اولماسی مقرر قلندی

وقونیه ده محتسب اولان کمنه اتمک اسپان صتان کمنه لر دن دکان
اهلندن هر هفته هفته ک دیو ایکیشر اچقه الور ایمش وخباز اشلدوکی
کون ایکی اچقه الور ایمش و برطلوم بیتندن ایکی اچقه بدعت الوب اندن
صاندریمش قاضی قاتنده ویریلن ترخی کوزه دوبا کسوکن طوتوب
جرم المسنه مشغول دکل ایمش بلکه کسم ایلریمش بونلر بدعت
اولدوغی سبیدن روع اولندی کر کدرکه قاضی معرفتیه ترخ ویریلوب
محتسب اولنلر کوزه ده اکسک صتاندن ایکی درهمه براجقه جریمه اننه
زیاده نسنه التمهیه وکمنه دن کسم التمهیه فی الجمله بوا مردن تجاوز اولتمیه

وچلبی سلطان خلقی و قوللری و [قره مان وحمید] سپاهیلری قونیه یه
کلیجک جبریه شهر لونک او [لر] ینه قونیه لر اختیارلریله قونیه لر اول
بایده قاضیلر جبریه قونمق ایستینلری منع ایدلر اسلمیانی یازوب
درگاه عدالتمه عرض ایدلر

وشهر لرده وکیلر ده طوادرلر انوب صانلور ایمش بیونلر طلب اولنلر ایمش

اول جهتدن اوغراق طوارصا تلیق اسان اولوریمش اوله اولسه بیونسز
طوارالتمیه علی الخصوصکه شهلولو یردن اوله شهلولو یردن بیونسز طوارالانی
تأدیب ایدلر

وبرکیمسه مجرم اولسه نایب قانون اوزرینه جرم الدقدنصکره برجرم
داخی صوباشی الورایمش [برجرم داخی عسسلرایله عسس باشی آلورمش]
نایبیدن غیر کییمسه جرم المیه

وعبدابق طوتاسه یواجی اولان کمنه عبدابق طوتوب کتورنه
یکرمی اچمه مژده و یرمک عادت اولمشدر ابقک مولاسی کلیجک برکونلک
یولدن قاجمش ایسه [اوتوز اچمه وایکی کونلک یولدن قاجمش ایسه]
التمش اچمه و اوچ کونلک یولدن قاجمش ایسه داخی زیاده همان یوزاچمه
مشتلق ویرور وقولک قاضی تقدیر ایلدوکی نفقه سین ویرور
وبونلردن غیر عبدابق طوتوب کوتورنه ویردوکی یکرمی اچمه
داخی ابقک مولاسندن الوریمش مرحوم خداوندکار طاب ثراه اول
اچمه یی یواجی یانندن امر ایلمشدر انوک اوزرینه مقرر قلندی

وچای سلطانلر جانبندن خراج جمع ایلکه واران کمنه یانجه بریجه
کشی چیقوب یوریوب اتلرین [یملدوب] ومفت یمک وخرالورلر ایمش
ومرده لرین چیقارمغه داخی بر قانون قولنامش هرکلن چیقاریرین دیر
ایمش اون یللق مرده نک خراجن ویرورز دبو شکایت ایلشدر کرکدرکه
خراج جمعنه واران کمنه لراچمه سزسنه المیهلر و اوچ یلده برتفتیش ایلدوب
موجود بولنان نو یافته سینه خراج وضع ایدوب نقدر مرده سی واریسه
چیقارلر بوقانوندن تجاوز اولتمیه

واول یرک اکثر سپاهی لری اولرندن طاشره چیچه جاق قوندقلری یرده
جبریله یم ویمکک الورلر ایمش یساق اولنه

وچای سلطان قوللری داخی برقاضیه خدمته امر اولندقدن حکمی
قاضیه کو سترمدین کندولر نیجه دیلر سه ایدوب کیدرلر ایمش وخرسوزلقله

متمم اولان کمنه لری عمال وصو باشیلر قاضیلر قاتنه ایلمدین جرم الورلر
ایمش اول سببله خرسوزلر قاضی به معلوم اولیوب حقندن کملزلر ایمش
اول باده عماله ونوابه یساق اولنه که قاضی قاتنه ایلمدین کمنه دن جرم
المیه لر و [قاضی] معرفتسز کمنه یی حبس ایتیه لر وچلی سلطان قوللری
قاضی معرفتسز اولیه قاضیلر ایصال ایلدو [کلری] حکم-لرده
قاضیلر حکمیه عمل ایلدیلر و تیردلی مطیع ایلدو وروب قاضی یی تعطیل
ایدوب کندولر ایشه مباشر اولیه

وقونیه جوارنده بر سپور که لک یر واریمش شهر خلقی انوکه فایده لنور
ایمش بردفعه انوک ایچنده طوشان بولنش ایدن صکره واروب سپور که لک
الان کمنه یی قوللر قوری به کیردوک دیوانچدورلریمش کر کدر که اولدن
مسلمانلر منتفع اولدقلری یردن منع اولنیه لر

وقره مان ولایتک بعض خرسز لغلر متمم اولمش کشیلری بر ولایتک
جرایمن ویاخود عادت اغنامن مقاطعه یه الورلریمش کندولر امثالی برینجه
خرسوزلری کفیل یازدروب اون بش یکریمی مقداری کشی اولوب ایل
اوزینه چیقارلریمش قوندقلری یردن قیون وقوزی واتیمی و آتمک
الورلریمش اول کویده بر کیشی بر کیشینک فی الجمله شکایتن ایتسه قاضی به
ایلمدین وصو-وجی ثابت اولمدین ایاغندن اصماغیلر و انواع تهدیداتله
الوبلدوکلرین الورلر ایمش قاضی به دعوت ایلدوب کل دیسه لر تیرد ایدوب
وارمیوب بر کویه داخی کیدرلریمش [کر کدر که] انلر که کی تهمتویه ایش
ویرمیه لر و عامللر یساق اولنه که قاضی معرفتسز کمنه یی طویمیه لر و اچیه سر
یمک المیه لر

وبعض قصباتده خاصلر غله سی صائق ایچون [برینجه کون] بازار طوتوب
رعایا غله سن صاندر منزلر ایمش اول خصوص داخی رفع اولندی
وسمندرده شهر خلقتک باغلرندن حاصل اولان خمیری شهره کتور ییجک
هرفوچیدن ایکی اچیه لاق خر الورلر ایمش وعشرین ویردکدن صکره

فوجیدن فوجیه ایکیشر اچقه داخی الورلر ایتمش سلیمان پاشا زمانندن
برو حادث بدعت اولغله حاصل بغلمیوب امر پادشاهیه رفیع اولندی

[فصل سابع اودون ایچون وضع اولنان قانونی بیان ایلر]

دارالسعادة و مطبخ عامره مصلحتی ایچون هر ییل ازنکمید قاضیلغندن
یکرمی بیک وزنه ویلاق اووه قاضیلغندن طقوز بیک وزنه و ککبوزه
قاضیلغندن ایک بیک وزنه اودون مقرر قلنمشدر هر قاضیلقلر خلقی ذکر
اولنان مقداری اودونی توزیع مذکور اوزره وقتنده کسدورب احضار
ایدوب یالی به ایلدوب حاضر و مهیا ایدوب اودون مصاحتی ایچون واران
کیلره متحمل اولدوغی مقداری اودون یوکلدوب کوندره لر و هر
قاضی کندو قاضیلغنه تعیین اولنان اودونی اولدن اخرینه مباشرت ایدن
کسنه لره تکلیف ایدوب کتورده

و هر قاضیلغنه تعیین اولنان اودون برایه نهایت ایک ایه دکن کیلوب کلوب
بونده تسلیم اولنه اول مقدار وقتدن تجاوز ایتیه و بکلک ایچون [اودون]
کسلمک و التیق همان سرای عامره ایچون مخصوص اوله هیچ بر فرد ایچون بکلک
ادینه اودون ویرلیه و پاشا اوینه و بکلر بکیلر و قاپو اغالری و غیره
و وضعدن و رفیعدن هر کیمه که اودون حاجت اولور ایسه کندو اچقه لرله
طیب خاطر ایلر [اودون] صتان کسنه دن اله لر کسنه یه جبر ایجاب ایتیه لر

و اودون اسکله لرنده استانبول و زنه سیله بر وزنه دوزیلوب هر بار که
یوندن اودون ایچون کمی واردتجه بونده کله جک اودونی وزنه ایله وزن
ایدوب یوکلده لر و اودون ایچون خزانه عامره دن کوندریلن اچقه که
هر وزنه ایکیشر ییق اچقه مقرر اولمشدر و اول اچقه یی اودون کسوب
ایندورن رنجبر لره بیقصور ویریلوب داخی کوندریه و کمی به نه مقدار

اودون ویریلور ایسه هر قاضی اودون ایچون کمی ایله واران کمنه لر الله
 حجت ویرم لر بونده کلیجک اکا کوره یوقلنه
 وهم دار السعاده ایچون بیک بشیوز وزنه پلامود اودونی صرف
 وخرج اولنور بوندن واران وزنه ایله ذکر اولتان مقدار پلامود اودونی
 مذکور قاضی قلمره بشر یوز [وزنه] توزیع مقرر اولوب پلامود اودوندن
 کس دروب باقیسنی سائر اودوندن الوب ایکی بیک وزنه تکمیل ایدم لر و
 بکلیکه النان وسائر خلق ایچون ساتلان اودون هر وزنه ایکی شر بحق الحقه
 مقرر قلمه شد

والله اعلم بالصواب

قانون بیت المال خاصه و مال عصویت وجه تذکره اولدرکه ممالک
 محروسه مده منصبی وجهتی اولنلردن فوت اولوب انلرک مخرقاتی
 ترک لری بیت المال جهتیله و یا عصویت جهتیله قومه متوجه اولسه بونلرک
 کیلرک مخرقاتی قلیل و کثیر هر نه قدر اولور یسه عامله مقاطعه یه ویرلمش دکلدر
 و قبودن جهتی اولمیانلردن داخی شونلرکه جمله ترک لری قاضی دفترنده
 اون بیک ویا اون بیکدن زیاده اوله مدیون اولسون اولسون ترک لری
 دیون احاطه ایتسون ایتسون انلرک داخی بیت المال عامله ساتلش دکلدر
 او یله اولسه بو ذکر اولان طوائفک مخرقاتی باینده مرحوم سلطان
 محمد خان طاب ثراه زماننده قانون مقرر بوایدیکه بونک کیلرک ترک نردن غرما
 دعوی دین ایسه لر الیدن و التمشدن و یوزدن ایکی اوچ بیکه وارانجه انده
 بیت المال جیلر و یا خود وصی میت ویا قبل شرعدن نصب اولمان وصی مواجهه
 سنده ولایتی قاضیلری تفتیش ایدوب معذل و مزکی شاهدلر ایله شرعی تمام
 ثابت و ظاهر اولدقدن صکره میتک ترک سندن انده و یروب ادا ایدوب
 بعده علی التفصیل درگاه معلامه اعلام ایدم لردی ماعداسی استانه معدلت
 پناهه ارسال اولنوردی و برکمنه مستقل اوچ بیک ویا اوچ

بیکنن زیاده نهایت اقل دین دعوی ایلسه والی ولایت وقضاة مملکت بر موجب شرعی قویم شاهدلردن انده استماع ایدوب تمام تعدیل و تزکیه اندکدن صکره قبل الحکم نقل شهادت ووروب درگاه معالده قاضی عسکرلر و استماع ایلدوب شولکه مقتضای شرع مظهردر یرینه قورلردی اما شول دین که مستقل بر شخصه اون بیک ویا اون بیکدن زیاده اوله انلری قضاة ولایت استماع ایتیموب مدعیلری شاهدلریله استانه سعادته کوندروب بونده قپوده استماع اولنوب کیرو امر شرع رعایت اولنوردی صکره بقانونه رعایت اولنیموب بونک کبی برک ترک سندن دعوی ایدنلری قلیلا کان کثیراً جمعینی شاهدلریله درگاه معالیه ارسال اولنه وقضاة ولایت استماع ایتیمه دیو امر اولنوب بوسیدن مسلمانلر بوندن زیاده متضرر اولوب هر خصوص شاهدلریله قپومه کلکده فوق الحد عمر و ضرورت چکوب رنجیده اولدقلری حالیا بنوم عز حضورمه عرض اولندقدمه مسلمانلره مزید عنایت و مرحمت ایلدوب و بوباده صکره دن احداث اولان قضیهلری رفع ایلدم و بیوردم که فابعد بو خصوصلرده مرحوم سلطان محمد خان علم الرحمة والغفران زماننده جای اولان قانون اوزره قضاة ولایت عامل اولوب ذکر اولان کمسهلرک مخالفتندن غرماء دعوای دین ایتدوکلرنده شونلرکه پراکنده فرده دیوندن و متفرق کمسهلره در یوز ایکی یوز بشیوز ویا خود بیت نهایت اوچ بیکنن اقل اوله بونلرک کبی لری سزلرکه قاضیلر سز کندو نفسکز ایله مباشر اولوب علی وجه الاهتام والاستقضا بر موجب شرعی قویم یرنده بیت المال ضابطلری وار ایسه انلرک مواجهه سنده والا وصی میت ویا وصی شرع حضورنده تفیش ایده سز شویله که معدل مزکی شاهدلریله ثابت و ظاهر اوله قطعاً شهیده اولیه انلرک کبی پراکنده دیونی انده حکم ایدوب میت ترک سندن ووروب ادا ایده سز ویا زوب بلدی ره سز اما شول کمسهلرکه مستقل اوچ بیکنن زیاده واون بیکنن اقل دین دعوی ایلسه انلرک کبی امرک شاهدلرین انده سز

کند و نفسکیزله شرع شریف مقتضاسنجه استماع ایدوب تمام شرع ظاهر اولوب شبهه قالمقدن صکره حکم ایتیموب هان نقل شهادت و یروب مفصل عرض ایده سز که بونده استانه سعادتده قاضی عسکرلر اوم شرعله تفتیش ایده لر هر نه وجهله ظاهر اولور سه اکا کوره عمل ایده سز

اما شول کمسنه که اون بیک ویا اون بیکدن زیاده آلم دعوی ایلسه قانون قدیم اوزره مدعی ایله شاهدلری قیومه کوندره سز بونده استماع اولوب حق یرینه واره بو بایده بردرلوداخ ایتیه سز

و ذکر اولنان کمسنه لر که وصیتلری خصوصنده دخی قضاة مملکت بواسلوب اوزره عامل اولوب خرده وصایا که اوچ بیکدن اقل ازله انده بعد اثبوت و التنفیذ و الصرف عرض اولنه اگر اوچ بیکدن زیاده اولور سه بعد اثبوت قبل التنفیذ و الصرف درگاه معالیه عرض اولنه اگر اون بیکدن زیاده اولور سه استماع ایتیموب شاهدلریله و مدعیلریله درگاه معالیه کوندره سز ولیکن بو خصوصلرده زیاده اهتمام و تیقظ اوزره اولوب حیلهدن و تزویردن و شهود زوردن و شرعاً مقبول الشهاده اولمیانلردن زیاده احتراز ایده سز که کمسنه یه تزویریه و تبلیسله مال ویرلیه اما صکره خلاف ظاهر اولور سه انک کبی تزویریه و یا شرعاً مقبول الشهاده اولمیان کمسنه لر شهادتلریله کمسنه یه مال ویرلک اولور ایسه مستحق عقاب و عتاب اولور سز شو یله بله سز

والله اعلم بالصواب والیه المرجع والمآب